

নাগরিক

(তিন অঙ্ক নাটক)

কৃষ্ণদাস বিরচিত

প্রকাশক—শ্রীশৈলেন্দ্রচন্দ্র বসু ।

পি ৫৮ ল্যান্সডাউন বোড এক্সটেন্সান ।

কলিকাতা ।

পঞ্চম সংস্করণ

মাঘ—১৩৬০

প্রিন্টার—শ্রীপ্রমথনাথ মাস

শ্রীকৃষ্ণ প্রিন্টিং ওয়ার্কস,

২৭ বি, গ্রে ইন্সট.

কলিকাতা ।

ভূমিকা।

রোমের ক্রটাস্ ইতিহাস প্রসিদ্ধ চরিত্র। যীশুখৃষ্টের প্রায় পাঁচশত বৎসর পূর্বে অত্যাচারী সম্রাট টাকুইনকে নির্বাসিত করিয়া ক্রটাস্ রোম নগরে গণরাষ্ট্র প্রতিষ্ঠিত করেন। সম্রাট টাকুইন্ তাহার অধীনস্থ টাস্কানীর রাজার সাহায্যে নগর অধিকৃত করেন।

ক্রটাসের চরিত্রের আদর্শকে নানাভাবে সাজাইয়া অনেক সাহিত্য রচনা হইয়াছে। তন্মধ্যে ফরাসী কবি ভল্টেয়ারের একখানি নাটক প্রসিদ্ধ। ক্রটাসের জীবনের ঘটনাগুলিও ঐতিহাসিক। ভিন্ন ভিন্ন সাহিত্যিক ঘটনাগুলিকে ভিন্ন ভিন্ন ভাবে সাজাইয়া ক্রটাসের চরিত্রের আদর্শকে ফুটাইতে চেষ্টা করিয়াছেন। ভল্টেয়ার যেইভাবে সাজাইয়াছেন এই গ্রন্থেও মোটামুটি হিসাবে সেইভাবে সাজানো হইয়াছে। কিন্তু যাহারা ভল্টেয়ার পড়িয়াছেন তাহারা দেখিবেন ভল্টেয়ারের সঙ্গে মিল অপেক্ষা গরমিল অপ্রচুর নহে।

কৃষ্ণদাস।

চরিত্র ।

- জুনিয়াস্ ক্রটাস্—রোমের প্রতিভুমণ্ডলের অধিপতি । বৃদ্ধ ।
ভ্যালেরিয়াস্ পাব্ লিকোলা—ঐ
টাইটাস্—ক্রটাসের যুবক পুত্র । রোমের প্রধান সেনাপতি ।
টাইবেরিয়াস্—ক্রটাসের অপর পুত্র ।
টুলিয়া—নির্বাসিত সম্রাট্ টাকুইনের যুবতী কন্যা ।
য়াল্‌গিনা—টুলিয়ার সহচরী ।
য়্যারান্স্—টাস্কানীর দূত । মধ্য বয়স্ক ।
য়্যাল্‌বিনাস্—য়্যারান্সের সহকারী ।
মেসোলা—টাইটাসের বন্ধু । যুবক ।
প্রোকিওলাস্—নগরপাল । বৃদ্ধ ।
ক্যাটালিনাস্—জনৈক নাগরিক ! মধ্যবয়স্ক ।
পিনারো—জনৈক নিগ্রো ক্রীতদাস ।

দৌবারিক, জনৈক সেনাধ্যক্ষ, প্রতিভুগণ, দেহরক্ষীগণ,
পরিচাবিকা ইত্যাদি ।

দৃশ্যসূচী ।

প্রথম অঙ্ক ।

দৃশ্য—প্রতিভুমণ্ডলের সভাগৃহ । প্রাতঃকাল ।

দ্বিতীয় অঙ্ক ।

প্রথম দৃশ্য

টুলিয়ার কক্ষ । সেইদিন সন্ধ্যা ।

দ্বিতীয় দৃশ্য

রোমের রাজপথ । পরদিন সন্ধ্যা ।

তৃতীয় দৃশ্য

প্রতিভুমণ্ডলের সভাগৃহ । অব্যবহিত পরে ।

তৃতীয় অঙ্ক ।

প্রথম দৃশ্য

ক্রেটাসের গৃহে হৃৎঘর । পরদিন সায়াহ্ন ।

দ্বিতীয় দৃশ্য

টুলিয়ার কক্ষ । পরদিন প্রাতঃকাল ।

তৃতীয় দৃশ্য

ক্রেটাসের গৃহে হৃৎঘর । সেইদিন অপরাহ্ন এবং মধ্যরাত্রি
যবনিকা ।

প্রথম অঙ্ক

প্রথম দৃশ্য

স্থান—প্রতিভুমণ্ডলের সভাগৃহ। দক্ষিণে অপেক্ষাকৃত উচ্চমঞ্চে মণ্ডলাধিপতি
পতিব্রতের আসন। বামে রণদেবতা মাস্-এর বেদী। মাস্-এর
মুষ্টি হস্তাপ্য হইলে যে কোন রকমের একটি বেদী প্রস্তুত
করিয়া মধ্যস্থলে একটি ধূপদানী রাখিলেই চলিতে পারে।

ধূপদানী হইতে ধোঁয়া উঠাই স্বাভাবিক হইবে।

ধূপদানীর সম্মুখে একটি বড় বাটি যাহাতে

প্রতিভূগণ শাদা কিংবা কালো রংএর

মার্কেল ফেলিয়া ভোট দিতে

পারেন। পশ্চাতে অর্ধ-

চন্দ্রাকারে প্রতিভূগণের আসন। বেদী এবং প্রতিভূগণের আসনের মধ্যস্থলে
ভিতরে প্রবেশের দরজা। পশ্চাতের দেওয়ালে প্রায় সমস্ত ষ্টেজ
জুড়িয়া একটি বিরাট জানালা। জানালা দিয়া কেপিটলের
মন্দিরের গম্বুজ দেখা যাইতেছে।

সময়—প্রাতঃকাল।

মণ্ডলাধিপতি ভ্যালেরিয়াস্ এবং প্রতিভূগণ আসনে উপবিষ্ট। প্রতিভূগণের
পশ্চাতে দণ্ডধারী দেহরক্ষীগণ দণ্ডায়মান। ত্রুটাসের আসন শূন্য।

সকলেই খুঁষ্টপূর্ব্ব আমলের রোম্যান্ পোষাক পরিহিত।

সকলেরই শাদা অঙ্গবস্ত্র এবং শাদা উত্তরীয় থাকা

উচিত। সহাস্রাবদনে পক্ষকেশ ত্রুটাসের প্রবেশ।

সকলে দাঁড়াইয়া তাহাকে রোমীয় প্রথায়

হাত উঁচু করিয়া অভিবাদন

করিল।

সকলে । সুপ্রভাত, ক্রটাস্ !
 ক্রটাস্ । সুপ্রভাত !
 সুসংবাদ বন্ধুগণ ! শত্রু পদানত ।
 ভ্যালেরিয়াস্ । শত্রু পদানত !
 ভ্রাতৃগণ, জয়ধ্বনি কর ।
 সকলে । জয় ! মণ্ডলাধিপতি ক্রটাসের জয় !
 জয় ! ক্রটাসের পুত্র মহাবীর টাইটাসের জয় !
 ক্রটাস্ । ক্ষান্ত হও বন্ধুগণ, এ নহে শোভন ।
 আজীবন ভৃত্য আমি,
 ভৃত্য পুত্র মোর তোমা সবাধার ।
 জানি আমি মনে,
 মহাভৃত্য আমি এ মহানগরে ।
 শুধু তাই নয়,
 লভেছি জীবন
 এই নগরীর সুদৃঢ় প্রাচীর ছায়াতলে ।
 গণদেবতার এই বেদীমূলে
 উচ্চতর জীবনের পেয়েছি আশ্বাদ ।
 জানি মোরা সবে,
 এই প্রাচীরের অন্তরালে
 পৃথিবীর এক প্রান্ত হতে প্রান্তে ছুটে চলে
 দুর্নিবার রাজশক্তি,
 স্বার্থাঙ্কের অত্যাচারে পঙ্গু হয় মানবজীবন ।

কিন্তু একটি নগর শুধু,
 শুধু একটি নগর
 উচ্ছে গাহি মুক্তিমন্ত্র করিছে প্রচার—মাঠে ।
 ভয় নাহি ওরে নিপীড়িত মানব সমাজ,
 এখনও বেঁচে আছে মোর জন্মভূমি ।
 তাঁর উচ্চশিরে এখনো শোভিছে দেখ বিজয় মুকুট
 অঙ্গে আছে অগণিত অস্ত্রলেখা,
 ধূলায় ধূসর বেশ,
 অনাহার ক্লিষ্ট তাঁর সন্তান সকল,
 ক্ষুধায় জ্বঠর জ্বলে,
 কিন্তু জ্বলে হৃদে মৃত্যুজয়ী পণ,
 উচ্চশির কভু না হইবে নত ।
 সেই জননীর পুত্র আমি ।
 কৃপাকরি ভগবান্ পাঠালেন মোরে
 পৃথিবীর শ্রেষ্ঠভূমি এ মহানগরে ।
 পৃথিবীর শ্রেষ্ঠআলো, শ্রেষ্ঠবায়ু, শ্রেষ্ঠ মৃত্তিকায়
 পুষ্ট দেহ মোর ।
 তাই বন্ধুগণ !
 ঘণাকরি অত্যাচার, অনাচার, অবিচার ;
 স্বাধীনতা মন্ত্রে লভি বীর্য্য ভয়ঙ্কর
 ছুটে যাই ভেঙ্গে দিতে নিষ্ঠুর নিগড় হৃৎকলের ।
 মৃত্যু নাহি ভরি,

নাহি ডরি শত্ৰুঘাত,
নাহি ডরি শত্রুর ঝকুটি ।
প্রয়োজন হ'লে নগর ছুয়ারে
দিব প্রাণ বিসর্জন ।
কিন্তু বন্ধুগণ !

এক বিন্দু রক্ত যদি থাকে
এ নগরে শত্রু না পশিবে ।

সকলে ।

জয় ! ক্রটাসের জয় !

ক্রটাস্ ।

না, না, শুন পৌরজন !

ভৃত্যেরে দিওনা জয়গান ।

পেয়েছি অশেষ দান,

কণামাত্র তার দিয়েছি ফিরায়ে ।

জননীর বক্ষ হ'তে লভেছি জীবন,

প্রাণ দিলে মাতৃস্বর্ণ হবে পরিশোধ ।

জয়ধ্বনি ক'রোনা আমার ।

জয়ধ্বনি কর জননীর ।

সকলে ।

জয় ! জননীর জয় ! জয় ! জন্মভূমির জয় !

ক্রটাস্ ।

জন্মভূমি !

ধন্য তুমি রোম, মোর জন্মভূমি ।

স্বর্গাদপি গরিয়সী তুমি,

আশার আলোক তুমি অন্ধকারে জন সমাজের ।

পৃথিবীর প্রান্তে প্রান্তে শৃঙ্খলিত মানব সমাজ

নাগরিক

উৎসুক নয়নে দেখে মহিমা তোমার ।

লুপ্ত তারা হয় মৃত্যুর গহ্বরে,

কিন্তু জানে একদিন—

একদিন রোমের সম্ভান

দিকে দিকে করিবে প্রচার মুক্তিমন্ত্র ।

ধন্য মোরা রোমের সম্ভান ।

মুক্তি যজ্ঞে মোরা পুরোহিত ।

ভ্যালেরিয়াস্ । ধন্য তুমি ।

হে মহামতি জুনিয়াস ক্রটাস্ !

তোমাকে দেবতা বলে জানি ।

ধন্য মোরা সবে পেয়ে আলিঙ্গন

পৃথিবীর শ্রেষ্ঠ মানবের ।

স্বার্থহীন দেশপ্রেম শিখেছি চরণে ।

নিজ বাহুবলে নিৰ্বাসিত করিয়া রাজারে

আমাদের শিরে দিলে বিজয় মুকুট ।

চূর্ণ করি সম্রাটের স্বর্ণ সিংহাসন

আমাদের সকলেরে করিলে সম্রাট্ ।

রোমের তনয়

ছোট কেহ নয়, ছোট কেহ নয়,

এই বাণী দিকে দিকে করেছ প্রচার ।

ধন্য তুমি ।

ধন্য মোরা সবে,

ক্রটাস্ ।

লভিয়াছি শিরে আশীর্বাদ ক্রটাসের

আরো বাল তবে, শোন বন্ধুগণ !

রোমের তনয়

কেহ বড় নয়, কেহ বড় নয় ।

রোম হ'তে রোমের তনয়

শ্রেষ্ঠ কভু নয়, কভু নয় ।

জননীর শ্রেষ্ঠ পূজারক

শ্রেষ্ঠ ভৃত্য শুধু ।

ভৃত্য আমি,

ভৃত্য পুত্র মোর জননীর,

ভৃত্য আমি তোমা সবাচার ।

এই উচ্চাসন, নহে সিংহাসন ।

চিরতরে রাজদণ্ড করেছি নিশ্চূল ।

মনে পড়ে তোমাদের ?

মনে পড়ে তোমাদের কত কতবার

রাজবেশে সাজায়ে কিঙ্করে

জয়ধ্বনি করি রোম পরালো মুকুট ?

দিনে দিনে দম্ভ তার স্পর্শিল গগন,

জননীরে করি পদাঘাত

কত কতবার দম্ভিত কিঙ্কর

জননীর পায়ে দিল নির্ধুর নিগড় ?

ভুলে কি গিয়েছ সব ?

ভুলে কি গিয়েছ অত্যাচার, বর্বরতা,
অবিচার, নিষ্ঠুরতা,
অধীনতা, অসমতা, অশ্রমতা,
কত না লাঞ্ছনা আর দুর্ব্বহ ক্রকুটি ?
চিরতরে তাকে আমি করেছি নির্ম্ম ল ।
করেছি এ পণ,
গণদেবতার এই বেদী হতে
রাজসিংহাসন চির নির্ব্বাসিত ।

সকলে ।

ক্রটাস্ ।

সাধু ! সাধু !

ব্রাহ্মগণ !

নির্ব্বাসিত টাকু ইন্ করেছিল আক্রমণ
এই জন্মভূমি ।

সঙ্গে ল'য়ে বর্ব্বর টাঙ্কান্
চেয়েছিল জননীরে লুটাবে ধরায় ।
চেয়েছিল জননীরে করি পদাঘাত
নিজ শিরে পরিবে সে রাজার মুকুট ।
লক্ষ সেনা তার করেছিল দ্বারে করাঘাত ।
অপবিত্র করেছিল টাইবরের তীর ।
কিন্তু বন্ধুগণ !

পুত্র মোর পরাজিত করেছে তাহারে ।

উদ্ধত টাঙ্কান্ আজি

সন্ধি মাগি এসেছে দ্বারেরে ।

ধন্য আমি, পুত্র মোর বীর চুড়ামণি,
 জননীর শ্রেষ্ঠ পূজারক ।
 সকলে । জয় ! মহাবীর টাইটাসের জয় !
 ক্রটাস্ । কভু নয়, কভু নয় ।
 পুত্র শিশু মোর,
 ভালমন্দ এখনো না জানে ।
 ভয় হয় মনে,
 জয় গর্বে গর্বিত কেশরী
 রাজ্য বুঝি চাহে ।
 জনৈক প্রতিভু । মহাশয়, মিথ্যা ভয় করিছ নিশ্চয় ।
 যোগ্য পিতা তুমি, যোগ্য পুত্র করেছ সৃজন ।
 ক্রটাস্ । তবু ভয় হয় ।
 জানি মনে, পুত্র মোর হবে না দান্তিক ।
 তবু যদি চাহে ?
 যদি চাহে সিংহাসন ?
 তাও জানি মনে,
 যদি চাহে সিংহাসন,
 পিতা হ'য়ে পুত্র বক্ষে করিব আঘাত ।
 একবিন্দু অশ্রুজল কভু না ঝরিবে ।
 দৌবারিকের প্রবেশ ।
 দৌবারিক । জননৌ জন্মভূমি জয়তু !
 সন্তান মণ্ডল জয়তু !

মণ্ডলাধিপতি ভ্যালেরিয়াস্ !

মণ্ডলাধিপতি ক্রটাস্ ।

দ্বারদেশে আছে উপস্থিত

য়্যারান্স্ নামধারী টাস্কানীর দূত ।

নিবেদন সন্ধির প্রস্তাব ।

কিন্তু মনে হয় উদ্ধত টাস্কান্

ভদ্ররীতি নাহি জানে ।

তবু যদি আজ্ঞা হয়,

সসম্মানে আনিব তাহারে ।

ক্রটাস্ ।

সন্তান মণ্ডল ! অনুমতি দাও প্রহরীকে ।

সকলে ।

নিয়ে এস তারে ।

দৌবারিক যাইতে উদ্ভত ।

ভ্যালেরিয়াস্ ! দৌবারিক ! তিষ্ঠ ক্ষণকাল ।

জুনিয়াস্ ক্রটাস্ !

আজীবন তোমারেই গুরু বলে মানি ।

বীর তুমি । বাহুবলে মাতৃভূমি করেছ স্বাধীন ।

জানি আমি, বারংবার জিনিলে শত্রুরে

সম্মুখ সমরে ।

কিন্তু এতো সম্মুখ সমর নয় ।

উদ্ধত টাস্কান্ রণসাজে আসেনি ভেটিতে ।

এসেছে তঙ্কর দীন দূতবেশে ।

বর্ষ তার মিথ্যা, প্রবঞ্চনা ;

অস্ত্র তার ভেদনীতি ।

নীতিহীন রাজার সভার চতুর কিস্কর
এসেছে নগরে নিতে গোপন সংবাদ,
অথবা সাধিতে তাহা কুচক্রে কঠিন
পারে নাই যাহা কভু সন্মুখ সমরে ।
শোন ভ্রাতৃগণ ।

দেবতার মত এই পুরুষ প্রধান
দানবের ছল নাহি জানে ।

তাই মনে ভয়, চতুর তস্কর
কূটনীতি জালে বাঁধিবে ইহারে ।
কিবা প্রয়োজন সন্ধি প্রস্তাবের ?
রাজশক্তি গণশক্তি শত্রু চিরকাল ।
মিত্রতা দৌহার মাঝে ভ্রান্তি শুধু,
শুধু মরীচিকা ।

তাই বলি মিনাতি আমার,
ফিরে যেতে বল সবে রাজার কিস্করে ।
সন্ধি নাহি চায় রোম নাগরিক ।
যতদিন অপবিত্র রাজার নিশ্বাস
পরশিবে পবিত্র এ রোমের প্রাচীর,
ততদিন রোমের সন্তান ক্ষান্ত নাহি হবে
যুদ্ধ যদি নাহি চাহে আর,
চলে যাক্ দূর দূরান্তরে ।

সন্ধিপত্রে কিবা প্রয়োজন ?
 বন্ধুগণ ! আমি জানি মনে,
 দূতরূপে বিষধর পশিবে নগরে ।
 জনৈকপ্রতিভু । অসম্ভব নহে তাহা মহাশয়গণ ।
 নীতিহীন রাজার কিঙ্কর ।
 মিথ্যা তার অঙ্গের ভূষণ ।
 ক্রটাস্ । কেন বৃথা ভয় কর নাগরিক ?
 বাহুবলে স্বাধীনতা করিয়াছি লাভ ।
 জানি আমি কেমনে রাখিব তারে ।
 বিশ্বাস করি না আমি রাজ অমুচর ।
 কিন্তু তবু,
 হে মহানাগরিক !
 গর্বিত ক্রটাস্,
 হেরি নতশির সম্রাটের ।
 ক্ষুদ্র এই জনপদ, এই রোম, এই জন্মভূমি
 জ্বলিতেছে নভঃতলে উজ্জ্বল ভাস্কর ।
 চতুর্দিকে তার প্রতিদ্বন্দ্বী রাজচক্র হয়েছে মলিন,
 নিশাশেষে অবসান ক্ষুদ্রপ্রাণ নক্ষত্র যেমন ।
 এবার এসেছে দিন,
 অন্ধকার হবে লীন
 পূর্ব, পশ্চিম, আর উত্তর দক্ষিণে ।
 দ্বারদেশে নতশির রাজ অমুচর

বহন করিছে তার প্রথম সঙ্কেত ।
 জানি আমি কুচক্রী সে,
 জানি আমি উদ্ধত টাঙ্কান্
 পায়নি আশ্বাদ নবজীবনের ।
 তাই বলি বন্ধুগণ ! নিয়ে এস তারে ।
 চক্ষু ভ'রে দেখে যাক্ মানুষ কাহারে বলে ।

সকলে ।

নিয়ে এস তারে ।

ভ্যালেরিয়াস্ ।

ক্ষণেক অপেক্ষা কর নাগরিকগণ !

ভেবেছ কি এই রাজদূত
 করিবে না আমাদের ছিদ্র অন্বেষণ ?
 ছিদ্র তো রয়েছে কত ।
 বেষ্টিত রয়েছি মোরা বর্ষকাল শত্রুর সেনায় ।
 অগ্নাভাব, জলাভাব, বস্ত্রাভাব, শস্ত্রাভাব
 রয়েছে নগরে ।

এই সব অভাবের গোপন সংবাদ
 নিয়ে যাবে রাজদূত শত্রুর শিবিরে ।
 কহ একি সত্য নয় ?

ব্রুটাস্ ।

ভ্যালেরিয়াস্ !

সত্য বটে নিয়ে যাবে গোপন সংবাদ ।
 কিন্তু সঙ্গে তার আরো নিয়ে যাবে সত্য ভয়ঙ্কর
 দেখে যাবে শীর্ণকায় রোমের সম্মান
 ক্ষীণবশ্বে কত শক্তি ধরে ।

দেখে যাবে রোম নগরের
 প্রতি নর, প্রতি নারী,
 বালক বালিকা আর ছুঙ্কপোষ্য শিশু,
 প্রতি ঘরে ঘরে করেছে এ পণ,
 পরাধীন বায়ু কভু লবে না নিশ্বাস ;
 অনাহারে শুষ্ক হবে শিশুপুত্র রোম জননী,ব,
 হৃদয় দহিবে,
 তবু সে জননী
 পরাধীন অন্ন তার মুখে নাহি দিবে ।
 ওরে রোম নাগরিক !
 যদি কভু জন্মভূমি হয় পরাধীন
 সমাধিত দেহ মোর করিও উৎখাত,
 শ্মশ্রে দিও ছড়ায়ে তাহারে ।
 দেহ মোর ভক্ষে যেন শৃগাল কুকুর
 পরাধীন ভূমি তবু শব না সহিবে ।
 সাধু ! সাধু !
 এখনো তো মরেনি রোম্যান্ ।
 এখনো তো বক্ষে বহে নিশ্বাস স্বাধীন,
 এখনো তো অগ্নি ছুটে নয়ন নিক্ষেপে ।
 নিয়ে এস তারে ।
 দেখে যাক্ তোমাদের নয়ন আগুন,
 জ্বকুটিতে যার আপনি খসিয়া পড়ে রাজার মুকুট,

সকলে ।

ক্ৰটাস্ ।

কক্ষহীন তারকার পতন যেমন ।

নিয়ে এস তারে ।

সকলে ।

নিয়ে এস তারে দৌবারিক ।

ভ্যালেরিয়াস্ ।

ক্ষান্ত হও দৌবারিক ।

রোমবাসীগণ ! এখনো সময় আছে ।

বন্ধুবর ! জানি তুমি রোমের ঈশ্বর,

পূজ্য তুমি আমা সবাংকার ।

জানি তুমি দেবতারে দাও গ্রানি স্থায় মহিমায়

জননীর পুণ্যবলে পেয়েছি তোমারে,

নররূপে দেবতা বলিয়া জানি !

সব জানি ।

তবু ভয় হয়,

কূটনীতি জ্বালে বাঁধিয়া কেশরী,

চতুর তঙ্কর আঘাত করিবে বুকে ।

বন্ধুগণ ! এখনো সময় আছে ।

শুধু এইবার,

শুধু একবার ক্রটাসেরে কর বাধাদান ।

ক্রটাস্ ।

তবে তাই হোক্ ।

নাগরিকগণ !

বেদীমূলে পাত্র আছে ।

বিধি অনুসারে স্বীয় মত করিবে প্রকাশ ।

জনৈক নাগরিক । তাই ভাল । এস বন্ধুগণ ।

সকলে গাত্রোথান করিল। ছুই একজন মার্কেল ফেলিয়া
ভোট দিল।

ভ্যালেরিয়াস্। ক্ষান্ত হও বন্ধুগণ,
পরাজয় করিলু স্বীকার।
জানি মনে দূত বেশে এসেছে দানব,
তবু হার মানি।
মনে হয় ভগবান্ পাঠালেন তারে
পরীক্ষা করিতে রোম কত শক্তি ধরে,
কত শক্তি ধরে তার প্রধান সন্তান জুনিয়াস্ ক্রটাস্।
দৌবারিক ! নিয়ে এস তারে।

দৌবারিকের প্রস্থান।

ভ্রাতৃগণ !
রোম আর রোমের ক্রটাস্
তুল্য বলে জানি।
তুল্য পূজা করি উভয়েরে।
তাই আজ নতশিরে লয়েছি নির্দেশ।
কিন্তু সাবধান !
রোম বাসীগণ, সাবধান !

অগ্রে ছুইজন দৌবারিক এবং পশ্চাতে সৈনিক বেশধারী গ্যারান্স্ এবং
গ্যাল্বিনাসের দ্রুত পদক্ষেপে প্রবেশ। উভয়ে রোমীও প্রথায়
সন্তানমণ্ডলকে অভিবাদন করিল।

গ্যারান্স্। সুপ্রভাত সন্তানমণ্ডল !

ভ্যালেরিয়াস্ । সুপ্রভাত রাজদূত ।
 য়ারান্‌স্ । মণ্ডলের অধিপতিগণ !
 টাঙ্কানীর লহ নমস্কার ।
 শুনিয়াছি কাণে তোমরা দুজন
 সহস্রের শক্তি ধর ।
 শুনিয়াছি সততায়, সাধুতায়, চরিত্রের গুণে,
 জনসাধারণ হ'তে অতি উচ্চে তোমাদের স্থান ।
 অনভ্যস্ত রাজদূত ভেটিতে প্রজারে ।
 নিজভূমে তাহাদের দাস বলে জানি ।
 কিন্তু জানি তোমরা দুজন নহ' সাধারণ,
 তোমরা দুজন নহ হীন নাগরিক নগরের ।
 ক্রটাস্ । সাবধান রাজদূত !
 ধীরে কথা কও ।
 সংযত করিয়া লও বাক্য অনুচিত ।
 এ নগরে সবাই স্বাধীন ।
 হীন কেহ নয় ।
 কেহ বড় নয়, কেহ ছোট নয় ।
 দরিদ্র যে রোমের তনয়
 তাহারেও ভাই বলে জানি ।
 অতি দীনহীন যেই পোরজন
 তাহারেও দেখে যাও সম্মান মণ্ডলে ।
 মোরা তার প্রতিনিধি ।

মোর চোখে দেখে যাও তাহার পৌরুষ ।
 মোর কণ্ঠে শুনে যাও তাহাদের বাণী—
 হীন ব'লে যাহাদের ভাষিলে সভায় ।
 রোমের তনয় কেহ হীন নয় ।
 রোমের তনয় কেহ নহে কাহারো কিস্কর ।
 কি ব'লে বুঝাব ওরে বর্ষের টাঙ্কান্ !
 অর্থ লোভে বিসর্জন করেছ নিজেরে ।
 তুচ্ছ দুটো স্বর্ণ মুদ্রা লোভে
 আপনারে বিকায়েছ দাসত্বের হাটে ।
 অর্থ বিনিময়ে অস্ত্র ল'য়ে করেছ আঘাত
 আমাদের বৃকে ।
 করেছ আঘাত তাহাদের বৃকে,
 মুক্তি মস্ত্র যারা প্রথম শুনালো পৃথিবীরে ।
 শুনেছ কি মুক্তির আহ্বান ?
 শুনেছ কি পৃথিবীর মর্ম্মভেদী আর্তনাদ
 নির্ঘাতিত নিপীড়িত দরিদ্রের ক্ষীণ কণ্ঠস্বরে !
 না, না, তুমি কভু শোন নাই,
 তুমি কভু বোঝ নাই,
 লক্ষ লক্ষ দরিদ্রের সাথে
 তোমার হৃদয় আর আমার হৃদয়
 আছে এক সূত্রে গাঁথা ।
 য়ারান্স্ । জানি আমি রোমের ক্রুটাস্ উদার, মহৎ ।

কিন্তু মহাশয়,
 যারা নীচাশয়, নীচ কাজ, নীচ বৃত্তি যার
 তুলনা তাহার সাথে কভু না সম্ভবে মহতের ।
 তুমি বুদ্ধিমান, অবধান কর মহাজন,
 খাচ্ছ অশ্বেষণ ব্যতীত যাহার
 আর কোনো নাহি অভিলাষ,
 অশিক্ষিত ইতর সে জন কেমনে হইবে তুল্য মোর?
 হাঃ হাঃ হাঃ হাঃ । শুন ভ্রাতৃগণ !
 টাঙ্কানীর ক্রীতদাস বলিছে সভায়
 রোম নাগরিক নহে তুল্য তার ।
 ওরে দূত ! রোমের সম্ভান তুল্য কভু হবেনা
 তোমার ।

রাজভোগে পুষ্ট দেহ হয়েছে তোমার,
 অঙ্গে তব স্বর্ণ অলঙ্কার,
 তবু তুমি অর্থভোগী ভৃত্য তস্করের ।
 ভাগ্যবলে এসেছ নগরে,
 চক্ষুভরে দেখে যাও মানুষ কাহারে বলে ।
 অঙ্গে নাহি অলঙ্কার,
 শূণ্য তার অন্নের ভাণ্ডার
 তবু,
 তবু প্রতি নাগরিক নিজভূমে আপনি সম্রাট ।
 মলিন বসন তার,

শীর্ণ জীর্ণ কায়,
 তাতে কিবা আসে যায় ?
 রাজপথে গর্বে চলে গর্বিত কেশরী ।
 তুলনা তাহার সনে উচ্ছিষ্টআহারী শৃগালের ?
 য়ারান্স্ । ক্রটাস্ ! দূতরূপে এসেছি নগরে ।
 অপমান তার নহে ভদ্ররীতি ।
 রাজদূতে অসম্মান নীতির বিধান নহে ।
 ক্রটাস্ । হায় রে বিধান !
 হায় রাজনীতি !
 যুগ যুগ ধরি
 বিধান শৃঙ্খলে তারে বেঁধেছ নিষ্ঠুর
 বধির করিয়া যারে নাহি দিলে বাণী,
 কণ্ঠরোধ করি যারে নাহি দিলে ভাষা,
 অল্পহীন করি যারে করিলে কঙ্কাল,
 অস্ত্রহীন করি যারে বঞ্চিত করিলে তুমি
 দেবদত্ত অধিকার হতে ।
 আজ কোন্ বিধিমতে বিধান দেখাও মোরে ?
 বল কোন্ বিধিমতে
 রাজপথে অনাহারে মরেছিল পৌরজন ?
 কোন্ বিধিমতে বস্ত্রাভাবে পৌরনারী
 পারেনি করিতে তার লজ্জা নিবারণ ?
 বল কোন্ বিধিমতে সিংহাসনে বসিবে সম্রাট

সাত্রাজ্যে যাহার অসহায় রমণীরে
 কেশে ধরি করে আকর্ষণ ছুর্জয় লম্পট ?
 আরে দূত ! তুমি ছুঃশাসন,
 বন্ধুচিড়ে রক্তপান শাস্তি সমুচিত ।
 তবু মোরা শাস্তি নাহি দিব ।
 তবু মোরা তোমাতে দেখাব অস্ত্রাগার ।
 যথা ইচ্ছা কর তুমি ছিদ্র অন্বেষণ ।
 কিন্তু একবার দেখে যাও আপনার চোখে,
 শত বর্ষ ধরে,
 যাহারে করেছ অপমান চরণ আঘাতে,
 দেবতার প্রতিমূর্তি যেই মানবেরে
 দানবের দণ্ডধরি করেছিলে পশুর সমান,
 তাহারে এনেছি মোরা রণাঙ্গনে ।
 সে তো নহে অর্থলোভী হীন অনুচর,
 রণক্ষেত্রে সে যে ছুটে যায় নিজ অধিকারে
 রক্ষা করিবারে নিজ অধিকার
 সঘনে আঘাত করে শত্রুরে তাহার,
 অথবা সমরে মরে সিংহসম ধীর ।
 সে কি হীন ?
 কভু নয় ।
 মৃত্যু করে না ভয় ।
 ছিন্ন করি মোহের বন্ধন

উর্ধ্বে তুলি শির
 দেবতারে গ্লানি দেয় মৃত্যুজয়ী বীর ।
 সকলে ! সাধু ! সাধু !
 ভ্যালেরিয়াস্ । রাজদূত ! কালক্ষেপে নাহি প্রয়োজন ।
 বল কিবা বক্তব্য তোমার ।
 য়ারান্স্ । মহাশয়, নাহি মোর বক্তব্য বিশেষ ।
 অগণিত সৈন্যদলে বেষ্টিত নগর ।
 বর্ষকাল হয়েছে অতীত ।
 যদি হয় প্রয়োজন, বিংশ বর্ষকাল
 বেষ্টিত রহিবে এই দুর্ভাগ্য নগর ।
 যদি হয় প্রয়োজন,
 খণ্ড খণ্ড করি রোমের প্রাচীর
 চূর্ণ করি মিশাব ধূলায় ।
 ক্রটাস্ । যদি তাই হয়,
 খণ্ড খণ্ড করি দেহ আপনার
 প্রাচীর গাড়িবে পুনঃ রোম নাগরিক ।
 সকলে । সাধু ! সাধু !
 য়ারান্স্ । নাগরিকগণ !
 আমি জানি মহাবীর টাইটাস্ ক্রটাস্ তনয়,
 পরাজিত করেছে রাজারে ।
 কিন্তু এই পরাজয়
 ক্ষণস্থায়ী জানিও নিশ্চয় ।

পক্ষকাল পরে রাজসৈন্য করিবে আঘাত
নূতন উত্তমে ।

কতকাল সহিবে আঘাত রোম নাগরিক ?

কতকাল রোমের প্রাচীর রহিবে দাঁড়ায়ে ?

প্রভু মোর টাঙ্কানীর পতি

সম্রাটেরে দিয়েছে আশ্রয় ।

অগণিত জনবল, অর্থবলে বলীয়ান্ মোরা

পুনঃ পুনঃ করিব আঘাত,

পুনঃ পুনঃ অগ্নিবৃষ্টি করি

ঘরে ঘরে জ্বালাব আগুণ ।

অধিপতিগণ ! তোমাদের বীর ব'লে জানি

সমস্মানে যোগ্যপদ অবশ্য লভিবে ।

কেন বৃথা যুদ্ধ আয়োজন ?

শত্রু যেথা শতগুণে বলীয়ান্

সম্মুখ সমর সেথা আত্ম বলিদান, আত্মহত্যা

জানি আমি এ মহানগর

অচিরেই হবে পরিণত ভস্মস্তুপে ।

এখনো সময় আছে,

শোন মোর অনুনয়,

সম্রাটেরে দাও সিংহাসন ।

সকলে ।

কভু নয় ।

য়ারান্‌স্ ।

বৃথা তবে সন্ধির প্রস্তাব ।

রণক্ষেত্রে হবে সমাধান ।
 সৈন্য আমি, যুদ্ধ ধর্ম মোর ।
 তবু আসিয়াছি হাতে ল'য়ে সন্ধির প্রস্তাব,
 যেহেতু বিশ্বাস,
 বৃথা যুদ্ধে প্রাণহানি বৃথা লোকক্ষয় ।
 শুন মোর অনুরোধ,
 সম্রাটেরে দাও সিংহাসন ।

সকলে ।

কভু নয় ।

য়ারান্স্ ।

বেশ তবে তাই হবে ।

রণক্ষেত্রে পুনঃ দেখা হবে ।

কিন্তু এইবার

ঘিরিয়া ধরিব রোম এমনি কঠোর,
 কণামাত্র খাচু নাহি পশিবে নগরে ।

অনাহারে মরিবে সকলে,
 দেখিব অচিরে শুষ্ক দেহে নাগরিক কত শক্তি ধরে ।

ক্ৰটাস্ ।

রাজদূত ! শিবিরে তোমার বলিও সবারে,
 যতদিন রণক্ষেত্রে অরাতির মিলিবে সন্ধান,
 ততদিন খাড়াভাবে কভু না মরিব ।

পান করি তাহাদের বক্ষের রোধির
 পূর্ণতেজে বিচরিব সমর প্রাঙ্গনে ।

য়ারান্স্ ।

মহাশয়, পরিহাস সাজেনা এখন ।

ক্ৰটাস্ ।

নহে পরিহাস, রাজদূত ।

করেছি এ পণ,
 হ'য়ে বনচর হিংস্র জন্তু সাথে ভ্রমিব কাননে,
 জন্মভূমে শত্রু তবু কভু না সহিব ।
 ভুলে যাব সমাজ, সংসার ।
 ভুলে যাব সভ্যতার সকল সংস্কার ।
 না হয় থাকিব মোরা জন্মভূমে উলঙ্গ বর্বর,
 পরাধীন অন্ন তবু মুখে না তুলিব ।
 দেবতার এই বেদীমূলে এই পণ করেছি সকলে,
 যদি কোন নাগরিক
 কভু চাহে ফিরাইয়া দিতে সিংহাসন সম্রাটেরে,
 খণ্ড খণ্ড করি দেহ তার
 নগর বাহিরে নদী-জলে করিব নিক্ষেপ ।
 পুত্র কিংবা পুত্রাধিক প্রিয় যদি হয়,
 দেশদ্রোহী কুসন্তান মরিবে নিশ্চয় ।
 ক্ষমা নাহি করিব তাহারে ।

গ্যারান্স্ ।

কিন্তু মহাশয়,
 প্রতিজ্ঞালঙ্ঘন স্বাভাবিক মানুষের ।

ভ্যালেরিয়াস্ ।

রাজদূত !
 রোম নাগরিক নহে নীতিহীন অনুচর রাজার
 সভার ।

সত্যনিষ্ঠ নাগরিক মিথ্যা নাহি জানে ।

গ্যারান্স্ ।

তাই যদি হয়, নাগরিক !

বল তবে কোন্ ধর্ম মতে
অস্ত্র নিলে বিরুদ্ধে তাহার
এই বেদীমূলে প্রতিজ্ঞা করিয়া যারে করিলে

সম্রাট ?

ভুলেছ কি এই বেদীমূলে করি মন্ত্রপাঠ
করেছিলে দাসত্ব স্বীকার ?

সকলে ।

কভু নয় ।

গ্যারান্‌স্ ।

অবশ্য করিয়াছিলে সম্রাট তাহারে ।

হ'য়ে নতজানু লভেছিলে আশীর্বাদ

এই বেদীমূলে ।

অস্ত্রধরি করেছিলে পণ

আজীবন করিবে স্বীকার রাজদণ্ড ।

রাজদ্রোহী নাগরিক ! কোথায় সে পণ ?

কোথা সত্য ? কোথা ধর্ম ?

মিথ্যাচারী রাজদ্রোহী তোমরা সকলে ।

সকলে ।

সাবধান রাজ দূত !

ক্রেটাস্ ।

বন্ধুগণ, স্থির হও ।

অনুচিত বাক্য কহে রাজার কিঙ্কর ।

তবু তার ক্ষম অপরাধ ।

রণক্ষেত্রে দিও তারে শান্তি সমুচিত ।

কিন্তু আজ নয়,

আজ এই রাজ অনুচর এসেছে নগরে দূতরূপে ।

অবধা এ দূত ।
 নিজগুণে ক্ষমা কর তারে ।
 রাজদূত ! সত্য বটে করেছিছু পণ
 অনুগত হইব রাজার ।
 কিন্তু দাস কেহ কারো নয় ।
 রাজাপ্রজা উভয়েই দাস নগরের ।
 সমাজবিধান মতে বৃত্তির প্রভেদ মাত্র ।
 বেদীমূলে করেছিছু পণ সেবিব রাজারে ।
 কিন্তু তুমি ভুলে যাও দূত,
 নির্বাসিত সম্রাটও করেছিল পণ
 সেবিতে আমারে ।
 আমাদের সকলের সেবা ধর্ম্ম তার ।
 রাজ সিংহাসনে বসিবে যে জন,
 করি প্রাণপণ সেবিবে প্রজারে,
 এইরূপ রোমের বিধান ।
 পদগর্বে হয় গর্বিত যে জন
 রোম সিংহাসনে নহে সে শোভন ।
 রোম কারো ভৃত্য নয় ।
 গণমতে লভেছিল সিংহাসন,
 গণমত নির্বাসিত করেছে তাহারে ।
 রোম হ'তে রোম সিংহাসন শ্রেষ্ঠ কভু নয় ।
 ভৃত্য মোরা নগরের, রাজার কিঙ্কর নহি ।

যেই সিংহাসনে বসি মদগর্বে গর্বিত সম্রাট
করেছিল অপমান নগরের

সেই সিংহাসন নাগরিকগণ করেছে নিশ্চূল ।

সত্যভঙ্গ করে নাই রোম নাগরিক,

সত্যভঙ্গ করেছিল রোমের সম্রাট ।

তাই মোরা মিথ্যারে করিয়া দূর

সত্যধর্ম করিয়াছি প্রতিষ্ঠা নগরে ।

য্যারান্স্ । মহাশয়, মানিলাম সত্যভ্রষ্ট হয়েছিল রাজা ।

সব মানি,

তবু অনুরোধ, পুনর্ব্বার বসাত আসনে ।

ভুল ক্রটি স্বাভাবিক মানুষের ।

অতীতের অপরাধ ক্ষম নিজগুণে ।

অনুতপ্ত রোমের সম্রাট,

আলিঙ্গন কর তারে ।

বৃথা যুদ্ধে কিবা প্রয়োজন ?

জানিও নিশ্চয়,

এই যুদ্ধে পরাজয় অবশ্য ঘটবে ।

ক্রটাস্ । রণক্ষেত্রে দিব তার যোগ্য সঙ্কট ।

এই বেদী স্পর্শ করি পুনর্ব্বার করি অঙ্গীকার,

যতদিন লবে শ্বাস একটি সন্তান

ততদিন রাজদণ্ড রহিবে বাহিরে নগরের ।

ততদিন নগর তোরণ

নাহি হবে কলুষিত শত্রুপদাঘাতে ।
 ভস্মস্থূপে পরিণত হবে জন্মভূমি,
 রাজপথে বিচরিবে শৃগাল কুকুর
 তবু ততদিন রোম কভু নাহি হবে পরাধীন ।

সকলে ।

সাধু ! সাধু !

ভ্যালেরিয়াস্

রাজদূত ! আশাকরি মিলেছে উত্তর ।

চল ভ্রাতৃগণ, যোগদান করি মোরা বিজয় উৎসবে ।

সকলে যাইতে উদ্যত ।

য়্যারান্স্

নাগরিকগণ ! ক্ষণেক অপেক্ষা কর ।

ক্ৰটাস্ ! জানি তুমি শ্রেষ্ঠ নাগরিক ।

সত্যবাদী তুমি ।

সর্বজন কহে তুমি ন্যায়পরায়ণ !

বল তবে নাগরিক !

কোন নীতিবলে

বন্দিনী করেছ তুমি কন্যা সম্রাটের ?

ভ্যালেরিয়াস্

সম্রাটের কন্যা তার একক সন্তান,

রাজত্বের অধিকারী ।

যদি ভবিষ্যতে রাজ্য চাহে পুনর্ব্বার এই আশঙ্কায়

বন্দিনী করেছি তবে ।

য়্যাবানস্

ধন্য তুমি রোম নাগরিক ।

অসীম সাহস তব ।

রমণীর অকুটিতে প্রাণভয় হয়েছে তোমার ?

হাঃ হাঃ হাঃ হাঃ ।

ভ্যালেরিয়াস্ । সাবধান রাজদূত !

য়্যারান্স্ । বল তবে মহাশয়, কোন্ শাস্ত্রমতে

রমণীরে কর নির্ঘাতন ?

ক্রটাস্ । নিজ মুখে দাও সহস্র ।

কোন্ নীতি, কোন্ ধর্মবলে

কারাগারে রমনীরে করেছ বন্দিণী ?

ক্রটাস্ । রাজদূত ! তুমি কভু দেখ নাই ভদ্র আচরণ ।

বন্দিণী করিনি তারে কারাগারে ।

আপনার ঘরে বন্দিণী করিয়া তারে

রেখেছি আদরে ।

অবারিত গতি তার ।

যদি তিনি যেতে চান পিতার সকাশে

নিয়ে যাও তুমি ।

ভ্যালেরিয়াস্ । ক্রটাস্ ! মুক্তি যদি দাও তারে

সর্বনাশ হবে তবে রোম নগরের ।

ক্রটাস্ । ভ্যালেরিয়াস্ ! উর্ধ্বে আছে ভগবান্,

নিম্নে আছে সহস্রের যুক্ত বাহুবল ।

আর কিছু নাহি চাই ।

রাজনীতি কভু শিখি নাই ।

যদি চলে যেতে চায়,

চলে যাক রাজার কুমারী ।
 রাজদূত ! নিয়ে যাও তারে ।
 যথাযোগ্য আয়োজন করিব তাহার ।
 যতদিন আয়োজন সম্পূর্ণ না হয়,
 তুমি ততদিন
 আমার অতিথি হ'য়ে রহিবে নগরে ।
 ততদিন আমার আলয়ে, আমার আশ্রয়ে
 নিরাপদে লভিবে বিশ্রাম ।

চক্ষু রক্তবর্ণ করিয়া হাতীর দাঁতের হাতপাখা দিয়া দৌবারিককে তাড়াইতে
 তাড়াইতে সম্রাট কণ্ঠা টুলিয়ার প্রবেশ । দৌবারিক ছুই হাতে শস্ত
 সম্মুখে ধরিয়া ভয়ে ভয়ে পশ্চাতে হটিয়া প্রবেশ করিল ।

টুলিয়া । ছাড় পথ । ছাড় পথ ।
 দৌবারিক । রাজকুমারি ! রাজকুমারি !
 ক্রটাস্ । দৌবারিক ! ছাড় পথ ।

দৌবারিক পথ ছাড়িল ।

টুলিয়া ! একি আচরণ ?

টুলিয়া । মহাশয়, ছিল প্রয়োজন তোমার নিকটে ।
 কিন্তু এই দুর্বিনীত দৌবারিক
 রুদ্ধ করি পথ অপমান করিল আমারে ।
 সমুদয় পৃথিবীর সম্রাট টাকুইন্ যার পিতা,
 রোমের ক্রটাস্ যার পালক,
 সামান্য এক দৌবারিক করে তার প্রবেশ নিষেধ !

ক্রটাস্

ভুল তুমি করিয়াছ মাতা ।
 পিতা তব পৃথিবীর রাজা,
 কিন্তু রাজা নয় এই নগরের ।
 দ্বারদেশে যেই দৌবারিক রহে দণ্ড খরি
 সেও তুল্য মোর ।
 সামান্য সে নয় ।
 রাষ্ট্রকার্য্যে সেও মোর তুল্য অধিকারী ।
 করি বাধাদান কর্তব্য করেছে শুধু ।
 ক্রটাসের আচরণ সকলি অদ্ভুত ।

টুলিয়া ।

ক্রটাস্

(সহাস্তে)
 ভৎসনা করিও জননী নিভৃতে গৃহের ।
 এই পরিষদে রাষ্ট্রকার্য্যে ব্যস্ত মোরা সবে ।
 প্রয়োজন যদি সবিশেষ,
 চল গৃহে ।
 পুত্র আমি তব ।

টুলিয়া ।

যাহা কিছু আজ্ঞা কর পালিব যতনে ।
 জ্ঞানি আমি তুমি মহাপ্রাণ ।
 পিতা মোর মহাশত্রু তব,
 তবু মোর সব অভিমান
 করেছে মোচন নিজহাতে ।
 শত্রু আমি,
 তবু মোরে আলিঙ্গন দিয়েছ যতনে ।

আপনার ঘরে মোরে সম্রাজ্ঞী করেছ ।
 কিন্তু আমি ভুলি নাই
 শত্রু আমি তোমার নগরে ।
 আজ রোম তোমার নগর ।
 যেই রোম মোর রাজধানী,
 যেই রোমে পিতা পিতামহ মোর
 দেবদত্ত অধিকারে করিত শাসন,
 সেই রোম হ'তে আজ মোর পিতা চির
 নির্বাসিত ।

শুধু তুমি,
 শুধু একা তুমি যদি পিতারে আমার
 আশ্রয় করিতে দান,
 কার সাধ্য ছিল নির্বাসিত করিতে তাহারে ?
 তাই বলি,
 ক্রটাসের আচরণ সকলি অদ্ভুত ।
 নিরাশ্রয় করিয়া পিতারে
 কন্যারে তাহার স্নেহ দিলে অকাতরে ।
 রাজপুত্রি ! ভুল তুমি বুঝো না আমারে ।
 কস্মিক্ষেত্রে ক্রটাস্ কঠোর ।
 কিন্তু মোর শত্রু কেহ নয় ।
 যে আমারে শত্রু বলে জানে
 তাহারেও দিতে পারি আলিঙ্গন ।

ক্রটাস্ ।

ঘৃণা করি পাপ,
 পাপী মোর ঘৃণ্য নয় ।
 শত্রু মোর রোমের সম্রাট ।
 জনক তোমার নহে শত্রু মোর ।
 তুইলিয়া । তবে কেন ঘৃণা কর পিতারে আমার ?
 নির্বাসিত পিতা মোর অন্ততপ্ত ।
 ক্ষমা কর তারে ।
 ক্রটাস্ । অবসর নাহি তার ।
 বহুবার বহু রাজ্যেশ্বর
 সিংহাসনে বসি মদগর্বে ভুলিয়া বিধান
 শৃঙ্খলিত করেছে নগর ।
 আর নাহি অবসর ।
 দেবতারে স্পর্শ করি অঙ্গীকার করেছি সকলে
 পাপ সিংহাসন রোম হতে চির নির্বাসিত ।
 অনুচিত অনুরোধ ক'রোনা আমারে ।
 তুইলিয়া । জুনিয়াস্ ক্রটাস্ ।
 দয়া কর মোরে ।
 নির্বাসিত টার্কুইন্ পিতা মোর,
 তুমিও পালক । পিতৃভূল্য তুমি ।
 কণ্ঠাসম পেলেছ আমারে ।
 ছই পিতা মোর
 রণক্ষেত্রে করিছে বিরোধ ।

সহ্য নাহি হয় ।

কত অনুন্নয় রেখেছ আমার ।

এই মোর শেষ অনুরোধ,

আমি কণ্ঠ্য তব, তুমি পিতা মোর,

শুধু এইবার ক্ষমা কর সম্মুখেরে ।

ক্রটাস্ ।

অসম্ভব ! অসম্ভব ।

ক্ষমা কর মোরে ।

গৃহে তুমি জননী আমার ।

সেবিতো তোমারে প্রাণ দিতে পারি ।

কিন্তু কৰ্মক্ষেত্রে মোর

নহি পুত্র, নহি পিতা, ভ্রাতা নহি, মিত্র নহি,

আমি শুধু রোম নাগরিক ।

টুলিয়া ।

বৃথা তবে মোর অনুরোধ ?

ক্রটাস্ ।

হাঁ, বৃথা সব অনুরোধ ।

টুলিয়া ।

আজ আমি বুঝিলাম তবে

কেহ আমি নই এই নগরের ।

পথপার্শ্বে পরিত্যক্ত দেখি

কৃপা ক'রে তুমি মোরে দিয়েছ আশ্রয় ।

ক্রটাস্ ।

টুলিয়া !

টুলিয়া ।

ক্রটাস্ । জানি আমি,

জানি আমি কভু নই আপন তোমার ।

সব শুধু অভিনয় ।
 আমি জানি, ক্রটাসের আমি কেহ নই ।
 ক্রটাস্ । ওরে নির্ভুর সন্তান, একি অবিচার ।
 সন্তানের মত তোরে ধরেছি হৃদয়ে ।
 টুলিয়া । জানি আমি আপন সন্তান নহি ক্রটাসের ।
 বল ক্রটাস্,
 দেহে মোর বহে রক্ত শত্রুর তোমার ।
 শত্রু রক্ত নাহি হ'য়ে যদি দেহে মোর
 প্রবাহিত হ'ত আজি তোমার শোণিত,
 তবে ?
 তাহ'লে কি পারিতে ফেলিতে অনুরোধ ?
 একপিতা মোর মৃত্যু চাহে অপরের ।
 অসহ্য এ মৃত্যু বিভীষিকা
 মুছে দিতে পার তুমি একটি ইঙ্গিতে ।
 শুধু একটি ইঙ্গিতে তব যুদ্ধ হবে অবসান,
 দূর হবে হৃদয় বেদনা ।
 কিন্তু জানি আমি বৃথা এ ক্রন্দন ।
 সৃষ্টি কর্তা ভগবান্
 পাষাণে গড়িয়াছিল তোমার হৃদয় ।
 ক্রটাস্ । আমি নিরুপায় ।
 টুলিয়া । মিথ্যা কথা ।
 ক্রটাস্ । টুলিয়া ! জননী আমার ।

টুলিয়া ।

মিথ্যা, মিথ্যা তব স্নেহের ভাষণ ।

আমি কেহ নই ।

শুধু মিথ্যাভাবে ভুলায়ে আমারে

বন্দিনী করেছ ।

ক্ৰটাস্ ।

অসহ্য এ অপবাদ ।

আরে নিষ্ঠুর সন্তান !

দূর হয়ে যাও ।

দূর হয়ে যাও ।

টুলিয়া ।

(সক্রোধে) অবশ্য যাইব দূরে ।

ক্ৰটাস্ ।

চলে যাবে ?

টুলিয়া ।

হাঁ, চলে যাব আমি সম্রাটের কাছে ।

আমি তার আপন সন্তান,

পালিত সন্তান নহি ।

ক্ৰটাসের আমি কেহ নই ।

অবিলম্বে যেতে দাও মোরে ।

বাধাদান করিতে তোমার নাহি কোন অধিকার

ক্ৰটাস্ ।

অধিকার !

না, না, অধিকার নাহি কিছু ক্ৰটাসের ।

শত্রুরে রাখিতে বন্দী অধিকার আছে নগরের ।

কিন্তু ক্ৰটাসের নাহি কোন অধিকার ।

সৃষ্টিকর্তা ভগবান্

পাখাণে গড়িয়াছিল হৃদয় আমার ।

কিন্তু বন্ধুগণ, তোমাদের আছে অধিকার
 শত্রুরে রাখিতে বন্দী কারাগারে ।
 য়ারান্‌স্ । ক্রটাস্ ! প্রতিজ্ঞা করিয়াছিলে মুক্তি দিবে তারে ।
 ক্রটাস্ । স্তব্ধ হও বর্ষের টাঙ্কান্ ।
 বন্ধুগণ, ক্রটাসের অনুরোধ,
 মুক্তি দাও কন্ডারে রাজার ।
 সকলে নীরবে সম্মতি জানাইল ।
 মুক্ত তুমি মাতা ।
 টাঙ্কানীর রাজদূত এসেছে নগরে ।
 সঙ্গে তার চলে যেও তুমি ।
 শুধু ততদিন অপেক্ষা করিবে গৃহে মোর
 যতদিন আয়োজন সম্পূর্ণ না হয় ।
 দেহরক্ষীগণ !
 নিয়ে যাও রাজদূতে মোর গৃহে সমাদরে ।
 মনে রেখো, রাজদূত অতিথি আমার ।
 কেশাগ্র তাহার স্পর্শ যদি করে কেহ,
 প্রাণদণ্ড শাস্তি তার, রোমের আদেশ ।
 রাজপুত্রি ! মুক্ত তুমি ।
 ফুঁপাইয়া কাঁদিয়া টুলিয়ার বেগে প্রস্থান । দেহরক্ষী বেষ্টিত হইয়া
 য়ারান্‌স্ এবং য়াল্‌বিনাসের প্রস্থান । ভ্যালেরিয়াসের
 ইজিতে প্রতিভূগণ নিঃশব্দে প্রস্থান করিল । অবসন্নভাবে
 ক্রটাস্ আসনে উপবিষ্ট হইল । সহানুভূতিপূর্ণ দৃষ্টিতে
 তাহার দিকে তাকাইয়া ভ্যালেরিয়াসের
 প্রস্থান । ক্রটাস্ ভাঙ্গিয়া পড়িল ।

দ্বিতীয় অঙ্ক ।

প্রথম দৃশ্য ।

স্থান—ক্রটাসের গৃহে টুলিয়ার কক্ষ । পশ্চাতে একটি জানালা
বিশেষ দ্রষ্টব্য । এখন থোলা আছে । জানালা দিয়া যে কোনও
প্রাকৃতিক দৃশ্য দেখা যাইতেছে । ঘরের আসবাবপত্র
সময়োপযোগী । বিশ্রামের জন্য একটি পালঙ্ক ।
তার উপর কয়েকটি তাকিয়া ।

সময়—সেইদিন রাত্রিবেলা ।

টুলিয়ার সঙ্গিনী য়্যালুগিনা কয়েকজন পরিচারিকা সহ টুলিয়ার
মনোরঞ্জনের চেষ্টা করিতেছে । কিন্তু টুলিয়া বিমর্ষ ।

য়্যালুগিনা । রাজকুমারি ! কেন অবসাদ মনে ?
বন্দিনী রয়েছ কতদিন ক্রটাসের গৃহে ।
আজি এসেছে সুদিন ।
অচিরে মিলিব মোরা সম্রাটের সাথে ।
ক্রটাস নিষ্ঠুর ।

সমগ্র পৃথিবী রাজ্য যার
তাহারে বন্দিনী করে ক্ষুদ্র নাগরিক !

টুলিয়া । য়্যালুগিনা ! কেন বৃথা কহ বাক্য অসুচিত ?
বন্দিনী করেনি মোরে ক্রটাস ।
কতটা সম পালন করেছে মোরে এতদিন ।

পিতৃতুল্য জ্ঞান করি তারে ।
 কিন্তু তবু, আজ মনে হয়,
 বন্দিনী রয়েছি আমি এই কক্ষে মোর ।
 কত দীর্ঘদিন হাত ধরি তার
 কক্ষে কক্ষে করিয়াছি বিচরণ ।
 কিন্তু আজ বাহিরে চলিতে নারি ।
 আজ মনে হয়, এই কক্ষ মোর কারাগার ।
 ছয়ার বাহিরে নাহি কোন অধিকার টুলিয়ার ।
 ক্ষতি কিবা তায় ?
 সম্রাট নন্দিনী তুমি ।
 এতটুকু ক্ষুদ্রগৃহে কিবা প্রয়োজন ?
 নগরে নগরে তব গৃহ আছে অগণিত ।
 এখানেও আছে তব মন্মথ প্রাসাদ ।
 জানি আমি, প্রাসাদ তোমার
 অপবিত্র করিয়াছে রোম নাগরিক ।
 স্বর্গসম ছিল যাহা লীলাভূমি সম্রাটের
 ভূতেরা তাহার ক্রীড়াভূমি করেছে তাহারে ।
 অসহ্য এ অপমান ।
 কিন্তু নহে বেশীদিন ।
 দেখিবে অচিরে ক্রটাসের দর্পচূর্ণ হবে ।
 টুলিয়া ।
 গ্যালগিনা, কন্যাসম আদর করেছে যেই জন,
 কেন তুমি ঘৃণা কর তারে ?

য়্যাল্গিনা ।

অবশ্য করিব ।

ক্রেটাসের কেন এত অভিমান ?

এমন কি অপরাধ করেছে সম্রাট ?

এত বড় সাম্রাজ্য যাহার,

ইচ্ছামত ব্যবহার অবশ্য করিবে ।

ক্ষতি যদি হয়ে থাকে নগরের,

পূরণ করিবে তারে প্রজারা সকলে ।

রাজা যদি ভৃত্যসম করিবে আচার

রাজা হ'য়ে কিবা লাভ তবে ?

ক্রেটাস্ দাস্তিক ।

তাই ভাবে মনে

ভৃত্য হবে প্রভুর সমান ।

টুলিয়া ।

য়্যাল্গিনা । ক্ষুদ্র নহে রোমের ক্রেটাস্ ।

ক্ষুদ্র নহে পুত্র তার টাইটাস্ ।

বাহুবলে তাহাদের নত হয় শির সম্রাটের

ক্রেটাসেরে শ্রদ্ধা করি আমি,

পিতা ব'লে মানি তারে ।

কিন্তু আমি ভাগ্যহীন,

শত্রু তিনি সম্রাটের,

সুতরাং শত্রু তিনি টুলিয়ার ।

কিন্তু টাইটাস্ ?

সে তো নহে শত্রু মোর ।

- য়্যাল্গিনা । একি কথা রাজপুত্রি ।
 পিতা যার ঘৃণা করে সম্রাটেরে
 অবশ্য সে শত্রু টুলিয়ার ।
- টুলিয়া । কভু নয় ।
 আমি জানি, টাইটাস্ ভালবাসে মোরে ।
- য়্যাল্গিনা ! হুঁ ! ভালবাসে !
 কিবা তাতে আসে যায় ?
 হীন নাগরিক নহে যোগ্য টুলিয়ার ।
- টুলিয়া । য়্যাল্গিনা ! অনুচিত বাক্য নাহি কহ ।
- য়্যাল্গিনা । মোর বাক্য অনুচিত ?
 মহারাজা লাইগুরিয়া পাত্র যার,
 সেই টুলিয়ারে ভালবাসে টাইটাস্ ।
 অসভ্য বর্বর এক ক্ষুদ্র নাগরিক
 ভালবাসে সাম্রাজ্যের উত্তরাধিকারী টুলিয়ারে ?
 অবাক্ করিলে মোরে রাজপুত্রি ।
 খর্ব্ব চাহে আকাশের চাঁদ ।
- টুলিয়া । খর্ব্ব নহে টাইটাস্ ।
 ইতালীতে টাইটাস্ সর্ব্বশ্রেষ্ঠ বীর ।
 তাই তারে সমর্পণ করেছি হৃদয় ।
- য়্যাল্গিনা । ওঃ ! এত দিনে বুঝিলাম,
 ক্ষুদ্র গৃহ ক্রটাসের কেন মনোহর ।

টুলিয়া ।

গ্যালগিনা ! পরিহাস ক'রোনা' আমারে
 আমি জানি সত্ৰাট নন্দিনী আমি,
 উত্তরাধিকারী আমি সাত্ৰাজ্যের,
 ইঙ্গিতে আমার নিয়ন্ত্রিত হয়
 সহস্রের জীবন মরণ ;
 ক্রকুটিতে মোর কাঁপে কত সিংহাসন ।
 কিন্তু তবু আমিও মানুষ ।
 দেহে মোর রক্ত আছে ।
 আমারও মন আছে, প্রাণ আছে ।
 মনে মোর আছে অমুরাগ ।
 চোখে স্বপ্ন আছে ।
 অন্তরে রয়েছে অভিমান,
 হৃদয়ে আমারো আছে প্রণয় স্পন্দন ।
 আমি জানি, ইঙ্গিতে আমার
 কত রাজ রাজেশ্বর চরণে লুটায় মোর ।
 তবু আমি নিজে
 লুটিয়া পড়িতে চাই চরণে তাহার ।

গ্যালগিনা ।

ছি, ছি, ছি !
 একি দুর্বলতা সত্ৰাটিকুমারী ?
 নিকৃষ্ট যে জন,
 সার্থক জনম তার সেবিয়া চরণ টুলিয়ার ।
 সিংহাসনে বসিবে যখন,

ইঙ্গিতে তোমার

কত মহাজন হবে ক্রীতদাস ।

টুলিয়া ।

তুচ্ছ মনে করি সিংহাসন ।

তুচ্ছ রাজ্য, তুচ্ছ ধন, তুচ্ছ রত্ন ।

হৃদয় তাহার শ্রেষ্ঠ সিংহাসন মোর ।

দিতে পারি বিসর্জন রোম সিংহাসন ।

কিস্ত হয় !

বিরহে তাহার, হৃদয় ফাটিয়া যায় ।

র্যালগিনা ।

রাজপুত্রি ! এ যে অসম্ভব ।

তুচ্ছ এক নাগরিক

সর্ব্বশ্রেষ্ঠ হ'লেও সে ভৃত্য সজ্ঞাটের ।

টুলিয়া ।

তুচ্ছ কেন বল তারে ?

জান না কি রোমবাসীগণ

চেয়েছিল দিতে সিংহাসন ক্রটাসেরে ?

ক্রটাস্ মহৎ ।

প্রত্যাখ্যান করি সিংহাসন

করেছে প্রমাণ,

সিংহাসন হ'তে অতি উর্ধ্বে স্থান তার ।

পুত্র তার নহে হীন ।

তবু পিতা মোর মিথ্যা অহঙ্কারে

ধূলাতে মিশায়ে দিল আমার জীবন ।

কিস্ত আজ কোথা তার অভিজাত্য ?

কোথা গর্ব ? কোথা অহঙ্কার ?
 খর্ব্ব তারে করেছে টাইটাস রণভূমে ।
 য়্যাল্গিনা । টুলিয়া ! জানে কি সম্রাট ?
 টুলিয়া । হাঁ, জানে পিতা মোর ।
 গোপন করেছি মোরা সকলের কাছে ।
 কিন্তু বহুদিন আগে,
 যবে পিতা মোর
 ছিলেন সম্রাট রোম সিংহাসনে,
 বলেছি তাহারে ।
 কিন্তু আভিজাত্য তার
 করেছিল অস্বীকার
 গ্রহণ করিতে প্রিয়ে মোর
 পুত্ররূপে ।
 পিতৃত্বের অধিকার বলে
 বাধ্য ক'রে মোরে
 বিবাহ করাতে চান লাইগুরিয়াকে ।
 যেহেতু তাহার আছে পিতৃদত্ত সিংহাসন ।
 কিন্তু সেই সিংহাসন
 সাগরে ডুবাতে পারে টাইটাস্
 শুধু মাত্র অঙ্গুলি চালনে ।
 য়্যাল্গিনা । কিন্তু সম্রাট কুমারি ! এষে অসম্ভব ।
 ক্রটাস্ ও টাইটাস্ পিতাপুত্রে শত্রু সম্রাটের

টুলিয়া।

শত্রু নহে টাইটাস্ ।
 য্যালগিনা ! টাইটাস্ ভালবাসে মোরে ।
 যেই ভালবাসা বলে কত জন,
 লঙ্ঘন করিয়া যায় দুর্গম পর্বত,
 ক্ষুদ্র তরী লয়ে পার হয় দুস্তর সাগর,
 জীবন সঙ্কট তুচ্ছ মনে করে,
 প্রয়োজন হ'লে প্রাণ দেয় বিসর্জন অকাতরে,
 সেই ভালবাসা অক্লেশে লজ্জিতে পারে
 রোমের সংস্কার ।
 হাতে ধরি তারে
 নিয়ে যেতে পারি আমি সম্রাট্ শিবিরে ।
 পশ্চাতে রহিয়া তার
 ধ্বংস করি খুলায় মিশাতে পারি রোমের প্রাচীর ।
 কিন্তু আমি ভাগ্য হীন,
 গবিত সম্রাট্ তুচ্ছ করে প্রণয় আমার ।

কতিপয় পরিচারিকা অভিবাদন করিতে করিতে কয়েকটি
 পেটিকা লইয়া প্রবেশ করিল ।

এ কি ? কিসের পেটিকা ?

কি আছে ইহাতে ?

জনৈক পরিচারিকা । সম্রাট্ কুমারি । প্রভু মোর বলিলেন

“ধনরত্ন যাহা আছে গৃহে,
সমুদয় তার টুলিয়ার।”
তাই মোরা পেয়েছি আদেশ
আনিতে পেটিকাগুলি আপনার কাছে।

টুলিয়া। পিতা কি এসেছে গৃহে ?

পরিচারিকা। হাঁ, রাজ কুমারী।

টুলিয়া। পিতা ! পিতা !

(ত্রুপদে টুলিয়া ক্রটাসের কাছে যাইতে উত্তত ।)

য়্যাল্গিনা। রাজকুমারী ! (টুলিয়া নিরস্ত হইল ।)

টুলিয়া। য্যাল্গিনা ! অসহ্য এ মরম বেদনা।

য়্যাল্গিনা। টুলিয়া, দুর্বলতা নাহি সাজে সিংহাসনে।

রোমের সম্রাজ্ঞী নহে সাধারণ নারী।

সাম্রাজ্যের রক্ষা তব সর্বশ্রেষ্ঠ ধর্ম।

সেই ধর্ম রক্ষা হেতু,

যদি হয় প্রয়োজন,

দিতে হবে বিসর্জন ক্ষুদ্র ক্ষুদ্র স্বার্থ হৃদয়ের।

দয়া, মায়া, প্রণয়, মমতা,

এইসব বৃত্তি হৃদয়ের

শ্রেষ্ঠ হতে পারে জনতার।

কিন্তু সিংহাসনে তাহারা সকলে দুর্বলতা শুধু।

রোমের ক্রটাস্ ঘৃণাকরে সিংহাসন ।
 সুতরাং রোমসিংহাসন ঘৃণা করে ক্রটাসেরে ।
 রোমের ক্রটাস্ ধ্বংস চাহে সম্রাটের ।
 সুতরাং উদ্ভরাধিকারী তার মৃত্যু চাহে ক্রটাসের ।

টুলিয়া । য়াল্‌গিনা ! একি তব মর্শ্ব ভেদী বাক্যবাণ ?

য়াল্‌গিনা । সত্য যাহা অবশ্য বলিব ।
 ক্রীতদাসী ! নিয়ে যাও পেটিকা তাহার ।
 বলিও তাহারে, ক্রটাসের তুচ্ছ উপহারে
 লোভ নাহি রোম সম্রাটের,
 টুলিয়ারও নাহি ।

টুলিয়া । না, না । অবশ্য লইব উপহার ।
 য়াল্‌গিনা ! যদি কভু বসি আমি রোম সিংহাসনে,
 তুলিওনা কেহ,
 রোমের ক্রটাস্ ঘৃণাকরে সিংহাসন,
 কিন্তু তার অধিকারী টুলিয়ারে
 স্নেহ দেয় অকাতরে ।
 ক্রীতদাসী ! নিয়ে এস উপহার ।

(পালকে বসিয়া দুই একটি উপহার দেখিতে দেখিতে টুলিয়া
 হৃৎথে অভিভূত হইয়া পড়িল । য়াল্‌গিনার ইঙ্গিতে জনৈক
 পরিচারিকা গান ধরিল । অত্যাশ্চর্য্য সকলে টুলিয়ার
 সেবা করিতে লাগিল ।)

গান ।

রাজকুমারী সোণার পরী,

স্বপনদেশের ফুলকুমারী ।

একদিন মাধবী রাতে

শুক ও সারি ছুজনাতে

বাতায়ন পথে এল রাজার বাড়ি ।

রাজকুমারী সোণার পরী

স্বপন দেশের ফুলকুমারী ।

বল্লে তাদের রাজকুমারী,

তোরা কে গো ? কে গো ?

এই নিশুতি রাতে কেন জাগো ?

তোরা কে গো ?

শুকসারি তখন কি বল্লে জানো ?

অপর গায়িকা । উছ ! উছ ! উছ !

আমরা ছুজন

কুছ ! কুছ ! কুছ !

এই জ্যোছনার সাথে সাথে

বাঁধাবাঁধি রই ছুজনাতে

ঘরের কোণেতে মোরা রহিতে নারি ।

রাজকুমারী সোণার পরী,
স্বপন দেশের ফুলকুমারী ।

বল্লে তাদের রাজকুমারী,
তোরা কে গো ? কে গো ?
সোণার খাঁচায় এসে থাকো ।

তোরা কে গো ?

শুক সারি তখন কি বল্লে জানো ?

অপর গায়িকা । উছ ! উছ ! উছ !

আমরা ছুজন

কুছ ! কুছ ! কুছ !

এই জ্যোছনার পথে পথে

আমরা চলেছি আজি চাঁদে ।

বেদনা বুকেতে আজি সহিতে নারি ।

রাজকুমারী সোণার পরী,
স্বপন দেশের ফুলকুমারী ।

কাঁদুলো তখন রাজকুমারী ।

তোরা কে গো ? কে গো ?

আমায় সাথে নিয়ে যাগো ।

তোরা কে গো ?

শিকল রয়েছে ছুটি পায়,

তবু কেন হয় ! কেন হয় !

হৃদয় গগনে ছুটে যায় ।

হায় ! হায় ! হায় !

ঘুম আয়, ঘুম আয়, ঘুম আয় ।

টুলিয়া ঘুমাইয়া পড়িল । সকলে নিঃশব্দে প্রস্থান করিল । কিয়ৎকাল পরে
বাহিরে ত্র্যয়োগ আরম্ভ হইল । জানালা দিয়া বিদ্যুতের চমকানী দেখা
গেল । মৃষলধারায় বৃষ্টি পড়িতে লাগিল । ত্র্যস্তপদে ক্রটাসের
প্রবেশ । তাহার গায়ে তখনও উত্তরীয় আছে । জানালা বন্ধ
করিয়া নিজের উত্তরীয় দ্বারা টুলিয়াকে সে সম্মেহে
আবৃত করিল । পরে দরজার কাছে আসিয়া
মুহু হাততালি দিল । অভিবাদন করিয়া
জনৈক দেহরক্ষীর প্রবেশ ।

ক্রটাস্ ।

সাবধান দেহরক্ষী

আমি জানি, বহু নাগরিক

মুক্তি দিতে চাহে না ইহারে ।

কিন্তু যদি কেশাগ্র ইহার

স্পর্শ করে কোন নাগরিক,

বলিও সবারে আমার আদেশ,

মৃত্যুদণ্ড তার হবে সুনিশ্চয় ।

সাবধান !

অভিবাদন করিয়া দেহরক্ষীর প্রস্থান । নিদ্রিত টুলিয়াকে
সম্মেহে নিরীক্ষণ করিয়া ক্রটাসের প্রস্থান ।

দ্বিতীয় দৃশ্য

স্থান—রোমের রাজপথ ।

সময়—পরদিন অপরাহ্ন ।

নেপথ্যে বিজয়-উৎসবের কোলাহল এবং টাইটাসের জয়ধ্বনি ।

ক্লডভাবে টাইবেরিয়াসের প্রবেশ ।

টাইবেরিয়াস্ । অসহ্য এ কোলাহল জনতার ।

নেপথ্যে টাইটাসের জয়ধ্বনি ।

চতুর্দিকে শুধু জয়ধ্বনি শুনি টাইটাস্ ! টাইটাস্ !

কেন ? নগরে কি আর কোন যোদ্ধা নাই ?

রণক্ষেত্রে আমিও করেছি হত শত্রু অগণিত ।

তবে কেন একাকী টাইটাস্ পাবে জয়ধ্বনি ?

নেপথ্যে পুনরায় টাইটাসের জয়ধ্বনি ।

উঃ অসহ্য এ জয়ধ্বনি ।

অসহ্য এ অবিচার ।

রণক্ষেত্রে প্রাণপণ করেছি সকলে ।

তবু জয়ধ্বনি পায় শুধু ভ্রাতা মোর টাইটাস ।

মাতাল অবস্থায় ক্যাটালিনাসের প্রবেশ । তাহার হাতে এক বোতল স্নরা ।

ক্যাটালিনাস্ । জয় ! মহাবীর টাইটাসের জয় !

টাইবেরিয়াস্ । স্তব্ধ হও নাগরিক !

ক্যাটালিনাস্ । ওঃ হো ! কেন স্তব্ধ হব ?

টাইটাস্ মহাবীর বিদিত নগরে ।

নিজ চোখে দেখিলাম,

লগ্নভগ্ন করিল সে রাজসৈন্য ।

দেখিয়া তাহারে

ছুটে পঙ্কপাল চতুর্দিকে প্রাণ ভয়ে,

ব্যস্ত দেখি শৃগাল যেমন ।

হাঃ হাঃ হাঃ হাঃ !

ব্যস্ত দেখি শৃগাল যেমন ।

হাঃ হাঃ হাঃ হাঃ ।

টাইবেরিয়াস্ । স্তব্ধ হও নাগরিক !

এ নগরে আরো যোদ্ধা আছে ।

ক্যাটালিনাস্ । আছে বৈ কি ।

আমিও তো আছি ।

এক হাতে ঢাল আর অন্য হাতে তলোয়ার ।

সে যদি দেখতে ।

হাঃ হাঃ হাঃ হাঃ ! (যুদ্ধ করিবার ভাণ করিল ।)

ডাইনে একটা কাটি,

বাঁয়ে ছুটো ।

আবার ডাইনে ছুটা,

বাঁয়ে গণ্ডা ছুই ।

হাঃ হাঃ হাঃ হাঃ ।

সে যদি দেখতে ।

কিন্তু টাইটাস্ আমার চেয়েও ভাল যুদ্ধ করে ।

টাইবেরিয়াস্ । বাতুল !

ক্যাটালিনাস্ । কি বল্লে ? আমি বাতুল ?

থাকতো যদি ঢাল.....

থাক্গে ।

আজ আর যুদ্ধ নয় ।

আজ রোমে বিজয় উৎসব ।

জয় ! মহাবীর টাইটাসের জয় !

টাইবেরিয়াস্ । নাগরিক ! শমন ডাকিছে তোরে ।

জয়ধ্বনি যদি কর পুনর্বার.....

ক্যাটালিনাস্ । হাঃ হাঃ হাঃ হাঃ ।

এখনো শোননি সব ।

সৈন্যদল করেছে প্রস্তাব,

কাল প্রাতে সম্রাট করিবে তারে ।

টাইবেরিয়াস্ । সম্রাট !

সম্রাট করিবে তারে ?

ক্যাটালিনাস্ । কেন নয় ?

বলি কেন নয় তা বলতে পার ?

বাহুবলে পরাজয় করেছে রাজারে ।

রাজার মুকুটে তার পূর্ণ অধিকার ।

আরো কথা আছে ।

- টাইটাস্ প্রিয় সকলের ।
 পিতারে তাহার চাহে না নগর ।
 টাইবেরিয়াস্ । মিথ্যা কথা ।
 ক্যাটালিনাস্ । আহা ! চট কেন ?
 ক্রটাসের সব ভাল ।
 কিন্তু সে যে নিরামিষ ভোজী ।
 মদ্য পান করেছে নিষেধ ।
 শুধু তাই নয় ।
 ঘোষণা করেছে চারিদিকে,
 যেথা আছে যতেক নগর
 পরাধীন কেহ নাহি রবে ।
 টাইবেরিয়াস্ । সত্য বলিয়াছে ।
 কেহ নহে কাহারো অধীন ।
 নগরেও নয় ।
 কেহ বড় নয় এ নগরে ।
 আমা হতে শ্রেষ্ঠ কেহ নয় ।
 ক্যাটালিনাস্ । কি বললে ?
 শ্রেষ্ঠ কেহ নয় ?
 থাকতো যদি ঢাল ।
 টাইবেরিয়াস্ । স্তব্ধ হও ।
 ক্যাটালিনাস্ । থাক্গে ।
 আজ আর যুদ্ধ করিব না ।

আজ শুধু বিজয় উৎসব ।

মত্ত পান করিয়া

কি না বললে তুমি ?

তুমি বল শ্রেষ্ঠ কেহ নয় ?

তুমি বলতে চাও শ্রেষ্ঠ নয় রোম ?

রোম আর গ্যালিয়া সমান ?

রোম আর টাঙ্কানী সমান ?

হাঃ হাঃ হাঃ হাঃ !

তবে কেন বৃথা যুদ্ধ জয়, বৃথা লোকক্ষয় ?

তুমি নাবালক, শেখ নাই রাজনীতি ।

কেহ কারো ছোট নয় এই সাম্যবাদ

শুধু আমাদের তরে,

নগর ভিতরে ।

নগর বাহিরে

রোম নাগরিক পৃথিবীর সর্বশ্রেষ্ঠ জাতি ।

এবে মোরা স্বাধীন হয়েছি,

সুতরাং ক্রটাসের আর নাহি প্রয়োজন ।

তাই কাল প্রাতে টাইটাস্ মোদের সম্রাট্ ।

দিকে দিকে রোম সৈন্যদল করি অভিযান

বাঁধিয়া আনিবে ঘরে লক্ষ ক্রীতদাস ।

মূর্থ তুমি ।

দাসদাসী না থাকিলে কেমনে চলিবে ?

বাণিজ্য কেমনে হবে
 যদি কেহ নাহি থাকে অধীন রোমের ?
 এতদিন ছিনু ক্রীতদাস,
 আজ মোরা স্বাধীন হয়েছি ।
 লুণ্ঠন করিব কত রাজ্যের ভাণ্ডার,
 বাঁধিয়া আনিব ঘরে ক্রীতদাসী
 সুন্দরী যুবতী ।
 হাঃ হাঃ হাঃ হাঃ !

ক্রটাসের আর নাহি প্রয়োজন ।
 টাইবেরিয়াস্ । নাগরিক ! দেশদ্রোহী তুমি ।
 এই অপরাধে মৃত্যুদণ্ড হবে ।
 ক্যাটালিনাস্ । আমি দেশদ্রোহী ?
 দেশদ্রোহী তুমি । দেশদ্রোহী ক্রটাস্ ।
 সাম্রাজ্য গড়িবে রোম,
 পৃথিবীর শ্রেষ্ঠ ভূমি হবে,
 শত শত নগরেরে করি পদানত
 পৃথিবীর ধন রত্ন আনি
 জননীয়ে সম্রাজ্ঞী করিব,
 শ্রেষ্ঠ শ্রেষ্ঠ জনপদ করি অধিকার
 লুণ্ঠন করিয়া লব খাণ্ডের ভাণ্ডার,
 এই যার অভিলাষ,
 দেশদ্রোহী সেই জন ?

আরে অল্প বুদ্ধি ক্লীব !

তোর মৃত্যু শ্রেয়ঃ ।

(বোতল উঠাইয়া মারিতে উদ্ভত ।)

টাইবেরিয়াস্ । (একহাতে ক্যাটালিনাসের ঘাড় ধরিয়া অপর
হাতে ছোরা তুলিয়া)

সাবধান নাগরিক !

ক্যাটালিনাস্ । কে ? কে তুমি ?

টাইবেরিয়াস্ ?

টাইবেরিয়াস্ । হাঁ ।

ক্ৰটাসের পুত্র আমি, টাইটাসের ভ্রাতা ।

ক্ৰটাসের পুত্র কেহ সম্রাট যদি বা হয়,

সে নহে টাইটাস্ ।

টাইবেরিয়াস্ ছোট কারো নয় ।

ক্যাটালিনাস্ । ক্ষমা কর মহাশয় ।

আমারও ঠিক তাই মত ।

ক্ষমা কর দেব,

যতদিন থাকে শ্বাস ততদিন রব ক্রীতদাস ।

টাইবেরিয়াস্ । (সজোরে তাহাকে নিক্ষেপ করিয়া)

ক্রীতদাস ।

একদিনে দাসত্বের গ্লানি কভু মুছে নাহি যায়

এই রোম পুনঃ হবে ক্রীতদাস ।

পুনঃ পুনঃ সিংহাসনে বসাবে রাজারে ।

স্বাধীনতা চাহে না নগর,
 রাজ্য শুধু চাহে ।
 রাজা বিনা রাজ্য নাহি হয় ।
 তাই সিংহাসনে বসাইয়া রাজা হীনবল
 সিংহনাড়ে ত্রাসিয়া দুর্বলে
 লুণ্ঠন করিতে চাহে পৃথিবীরে ।
 রাজা তার চাই ।
 ক্রটাসের পুত্র ছাড়া যোগ্য কেবা আছে এনগরে?
 কিন্তু ক্রটাসের এক পুত্র নয় ।
 যুদ্ধক্ষেত্রে আমি নহি হীন ।
 (নেপথ্যে টাইটাসের জয় ধ্বনি)
 উঃ ! অসহ্য এ জয়ধ্বনি ।

(দেহরক্ষীসহ ক্রটাস ভ্যালেরিয়াস্ প্রভৃতি প্রবীণগণের প্রবেশ ।
 ক্যাটালিনাস্ একপ্রান্তে আত্মগোপন করিল)

ক্রটাস্ । (সন্দেহের সহিত)
 পুত্র ! কেন এ বিষাদ ?
 য়ান কেন মুখ ?
 (টাইবেরিয়াস্ নিরস্তর)
 পুত্র ! আজ রোম করিছে উৎসব ।
 বিজয় উৎসব আমাদের সকলের
 সম্রাট্ আর টাস্কানীর
 সম্মিলিত শক্তি মোরা করেছি বিনাশ ।

গৃহে গৃহে জয়ধ্বনি করেছি আদেশ ।

তুমি কেন স্তান ?

জয়ের গৌরব আমাদের সকলের ।

টাইবেরিয়াস্ । ক্ষমা কর পিতা ।

জয়ধ্বনি শুনি মনে হয়,

জয়ী শুধু ভ্রাতা মোর ।

(নেপথ্যে টাইটাসের জয়ধ্বনি ।)

ব্রুটাস্ ।

সত্য বটে ভ্যালেরিয়াস্ ।

টাইটাসের জয়ধ্বনি অতি অশোভন ।

পুনঃ পুনঃ করেছি নিষেধ,

তবু সৈন্তদল জয়ধ্বনি করে তার ।

এ নহে শোভন ।

জয়ের গৌরব আমাদের সকলের ।

জয়ের গৌরব রোম নগরের ।

এই পুত্র মোর নহে হীন, নহে কাপুরুষ ।

কাপুরুষ নহে কোন রোম নাগরিক ।

তবে কেন জয়ধ্বনি করে

শুধু টাইটাসের ?

দেহরক্ষীগণ !

অবিলম্বে করিবে প্রচার,

যত শ্রেষ্ঠ হোক নাগরিক

তবু তার জয়ধ্বনি নিষিদ্ধ নগরে ।

ভ্যালেরিয়াস্ । ক্রান্ত হও দেহরক্ষীগণ ।
 ক্রটাস্ ! শুধু একদিন নাগরিকগণ
 যথা ইচ্ছা করুক উল্লাস ।
 অচিরেই দেখা হবে পরিষদে ।
 আমি নিজে বুঝায়ে বলিব তাহাদের তোমার নির্দেশ ।
 পুত্র তব এখনো বালক ।
 জয়োল্লাস স্বাভাবিক যৌবনের ।
 রুঢ়বাক্যে মর্মে ব্যাথা পাবে ।
 কিবা প্রয়োজন ?
 আমরা সকলে জানি
 পুত্র তব দেশভক্ত বীর ।
 জানি মোরা জয়োল্লাসে হবে না দান্তিক ।
 চল পরিষদে ।
 টাইবেরিয়াস্ ! চল পরিষদে,
 জয়ধ্বনি করিব সকলে জননীর ।
 টাইবেরিয়াস্ । পরিষদে কিবা প্রয়োজন অসময়ে ?
 সন্ধ্যা সমাগত ।
 অসময়ে পরিষদে কিবা প্রয়োজন ?
 ক্রটাস্ । প্রয়োজন নাহি কিছু আমাদের ।
 ভ্রাতা তব পত্রযোগে দিয়েছে সংবাদ,
 দর্শন কামনা করে মণ্ডলের ।
 টাইবেরিয়াস্ । দর্শন কামনা করে অসময়ে ?

ক্রটাস্ ।

টাইবেরিয়াস্ ! অশোভন আছে কি ইহাতে ?

বীর পুত্র মোর শত্রু করি নাশ

এসেছে নগরে ।

জানে সে নিশ্চয়,

বৃদ্ধ পিতা তার আছে প্রতীক্ষায় ।

জানে সে নিশ্চয়,

মুহুমুহু কাঁপিছে হৃদয় ক্রটাসের

আলিঙ্গন করিতে তাহারে ।

(টাইবেরিয়াস্কে আলিঙ্গন করিয়া)

পুত্র ! তোমারেও তুল্য স্নেহ করি ।

কিন্তু টাইটাস্ !

দেবতার মত পুত্র মোর

রণক্ষেত্রে হুর্জয় শাদ্দুল ।

সেই পুত্র মোর এসেছে নগরে ।

দর্শন চেয়েছে মোর সম্মান সভায় ।

মোর মনে হয়,

করিয়া প্রণাম নগর সভায়,

সহস্রের মাঝে,

গর্বিত করিতে চাহে পিতারে তাহার ।

(টাইটাসের উদ্দেশে)

পুত্র ! তুমি ধন্য ।

ধন্য আমি হেন পুত্র মোর ।

বন্ধ আমি । মৃত্যু সন্নিকট ।
 কিন্তু জানি,
 যতদিন পুত্র মোর রহিবে জীবিত
 জন্মভূমি রোম কভু না হবে কিঙ্কর ।
 ভ্যালেরিয়াস্ ! চল পরিষদে,
 বিলম্ব সহেনা আর ।

(সকলে ষ্টেজের প্রান্তে গেলে কাছে আসিয়া)

টাইবেরিয়াস্ ! তুমিও সামান্য নও ।
 বীরপুত্র তোমরা উভয়ে ।
 পিতা আমি । উভয়েরে তুল্য স্নেহ করি ।
 হিংসা তুমি ক'রোনা তাহারে ।
 জ্যেষ্ঠ ভ্রাতা পিতৃ তুল্য ।
 তার কাছে পুত্রবৎ সমাদর অবশ্য লভিবে ।
 চল পরিষদ ।

টাইবেরিয়াস্ । যথা আজ্ঞা পিতা । আমিও অচিরে ।

(টাইবেরিয়াসের পিঠে হাত চাপ ড়াইয়া তাহাকে আশ্বাস দিয়া অন্তঃস্থ
 সকলের সহ ক্রটাসের প্রস্থান । কিন্তু ক্যাটালিনাস্
 একপ্রান্তে এখনও দাঁড়াইয়া আছে)

ক্যাটালিনাস্ । মহাশয় !

সত্য কি অসত্য তাহা শুনিলে আপনি ।
 পিতৃভক্ত ভ্রাতা তব

অসময়ে পরিষদে মাগিছে দর্শন সকলের ।

হেঁ হেঁ হেঁ হেঁ ।

কাল প্রাতে নয় ।

আজ রাতে ।

আজ রাতে সবে তারে করিবে সম্রাট ।

মত্তপানে মত্ত সৈন্তগণ

আজ রাতে

কারাগারে করিবে নিক্ষেপ সম্মান মণ্ডলে ।

টাইবেরিয়াস্ । কিন্তু আমি নিরপায় ।

ব্রাতা মোর সেনাপতি ।

তার হাতে অস্ত্রশস্ত্র, সৈন্তদল ।

এক আমি কি করিতে পারি ?

ক্যাটালিনাস্ । যদি আজ্ঞা হয়,
সঙ্গ থাকে এই ক্রীতদাস ।

টাইবেরিয়াস্ । কি করিতে পার তুমি ?

ক্যাটালিনাস্ । কার্যক্ষেত্রে দিব তার পরিচয় ।
কর অঙ্গীকার পুরস্কার করিবে আমারে ।

টাইবেরিয়াস্ । পুরস্কার !

ক্যাটালিনাস্ । হাঁ । পুরস্কার ।

কর অঙ্গীকার,
সিংহাসনে বসিবে যখন
সেনাপতি করিবে আমারে ।

টাইবেরিয়াস্ । হাঃ হাঃ হাঃ হাঃ ।

সেনাপতি হ'তে চায় বনের শৃগাল ।

ক্যাটালিনাস্ । মহাশয় ! উপহাস ক'রোনা আমারে ।

শৃগাল চতুর ।

সম্মুখ সমরে যাহা সাধা নাহি হয়,

চতুর শৃগাল

গোপন কোশলে তাহা করিবে উদ্ধার ।

যুদ্ধক্ষেত্রে নহি বিশারদ ।

কিন্তু আমি শিখিয়াছি রাজনীতি ।

ভেদনীতি করিয়া আশ্রয়

শক্তিহীন করিব শত্রুরে ।

তারপর নাগপাশে বাঁধিয়া সকলে,

একটি একটি করি করিব উচ্ছেদ ।

টাইবেরিয়াস্ । (গলাটিপিয়া ধরিয়া)

সত্য কহ, কি তব মন্তব্য ।

যদি মিথ্যা কহ, এইক্ষণে বধিব তোমারে

ক্যাটালিনাস্ । বধিলে আমারে

রাজসিংহাসনে কতুনা বসিবে ।

টাইবেরিয়াস্ । ছুটবুদ্ধি নাগরিক ! বল হারা করি ।

(মারিতে উত্তত)

ক্যাটালিনাস্ । ক্ষান্ত হও । আগে কর অঙ্গীকার ।

টাইবেরিয়াস্ । করিলাম অঙ্গীকার ! বল হারা করি ।

ক্যাটালিনাস্ । রাজদূত এসেছে নগরে ।

ষড়যন্ত্র করি তার সনে

নগরতোরণ সমর্পণ কর তারে ।

টাইবেরিয়াস্ । (ছোরা উঠাইয়া)

দেশদ্রোহী বিশ্বাসঘাতক ! লহ শাস্তি তবে ।

কিন্তু টাইবেরিয়াসের হস্ত শিথিল হইয়া গেল ।

ক্যাটালিনাসকে ছাড়িয়া দিয়া সে কাঁপিতে লাগিল ।

ক্যাটালিনাস্ ক্রুরভাবে নিঃশব্দে হাসিতে লাগিল ।

টাইবেরিয়াস্ । নগরতোরণ ! ষড়যন্ত্র !

কিন্তু সম্রাট টার্কুইন্ আপনি বসিবে সিংহাসনে ।

ক্যাটালিনাস্ । একমাত্র কন্যা তার বন্দি নগরে ।

সাম্রাজ্যের সেই অধিকারী ।

রাজদূত চুক্তিপত্রে করিবে স্বাক্ষর

তোমাকেই সমর্পিবে টুলিয়ারে

বিবাহ বন্ধনে ।

মরিলে টার্কুইন্

সম্রাট হইবে তুমি ।

ঔৎসবকারী কতিপয় লোকের প্রবেশ ।

টাইবেরিয়াস্ । দ্বিপ্রহর রজনীতে এস গৃহে মোর ।

ক্যাটালিনাস্ । মনে রেখে প্রতিজ্ঞা তোমার ।

বিপরীত দিকে উভয়ের গ্রহান ।

জনৈক নাগরিক । বন্ধুগণ ! আর চিন্তা নাই ।

পরাজিত করিয়া রাজারে করেছি প্রমাণ

রোমনাগরিক পৃথিবীর শ্রেষ্ঠ জাতি ।

অপর নাগরিক । স্মতরাং পৃথিবীর প্রধান সম্পদে আছে

অধিকার আমাদের

সকলে । অবশ্য তা আছে ।

প্রথম নাগরিক । কিন্তু ক্রটাস্ অলুচিত কথা কহে ।

দিকে দিকে করেছে প্রচার,

আপনার রক্ত করি দান

রোম নাগরিক স্বাধীন করিবে সকলেরে ।

আপনার রক্ত করি দান

স্বাধীন করিব মোরা পৃথিবীরে ?

সকলে । বাতুল ।

অপর নাগরিক । মতিছন্ন হয়েছে ক্রটাস্ ।

সত্য বটে কৃতজ্ঞতাপাশে বদ্ধ মোরা ।

তার বুদ্ধি বলে স্বাধীন হয়েছে রোম ।

কিন্তু জরাগ্রস্ত ক্রটাসের দূরদৃষ্টি নাই ।

যেই স্বাধীনতা মোরা করিয়াছি লাভ

তাহারে রাখিতে হ'লে সম্পদের প্রয়োজন ।

স্মতরাং পৃথিবীর চারিপ্ৰান্ত হ'তে

সম্পদ আনিতে হবে জন্মভূমে ।

পৃথিবীর চারিপ্ৰান্ত হ'তে

সংগ্রহ করিতে হবে জনবল, অর্থবল, অস্ত্রবল,
নতুবা অচিরে স্বাধীনতা হবে অবসান।

জনৈক নাগরিক। বন্ধুগণ ! ক্রুটাসের আর নাহি প্রয়োজন।

বয়স হয়েছে তার।

মোর মনে হয় তার প্রয়োজন বিশ্রামের।

পুত্রেরে তাহার করিব সম্রাট।

তারপর দলে দলে ছুটিয়া চৌদিকে

রোমের অধীন মোরা করিব পৃথিবী।

নগরে নগরে,

আমরা প্রত্যেকে হ'ব রাজপ্রতিনিধি।

জনৈক মাতাল নাগরিক। হুর্রে ! হুর্রে !

কেহবা নবাব, কেহ দিকপাল।

কেহ মন্ত্রী হব, কেহ কোতোয়াল।

নিরস্ত্র করিয়া নগরবাসীকে

আশ্ফালন করিব আমরা তরোয়াল।

গট্ গট্ করি চলি রাজপথে

ফট্ ফট্ করি টাটি মারি মাথে

করিব প্রমাণ,

মোরা পৃথিবীর শ্রেষ্ঠ জাতি।

ডাইনে ও বাঁয়ে,

রবে ক্রীতদাস ক্রীতদাসী গণ্ডাচার।

পিঠে চড়ি তার,

টানিয়া লাগাম মুখে,
 হেট্ হেট্ বাল চালাব সুমুখে ।
 বুঝিবে সকলে,
 রোম নগরের ছোট যে চামাড়,
 সেও তাহাদের সমান রাজার ।

সকলের উচ্চহাস্ত ।

হুর্রে ! হুর্রে !
 মোরা পৃথিবীর শ্রেষ্ঠ জাতি ।

ব্যঙ্গ করিয়া পারসার মত বুক ফুলাইয়া ঘুরিতে লাগিল । সকলের উচ্চহাস্ত ।
 জনৈক নাগরিক । বন্ধুগণ ! আর দেরী নাই ।
 চল পরিষদে ।
 সকলে । চল ।

সকলের প্রস্থান । অস্তাদিক্ হইতে টাইটাস্ এবং মেসালার
 প্রবেশ । উভয়েরই সামরিক পোষাক । টাইটাস্
 চিন্তিত । উভয়েরই বীরত্ব ব্যঞ্জক চেহারা
 কিন্তু মেসালার মুখে স্বার্থ-
 পরতা স্পষ্ট ।

মেসলা । টাইটাস্ !
 এতদিনে এসেছে সুদিন জন্মভূমে ।
 পেয়েছি আমরা তোমা সম বীর ।
 রণক্ষেত্রে তুমি প্রতিদ্বন্দ্বীহীন, দুর্জয়, দুর্জয় ।

প্রতিরোধ করিবে তোমারে,
 হেন শক্তি নাই কোন মাতৃগর্ভজাত মানবের ।
 আজ পদানত হয়েছে সম্রাট ।
 কাল হবে পদানত সমগ্র পৃথিবী ।
 রণধ্বনি শুনিয়া তোমার টলমল টলিবে মেদিনী ।
 ইঙ্গিতে তোমার
 ছুটিয়া চলিব মোরা দিকে দিকে ।
 কত জনপদ, কতবা নগর,
 কত রাজ্য, কত সাম্রাজ্যকে দলিয়া চরণে
 করিব তাহারে ক্রীতদাস আমাদের ।
 শুধু রোম,
 আর কেহ নয়,
 শুধু রোম হবে একমাত্র রাজধানী পৃথিবীর ।
 যেখানে যাহারা আছে,
 সকলেরে নিতে হবে রোমের নির্দেশ,
 তোমার নির্দেশ ।
 প্রিয় বন্ধু মোর, সৌভাগ্য আমার,
 নিজ হাতে সিংহাসনে বসাব তোমায় ।
 না, না, মেসলা !
 সিংহাসন চাহেনা টাইটাস্ ।
 কেন নয় ?
 নিজ ভূজ বলে গ্রহণ করিবে পৃথিবীরে ।

টাইটাস্ ।

মেসলা ।

কার শক্তি আছে বাধা দান করিতে তোমারে ?

যদি শক্তি থাকে,

যুদ্ধক্ষেত্রে হবে তার সমাধান ।

বীরভোগ্যা বসুন্ধরা ।

তোমা হেন বীর কে আছে ভূতলে ?

টাইটাস্ ।

না, না, মেসাল ।

ক্ৰটাসের পুত্র আমি ।

রাজদণ্ড ঘৃণা করি ।

ঘৃণা করি সিংহাসন ।

রাজপদে ঘৃণা ধর্ম মোর,

আজন্ম সংস্কার ।

জন্মাবধি আমি তাই ঘৃণা করি অত্যাচার দুর্বলের ।

মেসাল ।

একথা কহিছ কেন বন্ধুবর ?

অত্যাচার কেন বা করিবে ?

দুষ্টের দমন আর শিষ্টের পালন রাজধর্ম ।

রাজা যদি হয় অধার্মিক,

দুর্বলের অত্যাচার হয় রাজ্যে তার ।

তুমি নহ অধার্মিক ।

তুমি বীর ।

যেথা আছে যত অত্যাচারী,

তাহাদের করিয়া নিধন,

ধর্ম রাজ্য প্রতিষ্ঠা করিবে তুমি ।

টাইটাস্ । কাস্ত হও । আর আমি চাহিনা শুনিতে ।
 মেসালা ! সত্য যদি হও বন্ধু মোর,
 প্রলোভন দেখায়োনা মোরে ।
 শুন পুনর্ব্বার,
 জনক আমার শ্রায়-অবতার ক্রটাস্ ।
 পিতা মোর রোম হ'তে
 নির্ব্বাসিত করেছেন সিংহাসন চিরতরে ।
 স্পর্শ করি শ্রীচরণ তাঁর করেছি এ অঙ্গীকার,
 যতদিন রহিবে জীবন
 এনগরে সিংহাসন প্রতিষ্ঠা না হবে ।
 শুন পুনর্ব্বার ।
 ক্রটাসের পুত্র আমি ।
 সিংহাসন ঘৃণা করি, ঘৃণা করি ।

মেসালা । যোগ্য কথা কহিয়াছ ।
 ক্রটাসের যোগ্য পুত্র তুমি ।
 ক্রটাস্ মহৎ, ক্রটাস্ উদার ।
 কিন্তু সত্য কহ টাইটাস্,
 পিতা তব বসে নাই সিংহাসনে,
 কিন্তু তবু, সত্য কহ,
 নহে কি সে সম্রাট্ রোমের ?

টাইটাস্ । মেসালা ।
 মেসালা । জানি আমি বাক্য মোর অপ্রিয় কর্তোর ।

কিন্তু তবু বলি পুনর্ব্বার,
 পিতা তব দণ্ডহীন সম্রাট্ রোমের ।
 পিতা তব হর্ষা কর্তা বিধাতা রোমের ।
 পিতা তব এত শক্তি ধরে,
 রোমে কারো সাধ্য নাই
 বাধা দান করে তারে ক্ষণেকের তরে ।
 টাইটাস্ ! তুমি বীর ।
 রণক্ষেত্রে তুমি ধনঞ্জয় ।
 কিন্তু পিতা তব অদ্বিতীয় ।
 ক্রটাস্ স্থবির ।

কিন্তু তবু জানি,
 কার্য্যক্ষেত্রে
 রণে ভঙ্গ দিবে তার অঙ্গুলি তাড়নে ।
 শূন্যে উড়ে যাবে সব বীরত্ব তোমার ।

টাইটাস্ ।

মেসালা ! আমি নাই কাপুরুষ ।

মেসালা ।

প্রমাণ মিলিবে তার পরিষদে ।

টাইটাস্ ।

(অস্ত্রে হাত দিয়া শাসাইয়া) মেসালা !

মেসালা ।

আমিও প্রস্তুত । কর বধ ।

বহুবার জীবন করেছ দান রণক্ষেত্রে ।

জানি আমি, জীবন লভেছি বহুবার তবগুণে ।

তাই আমি জীবন করিব দান তোমার সেবায় ।

তোমার সেবায় সেবা হবে নগরের ।

যদি দিয়ে প্রাণ মোর
জাগ্রত করিতে পারি তোমার হৃদয়,
সার্থক জীবন তবে।

টাইটাস্ । মেসালা, তোমারে বন্ধু বলে জানি।
কিন্তু মনে হয়, ছদ্মবেশে শত্রু তুমি মোর।

মেসালা । আমি শত্রু তব ?
নিজ হাতে দিতে চাই সিংহাসন শত্রুরে আমার ?
টাইটাস্ ! আমি শত্রু নহি তব।
আমি শত্রু তব অন্তরের জড়তার।

যুদ্ধক্ষেত্রে টাইটাসের বিক্রমেরে পূজা করি,
পূজা করি বীরত্ব তাহার।
কিন্তু ঘৃণা করি তার
জড়তা, ক্লীবতা, অক্ষমতা অন্তরের।

টাইটাস্ । মেসালা !

মেসালা । যদি সত্য নাই হবে অভিযোগ মোর,
বল তবে টাইটাস্ !
রণক্ষেত্রে পরাক্রমে যার আতঙ্কিত ত্রিভুবন,
সে কেন কম্পিত পদে চলে পরিষদে ?
করিওনা অস্বীকার।

আশঙ্কা মনের
ফুটিয়া উঠেছে তব বদন মণ্ডলে।

টাইটাস্ । না, না, আশঙ্কা করি না আমি।

পিতা মোর শ্রায় পরায়ণ ।

বাহুবলে নিষ্কণ্টক করেছি নগর ।

সন্তানমণ্ডল অবশ্যই দিবে তার যোগ্য পুরস্কার ।

মেসলা । টাইটাস্ ।

ভুলিয়া গিয়াছ তুমি পিতা তব জুনিয়াস্ ক্রটাস্ ।

টাইটাস্ । মেসলা । পুনঃ পুনঃ পিতৃনিন্দা সহ নাহি হয় ।

মেসলা । নিন্দা আমি করিনা তাহার ।

ভুলিয়া গিয়াছ তুমি,

ক্রটাস্ মানুষ নহে, ক্রটাস্ দেবতা ।

অনুযোগ অভিযোগ মানুষের

মিথ্যা মনে করে দেবতা সকল ।

পিতা তব নহে এই পৃথিবীর ।

বোধ নাহি হয় কেন ভগবান্

রক্তমাংসে সৃজিলেন পাষণ দেবতা ।

রোমের ক্রটাস্ কর্তব্যে কঠোর,

কিন্তু পুরস্কার কভু নাহি চাহে ।

টাইটাস্ । নাহি হবে পুরস্কার !

কত শত্ৰুঘাত লভেছি শরীরে,

কত রক্ত নিজ দেহ হতে ঢালিয়াছি রণাঙ্গনে,

কত কত বার

মৃত্যু মুখে বিসর্জন করেছি নিজে ।

পুরস্কার নাহি কিছু তার ?

মেসাল। । না, না, না ।

তুমি দেখিবে অচিরে
কুটাসের অভিধানে কোন শব্দ নাই
পুরস্কার নামে ।

টাইটাস্ । কিন্তু সম্ভানমণ্ডল ?

মেসাল। । নিগ্রহ দেখিয়া তব করিবে উল্লাস ।

টাইটাস্ । তাই যদি হয়,
অকৃতজ্ঞ রোম তবে মিশিবে ধূলায় ।
শৃঙ্খল নিগ্রহ হ'তে উদ্ধার করেছি তারে বাহুবলে ।
পুনঃ তারে নিগৃহীত করিব নিগড়ে ।
কৃতজ্ঞতা জানে না যে জন,
বাহুবলে যেই জয় করিয়াছি লাভ,
সেই জয়ে নাহি তার কোনো অধিকার ।
ঘৃণিত সে,
শাস্তি তারে দিতে সমুচিত
যদি হয় প্রয়োজন,
আপনি বসিব আমি সিংহাসনে ।

মেসাল। । সাধু! সাধু!

টাইটাস্ । না, না, একি অনুচিত বাক্য মোর ।

মেসাল। । কভু নহে অনুচিত ।
যোগ্যপাত্রে পুরস্কার দিতে করি অস্বীকার
অনুচিত কার্য যদি করে সম্ভানমণ্ডল,

সমুচিত শাস্তি তবে অবশ্য লভিবে ।

যোদ্ধা মোরা,

শস্ত্র ধরি গ্রায় রক্ষা হেতু ।

গ্রায়ের লঙ্ঘন যদি কেহ করে

শস্ত্রাঘাত করা তারে ধর্ম আমাদের,

অনুচিত কভু নয় ।

টাইটাস্ ।

না, না, মেসাল্লা !

মিথ্যা ভয় করিতেছ তুমি ।

সন্তানমণ্ডল কভু নাহি হবে অনুদার ।

নগরের শ্রেষ্ঠ শ্রেষ্ঠ গুণবান্ রয়েছে মণ্ডলে

প্রাণ দিয়ে রক্ষা মোরা করেছি নগর ।

যথাযোগ্য পুরস্কার অবশ্য লভিব ।

অনুচিত যাচঞা নহে মোর ।

নাহি চাহি সিংহাসন,

নাহি চাহি ধনরত্ন নগরের ।

শুধু চাহি নগরের সৈন্তবল

সাহায্য করিবে মোরে দিগ্বিজয়ে ।

যোদ্ধা আমি ।

আকাজ্জ আমার,

পরীক্ষা করিব বাহুবল পৃথিবীর সাথে,

রণাঙ্গনে ডাকিব সকলে ।

একদিকে পৃথিবীর যত শস্ত্রধারী

সন্মিলিত হ'য়ে তারা করিবে সংগ্রাম,
 অশ্রুদিকে একাকী রহিব আমি ।
 আকাজক্ষা আমার,
 ভ্রমিব একাকী শত্রু বাহু মাঝে ।
 আসিবে ঘিরিয়া মোরে শত্রুসৈন্য অন্ধকার,
 দিকে দিকে অস্ত্র চমকিবে,
 দিকে দিকে আর্তনাদে কাঁপিবে হৃদয়,
 মুহুমুহু হবে রণধ্বনি,
 তারণর চূর্ণ করি অন্ধকার
 ছুটিব একাকী আমি বজ্রসম কঠিন, কঠোর ।
 সিংহাসন চাহে না টাইটাস্ ।
 টাইটাস্ চাহে রণ, চাহে যুদ্ধ,
 চাহে নিত্য অক্লান্ত সংগ্রাম,
 চাহে শুধু দিগ্বিজয় বাহুবলে ।
 জানি আমি কি চাহে টাইটাস্ ।
 তাই তুমি গুরু মোর ।
 আমি শিষ্য তব ।
 কিন্তু বীরবর !
 দিগ্বিজয়ী বীর চাহেনা নগর ।
 সম্তানমণ্ডলে আছে প্রতিনিধি একশত ।
 কেহ নহে তুল্য ক্রটাসের ।
 কেহ নহে তুল্য তব,

মেসলা ।

কেহ নহে তুল্য এই মেসালার ।
 তবু তাহাদের স্পর্ধা এতদূর,
 ক্রকুটিতে শাসন করিতে চাহে আমাদের ।
 সত্য বটে, পিতা তব নির্বাসিত করেছে সম্রাট
 কিন্তু তার শৃঙ্খল সিংহাসনে
 বসায়েছে ক্ষুদ্র ক্ষুদ্র শত পিপীলিকা ।
 ক্ষুদ্র ক্ষুদ্র দংশনে তাদের
 জ্বলিছে নগর অহর্নিশ ।
 এই শত নাগরিক যোগ্যতাবিহীন,
 কিন্তু তবু উৎপীড়ক রাজার সমান ।
 জনমতে করে লভি গুরুপদ
 জনমত করে অবহেলা,
 এত স্পর্ধা তাহাদের ।
 সুতরাং চাহে না নগর দিগ্বিজয়ী বীর ।
 ভয় করে নাগরিক,
 গৃহে ফিরি দিগ্বিজয়ী বীর
 কর্ণে করি আকর্ষণ বুঝাবে তাহারে
 শ্রেষ্ঠপদ লভিবার যোগ্য কেবা হয় ।
 তাহ'লে উপায় ?
 বাহুবল ।
 বাহুবলে কেড়ে লও স্নাত্য অধিকার ।
 না, না, পিতাসহ চাহি না বিরোধ ।

টাইটাস্ ।

মেসালার ।

টাইটাস্ ।

মেসালা ।

বেশ ! আছে এক পথ আর ।

মণ্ডলের অধিপতি হ'লে ,

ক্রমে ক্রমে করাব সকলে বশতা স্বীকার ।

কর তুমি আবেদন সম্মানমণ্ডলে,

মণ্ডলের অধিপতি করিবে তোমারে ।

টাইটাস্ ।

অসম্ভব তাহা । পিতা মোর অধিপতি নিজে ।

মেসালা ।

দুইজন আছে অধিপতি ।

বিধি অনুসারে উভয়ের তুল্য অধিকার ।

ভ্যালেরিয়াস্ বৃদ্ধ ।

বিশ্রাম করুক লাভ ।

তার পদে তোমারে বসাক্ ।

তোমা হতে যোগ্যতর কে আছে নগরে ?

টাইটাস্ ।

সত্য কহিয়াছ ।

অসঙ্গত নহে এই নিবেদন ।

বাহুবলে যাহাদের রেখেছি জীবন

তাহাদের অধিপতি পদে যোগ্য আমি সুনিশ্চয় ।

চল পরিষদে ।

মেসালা ।

প্রস্তুত রয়েছি আমি ।

কিন্তু শুন মোর নিবেদন,

সঙ্গে লব ক্ষুদ্র সৈন্যদল ।

এই সব প্রতিনিধিগণ তর্কচূড়ামণি

বিনা শঙ্কবল আর কোন যুক্তি নাহি মানে ।

টাইটাস্ । তুমি বন্ধু মোর ।

যথা ইচ্ছা কর ।

মেসলা । চল তবে ।

উভয়ের প্রস্থান এবং য্যারান্‌স্ ও য্যাল্বিনাসের প্রবেশ ।

য্যারান্‌স্ । য্যাল্বিনাস্ !

ঘটনাপ্রবাহ তবে প্রতিকূল নহে মোর ।

ক্রটাস্ মহৎ ।

কিন্তু ক্রটাস্ সকলে নহে ।

রোম নগরেও হিংসা আছে, দ্বেষ আছে,
আছে ভয় ।

উচ্চাকাঙ্ক্ষা কাহারও আছে সুনিশ্চয় ।

সংবাদ তাহার কৌশলে আনিতে হবে ।

ছদ্মবেশে মিশে যাও নাগরিক সাথে ।

মোর মনে হয় পরিষদে মিলিবে সঙ্কান ।

যাও ত্বর করি ।

অমূল্য সুযোগ যেন নষ্ট নাহি হয় ।

য্যাল্বিনাস্ । বন্ধু, বৃথা কেন সর্বনাশ চাহিছ রোমের ?

বহুদিন পর স্বাধীন হয়েছে রোম,

নির্বাসিত করেছে তাহারে

এখনও করি মোরা যার দাসত্ব স্বীকার ।

টাস্কানী স্বাধীন নয় ।

নৃপতি মোদের সম্রাটের ক্রীতদাস ।

একমাত্র রোম হয়েছে স্বাধীন ।
 বীর্য্য দেখি তার গর্ব্ব হয় মনে ।
 য়ারান্‌স্ । য়াল্‌বিনাস্ ! সেই বীর্য্য দেখি
 গর্ব্ব নাহি হয়,
 শুধু ভয় হয় মনে মোর ।
 এ মহানগর এতদিন ছিল অচেতন ।
 চতুর সম্রাট্‌ তুলায়ে রাখিল তারে মায়া জালে ।
 কিন্তু আজ দেখ জাগ্রত নগর ।
 যোগ্যতম জন কর্ণধার তার ।
 পুত্র তার সিংহসম বীর ।
 মোর ভয় হয়,
 অচিরেই রোম নাগরিক
 চলিবে বাহিরে দিগ্বিজয়ে,
 তোমারে আমারে বাঁধিয়া আনিবে রোমে
 ক্রৌতদাস বেশে ।
 জানি মোরা এখনও পরাধীন ।
 কিন্তু বন্ধু মোর, এখন মোদের প্রভু শুধু একজন ।
 যদি রোম কভু হয় প্রভু টাঙ্কানীর,
 প্রতি রোম নাগরিক
 দুর্ব্বহ করিবে নিত্যদিন মোদের জীবন ।
 হীনতম নাগরিক এই নগরের,
 পথে, ঘাটে, সর্ব্বদিকে, সর্ব্ব কাজে,

জর্জরিত করিবে মোদের বৃশ্চিক দংশনে ।
 ক্ষুদ্র ক্ষুদ্র স্বার্থাঙ্কের হীন অত্যাচারে
 হীনবৃন্তি করিব আশ্রয় আমরা সকলে ।
 তার চেয়ে মৃত্যু ভাল ।
 আরো ভাল শত্রুর নিপাত ।
 স্বাধীনতা আমি ভালবাসি ।
 কিন্তু যেই স্বাধীনতা আমারে করিবে গ্রাস
 ভাল আমি বাসিনা তাহারে ।
 এখনো সময় আছে ।
 যেই বৃক্ষ ধারণ করিবে বিষফল
 অঙ্কুরে তাহারে আমি করিব উচ্ছেদ ।
 যাও ত্বর করি ।
 কিন্তু সাবধান !
 সঙ্কোপনে লইবে সংবাদ ।
 সুপ্ত রজনীতে আসিও আলয়ে ।

তৃতীয় দৃশ্য

স্থান—প্রতিভুমণ্ডলের সভাগৃহ । দৃশ্যাদি পূর্ববৎ ।

সময়—অব্যবহিত পরে ।

(প্রতিভূগণ এবং অধিপতিদ্বয় আসনে উপবিষ্ট । এক পার্শ্বে
বিষন্ন বদনে টাইবেরিয়াস্ দণ্ডায়মান ।)

ক্রটাস্ ।

ভ্যালেরিয়াস্ !

নির্দিষ্ট সময় হয়েছে কি গত ?

ভ্যালেরিয়াস্ ।

ধৈর্য্য ধর, বন্ধুবর ।

এখনি আসিবে পুত্র তব ।

বীরপুত্র তব এসেছে নগরে ।

জয়োল্লাসে নাগরিকগণ

নিশ্চয় রুধিছে পথ টাইটাসের ।

ক্রটাস্ ।

আমি জানি,

জয়োল্লাসে তারা করিতেছে আলিঙ্গন

পুত্রে মোর । ধন্য আমি ।

বন্ধুগণ, আশীর্বাদ করি

যেন গৃহে গৃহে রোমের জননী

জন্ম দেন মোর পুত্র সম বীর ।

তোমরাও আশীর্বাদ কর মোরে
যেন হেন পুত্রে দিতে পারি কার্য্যভার
অন্তিম শয়নে ।
দেহরক্ষীগণ !
দেখ পুত্র মোর আর কত দূরে ।

কতিপয় দেহরক্ষীর গ্রহান ।

জনৈক প্রতিভু । (হাতে পুষ্পমালা লইয়া)

ক্ৰটাস্ !

পুত্র তব পুত্র আমাদের সকলের ।

পুত্র সে রোমের ।

ক্ৰটাস্ ।

বন্ধুগণ ! ক্ৰটাস্ও রোমের ।

যাহা কিছু আছে ক্ৰটাসের, সকলই রোমের ।

ক্ৰটাস্ দেহের অহুপরমাণু,

প্রতি রক্তবিন্দু,

মিশে যেতে চায় পথের ধূলায় এই নগরের ।

সকলে ।

সাধু ! সাধু !

প্রতিভু ।

বন্ধুবর !

ক্ৰটাসের পুত্র,

রোম জননীর শ্রেষ্ঠ বীরপুত্র,

শত্রু জিনি এসেছে নগরে ।

তাই অভিলাষ আমাদের সকলের

নগরের শ্রেষ্ঠ পুরস্কার দান করি তারে ।

ক্রটাস্ ।

প্রতিভু ।

পুরস্কার ! কি সে পুরস্কার ?

ক্রটাস্ ! ধৈর্য্য ধর ক্ষণকাল ।

নহে ধন, নহে রত্ন, নহে সিংহাসন ।

জানি মোরা,

পৃথিবীর সর্বশ্রেষ্ঠ মানবের পুত্র,

রোমনগরের সর্বশ্রেষ্ঠ বীর যে সন্তান,

পুরস্কার উপযুক্ত তার নাহি এ ভূতলে ।

তাই আজ সন্তানমণ্ডল করেছে বিধান,

আজ হ'তে, এমহানগরে,

জননীর বরমাল্য শ্রেষ্ঠ পুরস্কার সন্তানের ।

ক্রটাস্ ।

জননীর বরমাল্য !

ধন্য পুত্র মোর ।

প্রিয় বন্ধু মোর, বরমাল্য দাও মোরে ।

নিজ হাতে বরমাল্য দান করি তারে

দিব আলিঙ্গন ।

ধন্য আমি, হেন পুত্র মোর ।

ক্রটাস্ বরমাল্য হাতে লইল । এমন সময়

দ্বারদেশে কোলাহল ।

একি কোলাহল ?

দেহরক্ষীগণ ! কেন কোলাহল ?

দেহরক্ষীগণের প্রস্থান। দ্বারদেশে অধিকতর কোলাহল। দেহরক্ষীগণের
কণ্ঠে “ক্ষান্ত হও টাইটাস্। মেসাল্লা সাবধান!” ইত্যাদি এবং
সৈন্যগণের কণ্ঠে “জয় টাইটাসের জয়!” মুক্ত অসি হস্তে
মেসাল্লা এবং কতিপয় সৈন্যর প্রবেশ। পশ্চাতে
ধীরপদক্ষেপে টাইটাসের প্রবেশ।

ক্রেটাস । অবিশ্বাস করিছে নয়ন ।

একি পুত্র মোর ?

পুত্র ! টাইটাস !

টাইটাস । পিতা !

ক্রেটাস । না, না, তুমি মোর পুত্র নহ ।

টাইটাস । পিতা ।

কুটাস্ । স্তব্ধ হোক জিহ্বা তব, উদ্ভত সৈনিক ।

তুমি নহ পুত্র মোর ।

টাইটাস। পিতা ! আমি পুত্র তব ।

আমি টাইটাস ।

କ୍ରଟାସ୍ । ମିଥ୍ୟାକଥା । ପୁତ୍ର ମମ ବୀର ।

কাপুরুষ নহে পুত্র মোর ।

নহে শীন ।

অপবিত্র করে না সে মন্দির প্রাঙ্গণ

তরবারি আত্মকালনে ।

ক্রেটাসের পুত্র কভু পারে না করিতে অপমান

নগরের সর্বশ্রেষ্ঠ পাঠস্থান এই বেদীমূল।

আমি জানি, তুমি নহ পুত্র মোর ।

ভ্যালেরিয়াস্ !

ছদ্মবেশে এসেছে নগরে শত্রুচর ।

শৃঙ্খলিত কর এরে কারাগারে ।

রোমবাসীগণ ! পুত্র ব'লে করি না স্বীকার ।

ছদ্মবেশী শত্রু অমুচর

অবিলম্বে স্বীয়রূপ করিবে প্রকাশ

জননীয়ে করি পদাঘাত ।

এখনো সময় আছে ।

শৃঙ্খলিত করিয়া ইহারে

রুদ্ধকর কারাগারে ।

টাইবেরিয়াস্ । (তরবারি খুলিয়া)

দেহরক্ষীগণ !

পিতার আদেশ, রোমের আদেশ,

বন্দী কর সকলেরে ।

মেসলা । সাবধান রোমবাসীগণ ।

প্রাঙ্গণে রয়েছে মোর সহস্র সৈনিক ।

যদি হয় প্রয়োজন,

রক্তপাতে নাহি হব পরাধীন ।

জনৈক প্রতিভু । মেসলা ! এত হীন তুমি ?

অবরোধ করিয়াছ মুক্তির মন্দির ?

মেসলা । সাবধান নাগরিক !

হীন কভু নয় রোমের সৈনিক ।
হীন তুমি । হীন এই সন্তানমণ্ডল ।

ক্রটাস্ । মেসলা । যদি থাকে প্রাণভয়
এখনো সংযত কর রসনা-তোমার ।
ঈকুটিতে ভয় নাই ক্রটাসের ।

মেসলা । মহাশয়, জানি আমি তুমি বীর ।
একদিন ছিলে তুমি প্রধান সৈনিক ।

কিন্তু তুমি দাও সহুত্তর,
আজ যারা রণক্ষেত্রে
অকাতরে ঢালিতেছে বক্ষের শোণিত,
তাহারা কি কেহ নয় ?
আমরা সৈনিক ।

আমাদের অধিকার শুধু মরিবার ?
বৃহত্তর জীবনে মোদের নাই কোন অধিকার ?
যন্ত্র নহি মোরা, নহি মোরা নির্জীব প্রস্তর ।

আমাদেরও আশা আছে, ইচ্ছা আছে,
আছে ক্ষুধা, আছে তৃষ্ণা,
উর্দ্ধ হ'তে উর্দ্ধে চলিবার উচ্চাকাঙ্ক্ষা আছে ।

জানি আমি যুদ্ধক্ষম নহে এই সন্তানমণ্ডল ।
কিন্তু তারে রক্ষা করিবারে

প্রাণ যারা দেয় যুদ্ধক্ষেত্রে অকাতরে,
উপযুক্ত পুরস্কার তাহাদের কেন নাই দিবে ?

ক্রটাস্ ।

হায় রোম !

জননীয়ে করি সেবা চাহে পুরস্কার

অভাগা সন্তান ।

জননীর বরমালা চাহেনা কিঙ্কর ।

(মাল্য ছিন্ন করিয়া)

পদসেবা যাঁর ধম্মাচার,

শিরে ধরি তাঁর অর্থলোভী অহুচর

ক্রকুটিতে পুরস্কার চাহে ।

ওরে অপবিত্র নাগরিক !

তোমাদের উপযুক্ত পুরস্কার যত্নদণ্ড, যত্নদণ্ড ।

টাইটাস্ ।

পিতা ! বিনা অপরাধে যদি দণ্ড আজ্ঞা কর,

আত্মরক্ষা করিব নিশ্চয় ।

ক্রটাস্ ।

হাঃ হাঃ হাঃ হাঃ !

শুন রোম, বীরপুত্র তব কত বীর্য্য ধরে ।

নিরস্ত্র ক্রটাস্, নিরস্ত্র এ সন্তানমণ্ডল ।

বেষ্টিত করিয়া তারে সহস্র সৈনিকে

অসি হস্তে পুত্র মোর আত্মরক্ষা করে ।

আরে কাপুরুষ !

নিরস্ত্রকে অস্ত্রাঘাত বীরধর্ম্ম নহে ।

টাইটাস্ ।

নাগরিকগণ ! সন্তানমণ্ডল !

বৃদ্ধপিতা মোর উত্তেজিত ।

ধৈর্য্য ধরি ক্ষণকাল শুন মোরে ।

সিংহাসন চাহেনা টাইটাস,
 চাহেনা সে ধনরত্ন নগরের ।
 কিন্তু টাইটাস প্রমাণ করিতে চাহে
 পৃথিবীর কাছে,
 প্রতি নাগরিক এই নগরের
 পৃথিবীর ধনরত্নে শ্রেষ্ঠ অধিকারী ।

কতিপয় প্রতিভু । সাধু ! সাধু !

ক্রটাস্ । স্তব্ধ হও সন্তানমণ্ডল ।

বাহুবল নহে শ্রেষ্ঠবল মানবের ।

পরধন করিতে লুণ্ঠন কাহারও নাহি অধিকার ।

(অক্ষুট প্রতিবাদ ।)

টাইটাস্ । সন্তানমণ্ডল ! জানি আমি,

শ্রেষ্ঠজ্ঞানী তোমরা সকলে ।

প্রণম্য তোমরা আমাদের সকলের ।

অবধান কর মহাশয়গণ,

ক্ষুদ্র এই রোম,

বৃহত্তর কস্মিক্ষেত্রে নাহি হ'লে প্রতিষ্ঠা ইহার

কতদিন রহিবে স্বাধীন ?

ক্ষুদ্র রোম কত শক্তি ধরে ?

কোথা অর্থবল, জনবল, শস্ত্রবল ?

তাই বলি বন্ধুগণ, দাও মোরে রোমের সৈনিক ।

প্রতিজ্ঞা আমার,

বাহু বলে পরাজিত করিব মেদিনী ।
লুণ্ঠন করিয়া টাঙ্কানীর বিপুল ভাণ্ডার
সমৃদ্ধ করিব আমি জননীরে ।
সমুদয় ইতালীয়ে করি পদানত
শত্রুহীন করিব প্রদেশ চতুর্দিকে ।
যদি কর অমুমতি,
অক্লেশে করিব জয় গ্যালিয়া, ব্রিটেন্ ।
অস্ত্রবলে বাঁধিয়া রাখিব গ্রীস্,
সমুদ্রের পরপারে অগণিত রাজ্য করি জয়
বাণিজ্যের করিব প্রসার ।

মোর বাহুবলে
ঘরে ঘরে প্রতি রোম নাগরিক
ধনে মানে শ্রেষ্ঠ হবে পৃথিবীর ।

অনেকে ।

সাধু ! সাধু !

জয় ! টাইটাসের জয় !

জনৈক প্রতিভু । ক্রটাস্ ! পুত্র তব অশোভন কথা নাহি কহে ।

নিজ স্বার্থ নয়,

অস্ত্রবলে সেবিতো চাহে সে জননীরে ।

আজ মোরা বলীয়ান্ অস্ত্রবলে ।

অস্ত্রবলে সবারে করিব পরাজয় ।

কেন নয় ?

দিতে পারে রোম পৃথিবীয়ে

শিক্ষা, দীক্ষা, ভাষা, নীতি ।

মাতৃভাষা করিয়া প্রচার দিকে দিকে
উচ্চতর জীবনের দিতে পারি পরিচয় ।

কেন নয় ?

যথা আছে অসভ্য বর্বর,
ধর্মনীতি দিয়ে তারে মানুষ করিতে পারি ।
রাজনীতি, অর্থনীতি করি শিক্ষাদান
উন্নত করিতে পারি তাহাদের,
পতিত যাহারা আছে ।

সকলে সমান নহে ।

মোর মনে হয়, যাহারা দুর্বল,
রোমের অধীনে নিরাপদে তারা
উচ্চতর জীবনের লভিবে আশ্বাদ ।

বন্ধুগণ ! অন্তায় দেখি না কিছু এ প্রস্তাবে ।

অপর প্রতিভু । ক্রটাস্ ! আমরাও দেখি না অন্তায় ।

ক্রটাস্ । অন্ধ তুমি রোম ।

দৃষ্টি তব সীমাবদ্ধ স্বার্থ অন্বেষণে ।

একদিনে হায় !

শত বরষের গ্লানি কভু মুছে নাহি যায় ।

শত বর্ষ ধরে,

পদানত রহিয়া রাজার,

ক্ষুদ্র ক্ষুদ্র স্বার্থ বিনিময়ে

উপেক্ষা করেছ তুমি বৃহত্তরে ।
 লুপ্তিত হয়েছে দেশ,
 কিন্তু তুমি দেশবাসী দুর্ব্বলেরে করিয়া লুপ্তন
 আশ্রয় করেছ লাভ রাজদণ্ড ছায়াতলে ।
 শত বর্ষ ধরে দুর্নীতিরে করিয়া আশ্রয়
 ভেবেছ লুপ্তন ধর্ম্ম প্রবলের ।
 তাই আজ অস্ত্রবলে হ'য়ে বলীয়ান
 চলেছ বাহিরে তক্ষরের বেশে ।
 শত বর্ষ ধরে
 সহ করেছ যারে হীনতায় দাসত্বের,
 আজ তাহা ফিরায়ে চাহিছ দিতে পৃথিবীরে ।
 শত বর্ষ ধরে
 যেই পদাঘাত গ্রহণ করেছ শিরে,
 শস্ত্র বলে হ'য়ে বলীয়ান
 সেই পদাঘাত ফিরায়ে চাহিছ দিতে সর্ব্ব মানবেরে ।
 অন্ধ তুমি রোম ।
 কাহারে করিবে তুমি জয় ?
 ভুলে কি গিয়েছ তুমি,
 তাহারও দেহে রক্ত মাংস আছে,
 আছে হিংসা, আছে ঘৃণা, আছে ক্রোধ,
 আছে ঘৃণা ?
 তাহারো হৃদয়ে আছে অভিমান,

অন্তরে তাহারো জ্বলে হিংসা অগ্নি ছুর্ণিবার,
 যেমন জলিয়াছিল ক্রটাসের প্রাণে,
 বহিয়া চরণে নিষ্ঠুর শৃঙ্খল দাসত্বের ।

রোম ! তুমি দৃষ্টিহীন ।

এমন কি আছে কেহ দীনহীন,

স্বাধীনতা হীনতায়,

জীবন লভিতে চায় ?

নাহি, নাহি ।

লোকালয়ে নাহি নর,

অরণ্যেতে জন্তু নাহি এত হীন ।

রোম নাগরিক !

দপিত সেনানী যবে মথিয়া চলিবে পথ,

প্রতি জনপদে রুধিবে তোমারে

ক্রটাসের সম বীর ।

আরে অন্ধ নাগরিক !

আমি সীমাহীন, মৃত্যুহীন ।

নিশ্বাসে আমার লভিবে জনম শত শত বীর

যখন যেখানে লাঞ্ছনা দেখিব দুর্ব্বলের

আবার আসিব ফিরে,

পুনঃ পুনঃ লভিব জীবন হিংসানলে ।

দীর্ঘশ্বাসে মোর শুষ্ক হবে বনভূমি,

ধ্বংস হবে নগর প্রাচীর ।

তারপর একদিন,
ভস্ম হ'য়ে গর্ব তোর মিশিবে ধূলায় ।
হানো অস্ত্র বক্ষে মোর,
কেবা আছ দিগ্বিজয়ী বীর ।
আমি প্রতিনিধি দুর্বলের ।
পৃথিবীতে যত আছে অসভ্য বর্বর
আমি তার প্রতিনিধি ।
আমি প্রতিনিধি সর্বমানবের ।

ভ্যালেরিয়াস্ । সন্তানমণ্ডল !
দিগ্বিজয়ে যদি থাকে অভিনাষ
হও অগ্রসর । ক্রটাস্ প্রস্তুত ।

সকলে নীরব ।

মেসলা । মহাশয়, পরাজয় করিহু স্বীকার ।
কিন্তু আছে নিবেদন এক ।
টাইটাস্ মহাবীর ।
বাহুবলে তার শত্রু পরাজিত ।
উপযুক্ত পুরস্কার দান কর তারে ।

ভ্যালেরিয়াস্ । কি সে পুরস্কার ?

মেসলা । মহাশয় ! মণ্ডলের অধিপতি কর তারে

ভ্যালেরিয়াস্ । অধিপতি ? অধিপতি মাত্র ছুইজন ।

মেসলা । জানি আমি মহাশয় ।

যোগ্যতম জনে দাও সেই পদ ।

ভ্যালেরিয়াস্ । সন্তান মণ্ডল !

বিধি মতে অধিপতি মাত্র দুইজন ।

বৃদ্ধ আমি । বিশ্রামের আছে প্রয়োজন ।

অনুমতি কর মহাশয়গণ !

ক্ৰটাসের পুত্র মহাবীর ।

যোগ্যতর জন কেবা আছে এনগরে ?

অনুমতি কর, বিশ্রাম করিব লাভ ।

অধিপতি পদে অভিষেক কর তারে ।

ক্ৰটাস্

ক্লান্ত হও নাগরিকগণ !

পদত্যাগ যদি করে বন্ধু মোর,

পদত্যাগ করিব আপনি ।

জনৈক প্রতিভু । ক্ৰটাস্ ! নিজ বাহুবলে নিৰ্বাসিত করিয়া রাজারে ।

স্বাধীন করেছে রোম ।

পুত্রতব বাহুবলে রক্ষা করে নগর তোরণ ।

তোমরা উভয়ে যোগ্যতম এনগরে ।

পার্শ্বে ল'য়ে বীর পুত্রে তব

রক্ষা কর রোমের প্রাচীর ।

সন্তানমণ্ডল, অনুমতি কর সবে ।

ক্ৰটাস্ ।

কভু নহে । এই উচ্চাসন নহে সিংহাসন ।

পিতাপুত্রে একসঙ্গে কভু না বসিবে ।

রোমবাসীগণ, সাবধান করি পুনর্বার !

ভৃত্যেরে দিও না জয় গান ।

জানি আমি টাইটাস্ মহাবীর ।
 কিন্তু রণক্ষেত্রে জিনিয়া শত্রুরে
 কর্তব্য করেছে শুধু ।
 জননীর সেবা করিবার অধিকার
 যোগ্য পুরস্কার সন্তানের ।
 যুদ্ধক্ষেত্রে তারে সর্বশ্রেষ্ঠ পদ করিয়া অর্পণ
 পুরস্কৃত করেছে তাহারে ।
 শ্রেষ্ঠপদে নাহি তার জন্মগত অধিকার ।
 জনমতে পুত্র মোর রোম সেনাপতি,
 জন্মগত অধিকারে নহে ।
 ভৃত্য সে রোমের,
 রোম তার ভৃত্য নহে ।
 যোগ্যতা তাহার জনমত করিবে বিচার ।
 যদি জনমতে পুত্র মোর যোগ্যতম হয়,
 রণক্ষেত্রে পুনর্ব্বার হবে সেনাপতি ।
 এই তার যোগ্য পুরস্কার ।
 যোগ্যতম যদি নাহি হয়, পদচ্যুত করিব তাহারে ।
 টাইটাস্ । পিতা !
 ক্রটাস্ । স্তব্ধ হও উদ্ধত সৈনিক ।
 নহি পিতা, নহি পুত্র আমি ।
 আমি শুধু রোম নাগরিক ।
 মেসাল্লা । ক্রটাস্ ! জনমত যদি চাহে পুত্রে তব

অধিপতি পদে,

অশোভন হবে না নিশ্চয় ।

ক্ৰটাস্ ।

অবশ্য তা অশোভন ।

ভবিষ্যতে অমঙ্গল হবে নগরের ।

পিতা যদি হয় বলবান্

ভবিষ্যতে গুণহীন পুত্র তার ভাবিবে নিশ্চয়,

শ্রেষ্ঠপদে আছে তার জন্মগত অধিকার ।

ভবিষ্যতে নাগরিক বলিবে নিশ্চয়

ক্ৰটাসের বলে হ'য়ে বলীয়ান্

পুত্র তার বসেছিল উচ্চাসনে ।

টাইটাস্ ।

পিতা ! সন্তানমণ্ডল স্বেচ্ছাতে তাহার

দিতে চাহে শ্রেষ্ঠপদ মোরে ।

শুধু তুমি কর প্রতিরোধ ।

অসন্তুষ্ট মনে হয় মোর,

পিতা হ'য়ে হিংসা কর প্রতিষ্ঠা পুত্রের ?

ক্ৰটাস্ ।

আঃ রে নিস্ক্রম ভগবান্ !

ধ্বংস কর পৃথিবীরে ।

স্বার্থ লোভে পাপ কামা যার

হেন নরাধম সন্তানের মৃত্যু ভাল ।

আরে নীতিহীন কুলাঙ্গার !

লহ অভিশাপ ক্ৰটাসের ।

মেসাল্ ।

সাবধান মহাশয় !

- এক পদ হ'লে অগ্রসর
বাহুবলে পরিষদ মিশাব ধুলায় ।
ক্রটাস্ । আঃ রে নিষ্ঠুর সম্ভান !
পরীক্ষা করিতে চাহ বাহুবল জনকের ?
রোম ! তুমি চক্ষু মেলি চাহ ।
আরে মর্ম্মর দেবতা ! তুমি জেগে ওঠ ।
শক্তি দাও বৃদ্ধ ক্রটাসেসেরে ।
কে আছ কোথায় ? অস্ত্র দাও ।
অস্ত্র দাও মোরে ।
টাইটাস্ । পিতা ! পিতা !
ক্ষম অপরাধ । অনুতপ্ত আমি । (নতজানু হইল)
ক্রটাস্ । অনুতপ্ত যদি, ক্ষমা চাহ নগরের ।
টাইটাস্ । নাগরিকগণ ! ক্ষম অপরাধ টাইটাসের ।
ভ্যালেরিয়াস্ । বন্ধুবর, ক্ষমা কর পুত্রে তব ।
ক্রটাস্ । দেহরক্ষীগণ ! আঞ্জা কর সৈন্যগণে,
অবিলম্বে করিবে গ্রন্থান শিবিরে তাদের ।
বলিও তাদের, রোমের আদেশ,
যদি কেহ পুনর্ব্বার জয়ধ্বনি করে টাইটাসের,
শাস্তি তার মৃত্যুদণ্ড ।

মেসালি অস্ত্রে হাত দিল ।

মেসালি !

মেসাল! ভীত হইয়া অভিবাদন করিয়া সৈন্তগণসহ প্রস্থান করিল।

সঙ্গে সঙ্গে অন্ত্যস্ত সকলের প্রস্থান। ক্রটাস্ টাইটাসের

হাত ধরিয়া তাহাকে উঠাইল।

ক্রটাস্।

প্রিয় পুত্র মোর।

বীরছে তোমার গর্বিত ক্রটাস্।

প্রতিষ্ঠা তোমার হৃদয়ের কাম্য মোর।

কিন্তু আমি ঘৃণা করি স্বার্থ অন্বেষণ।

টাইটাস্।

ক্ষমা কর মোরে।

ক্রটাস্।

গৃহে নিয়ে চল মোরে। বৃদ্ধ আমি।

উপযুক্ত পুত্র তুমি মোর।

অভিলাষ মনে,

বাঁচিয়া রহিব আমি সন্তানে আমার।

টাইটাস্।

পিতা! ক্ষম অপরাধ।

ক্রটাস্।

হাত ধ'রে নিয়ে চল মোরে।

ক্রটাস্ স্থবির।

বীরপুত্র তুমি তার, একান্ত সম্বল।

গৃহে নিয়ে চল মোরে।

তৃতীয় অঙ্ক

প্রথম দৃশ্য

স্থান—ক্ৰটাসের গৃহের অভ্যন্তরে একটি বড় হলঘর। একটি বাহিরে যাইবার
এবং একটি ভিতরে যাইবার দরজা। এক পার্শ্বে একটি ভারি
পাথরের টেবিল ও চেয়ার। ইহা ছাড়া অন্য কোন
আসবাবপত্র নাই। মধ্যস্থলে একটি রণ-
দেবতার বেদী। বেদীর মধ্যস্থলে
ধূপদানীতে ধূপ।

সময়—পরদিন সায়াহ্ন।

চিন্তিতভাবে য়ারান্‌স্ ও য়্যাল্‌বিনাসের প্রবেশ।

য়্যারান্‌স্। য়্যাল্‌বিনাস্ ! ব্যর্থ হ'ল অভিযান।
বিশ্বাস করিতে নাহি পারি
নগরের অধিপতি এত শক্তি ধরে।
ধন রত্ন, দাস দাসী দিতে চাহি অকাতরে,
তথাপি না মিলিল সন্ধান,
সমগ্র নগরে,
হেন মানুষের,
ক্ৰটাসেরে করিবে যে প্রতিরোধ ;
অথবা গোপনে

সমর্পণ করিবে আমারে নগর তৌরণ ।
 একদিনে দেবতা কি হয়েছে সকলে ?
 কভু নয় ।
 অর্থলোভী, পদলোভী নাগরিক আছে সুনিশ্চয়
 কিন্তু তারা ভয়ে মরে নিশিদিন ।
 য়াল্‌বিনাস্ ! এই ভয় নহে সাধারণ ।
 নগর বাহিরে জনগণ ভয় করে রাজদণ্ড ।
 জানি মোরা রাজদণ্ড ব্যক্তিগত স্বার্থে প্রতিষ্ঠিত ।
 স্বার্থ যেথা বলবান্
 ষড়যন্ত্র সম্ভবে সেথায় ।
 কিন্তু এই নগর ভিতরে
 প্রতিষ্ঠিত করেছে ক্রটাস্ গণরাষ্ট্র ।
 অপূর্ব এ সৃষ্টি ক্রটাসের ।
 স্বার্থ অন্বেষণ নহে শুধু অপরাধ এ নগরে,
 চরিত্রের বলে ক্রটাসের
 পাপ ব'লে গণ্য তারে করিছে সকলে ।
 তাই রোমে পিতা করে ভয় পুত্রের তাহার,
 ভ্রাতা করে ভয় সহোদর ভ্রাতা,
 বন্ধু ডরে বন্ধুরে তাহার ।
 দেবতার মত ভয় করে রোম ক্রটাসেরে ।
 তাই প্রতি নাগরিক,
 আপনার গৃহকোণে,

ভয় করে কামচর আত্মারে নিজের ।
 দেবতার ভয়ে নিগৃহীত করিছে আত্মারে নাগরিক
 যেহেতু সম্মুখে তার,
 অস্ত্র ধরি,
 নিগৃহীত করিছে ক্রটাস্ উচ্চাকাঙ্ক্ষা সম্ভানের ।
 বিশ্বাস করিতে নারি চক্ষুরে আমার !
 ব্যর্থ হ'ল । ব্যর্থ হ'ল সকল মন্ত্রণা ।

সম্ভরণে ক্যাটালিনাসের প্রবেশ ।

কে ? কে তুমি ?

ক্যাটালিনাস্ । (মুখে আঙ্গুল দিয়া সাবধান হইবার ইঙ্গিত
 করিয়া)

রাজদূত ! আমি জানি কেন তুমি এসেছ নগরে ।

য্যারান্স্ । আশ্চর্য্য আছে কি কিছু ?

সকলেই জানে নগরে এসেছি আমি

সঙ্গে ল'য়ে সন্ধির প্রস্তাব ।

ক্যাটালিনাস্ । কিন্তু চক্ষু আছে যার জানে সেইজন,
 নগর তোরণ চাহে টাঙ্কানীর দূত ।

য্যারান্স্ । এ-এ—একি অসম্ভব কথা কহ নাগরিক ?

আমি রাজদূত । .

সম্মানে রেখেছে আমারে নিজ গৃহে

অধিপতি নিজে ।

বিশ্বাসঘাতক নহে রাজদূত ।

ষড়যন্ত্র ধর্ম নহে তার ।
 য়াল্‌বিনাস্ ! মোর মনে হয়,
 সন্তানমণ্ডল সন্দেহ করিছে মোরে ।
 তাই তারা ভেজিয়াছে গুপ্তচর
 কৌশলে লভিতে কোন গোপন সন্ধান ।
 দূরে যাও, দূরে যাও নাগরিক ।
 ষড়যন্ত্র ধর্ম নহে মোর ।

ক্যাটালিনাস্ । হেঁ-হেঁ-হেঁ-হেঁ ।
 জানি আমি রাজ অনুচর চতুর প্রধান ।
 কিন্তু মহাশয়,
 রোম নগরেও আছে কেহ কেহ সুচতুর ।
 রণক্ষেত্রে পেয়েছ সন্ধান অস্ত্রচালনার ।
 ভুলিওনা মহাশয়,
 ক্ষীণ নয় রোমের সন্তান মস্তিষ্কচালনে ।
 হেঁ-হেঁ-হেঁ-হেঁ ।
 কার্যক্ষেত্রে পাবে মোর পরিচয় ।
 এসেছিলে রোমে তুমি ছিদ্র অন্বেষণে ।
 ব্যর্থ হ'য়ে ফিরে যাও প্রভুর সকাশে ।
 উপযুক্ত পুরস্কার অবশ্য লভিবে ।
 হেঁ-হেঁ-হেঁ-হেঁ ।
 নমস্কার মহাশয় ।
 প্রভু মোর নগরের অন্ততম শ্রেষ্ঠ নাগরিক ।

ল'য়ে পত্র তার
আপনি যাইব আমি সম্রাটের কাছে ।
নমস্কার রাজদূত ।

যাইতে উদ্ভত ।

য়্যারান্‌স্ । (য়্যাল্বিনাসের সহিত দৃষ্টিবিনিময় করিয়া ।)

নাগরিক ! ক্ষণেক অপেক্ষা কর ।

ক্যাটালিনাস্ । কিবা প্রয়োজন মহাশয় ?

আমি ক্ষুদ্র গুপ্তচর ।

তুমি রাজদূত ।

ষড়যন্ত্র ধৰ্ম্ম নহে তব ।

তুর্নীত রাজার শ্রেষ্ঠ অনুচর তুমি পরম ধার্মিক ।

নহ তুমি বিশ্বাস ঘাতক ।

হেঁ-হেঁ-হেঁ-হেঁ ।

য়্যারান্‌স্ । নাগরিক ! বল তুমি কিঙ্কর কাহার ।

ক্যাটালিনাস্ । নহি আমি সামান্য কিঙ্কর ।

নহি গুপ্তচর ।

নহি আমি ক্ষুদ্র অনুচর ।

সিংহাসনে বসিবে যখন প্রভু মোর,

আমি হব তার শ্রেষ্ঠ সেনাপতি ।

য়্যারান্‌স্ । সিংহাসন ! এত শক্তিদ্বর কে আছে নগরে,

রোম সিংহাসন কাম্য যার ?

বল মোরে, প্রভু কে তোমার ।

ক্যাটালিনাস্ । প্রভু মোর টাইবেরিয়াস্ ।
 য়ারান্স্ । টাইবেরিয়াস্ !
 ক্রটাসের পুত্র !
 ক্যাটালিনাস্ । হাঁ, ক্রটাসের পুত্র ।
 হীন নয় এই পুত্র তার ।
 তবু জানে সকলে নগরে,
 স্নেহাঙ্ক ক্রটাস্
 প্রভুরে আমার যোগ্য বলে নাহি মানে
 রণক্ষেত্রে নহে সে দুর্বল ।
 তাহারও উচ্চাকাঙ্ক্ষা আছে ।
 যোগ্যপদ যদি নাহি দেয় রোম,
 প্রভু মোর সম্রাটের হইবে সহায় ।
 কিন্তু আছে সত্ত্ব এক ।
 শুধু এক সত্ত্ব সমর্পণ করিব তোরণ ।
 য়ারান্স্ । কি সে সত্ত্ব ?
 ক্যাটালিনাস্ । চুক্তিপত্রে করিবে স্বাক্ষর,
 তার হাতে করিবে অর্পণ টুলিয়ারে ।
 য়ারান্স্ । টুলিয়া !
 ক্যাটালিনাস্ । হাঁ, টুলিয়া ।
 সাম্রাজ্যের উত্তরাধিকারী টুলিয়ারে
 দিতে হবে তার হাতে বিবাহ বন্ধনে ।
 য়ারান্স্ । চুক্তিপত্র ! চুক্তিপত্র !

ম্যালবিনাস্ । য়ারান্‌স্ ! সামান্য এ নাগরিক ।
 বিশ্বাস করিয়া একে পড়িবে বিপদে ।
 য়ারান্‌স্ । সত্য বটে ।
 নাগরিক ! কেবা তুমি,
 কিবা তব পরিচয় নাহি জানি !
 চুক্তিপত্র দিতে পারি প্রভুরে তোমার ।

ক্যাটালিনাস্ । তাও আমি জানিতাম মহাশয় ।
 প্রভুমোর আছে সন্নিকটে ।
 অচিরে আনিব তারে ।
 কিন্তু সাবধান !
 ঘরে আছে শুধু দাসদাসী ।
 তবু সাবধান !
 প্রস্তুত রাখিও তুমি চুক্তিপত্র ।
 প্রভু গোর আসিবেন পিতার সঙ্কানে ।
 শুধু মুহূর্তের তরে দেখা হবে,
 যেন দৈবযোগে ।

য়ারান্‌স্ । তাই হবে । নিয়ে এস তারে ।

ক্যাটালিনাসের প্রস্থান ।

ম্যালবিনাস্ । একি অবিশ্বাস্য ঘটন্য তব ?
 চুক্তিপত্র কেমনে করিবে তুমি ?
 কিবা তব অধিকার ?

য়ারান্‌স্ । ম্যালবিনাস্ ! রাজকার্য্যে করিওনা বাধাদান ।

তুমি নহ রাজদূত ।
 রাজদূত আমি, তুমি মোর সহকারী ।
 আনো পত্র,
 নিজ হাতে করিব স্বাক্ষর ।
 চুক্তিপত্র পত্র শুধু ।
 মিলে যদি নগর তোরণ
 একদিনে এ-নগর মিশাব ধূলায় ।
 তারপর কেবা মোরে করিবে নিষেধ ?
 শতখণ্ডে ছিন্ন করি তারে
 ধূলাসম ছড়াব আকাশে !

য়্যাল্বিনাস্ ।

একি কথা কহ তুমি ?
 অঙ্গীকার করিয়া তাহারে
 অস্বীকার করিবে অক্লেশে ?

য়্যারানস্ ।

য়্যাল্বিনাস্ ! তুমি রাজদ্রোহী ।
 ধর্ম্ম হাহা জনতার, তাহা নহে রাজধর্ম্ম ।
 রাজদ্রোহী এনগর ।
 ছলে, বলে, কৌশলে তাহার শাস্তির বিধান
 ধর্ম্ম সম্রাটের ।
 রাজনীতি নহে নীতি জনতার ।
 যে কোন আচার
 ধর্ম্ম কি অধর্ম্ম তাহা করিবে বিচার রাজশক্তি ।
 রাজা নহে নীতির অধীন ।

সৃষ্টিকর্তা যিনি নিজে,
সকল বিধান হ'তে উর্দ্ধে স্থান তার।
বৃথা কালক্ষেপে নাহি প্রয়োজন।
আবশ্যক আছে এবে চুক্তিপত্র।
সুতরাং চুক্তিপত্র করিব স্বাক্ষর।
যুদ্ধশেষে যদি নাহি হয় প্রয়োজন
ছিঁড়িয়া ফেলিব তারে।
গ্যালবিনাস্ ! ইহারেই বলে রাজনীতি।
হেঁ-হেঁ-হেঁ-হেঁ।
যাও, নিয়ে এস চুক্তিপত্র।

গ্যালবিনাস্ । যথা আজ্ঞা তব।

গ্যালবিনাসের গ্রহান এবং কিয়ৎকাল পরে চুক্তিপত্র এবং
কালি-কলম লইয়া পুনঃ প্রবেশ।

গ্যারান্স্ টেবিলে বসিয়া লিখিল। এমন সময় সন্তর্পণে ইতস্ততঃ তাকাইতে
তাকাইতে ক্যাটালিনাস্ ও টাইবেরিয়াসের প্রবেশ।

টাইবেরিয়াস্ । রাজদূত ! চুক্তিপত্র করেছ স্বাক্ষর ?
গ্যারান্স্ । হাঁ। করেছি স্বাক্ষর।
প্রতিজ্ঞা আমার,
প্রাণ দিয়ে অঙ্গীকার করিব পালন।

টাইবেরিয়াস্ চুক্তিপত্র লইয়া জামার অভ্যন্তরে লুকাইয়া রাখিল।
টাইবেরিয়াস্ । সম্রাটেরে পাঠাও সংবাদ।
কাল রজনীতে,

দ্বিপ্রহরে,
 নগর তোরণ খুলে দিব নিজ হাতে ।
 য়ারান্স্ । সৈন্তসহ নগর তোরণে
 প্রভু মোর রহিবে প্রস্তুত ।
 টাইবেরিয়াস্ ! লহ নমস্কার টাঙ্কানীর ।
 সন্দেহের নাহি কোন অবকাশ,
 ভবিষ্যতে রোমের সম্রাট টাইবেরিয়াস্ ।
 তাহাকে অভিবাদন করিল ।

টাইবেরিয়াস্ । না, না, না ।
 এখনও বিঘ্ন আছে কত ।
 নমস্কার !
 মনে রেখো ।
 কাল রজনীতে,
 দ্বিপ্রহরে ।

সন্তর্পণে টাইবেরিয়াস্ ও ক্যার্টালিনাসের প্রস্থান ।
 য়ারান্স্ । য়াল্‌বিনাস্ ! অবিলম্বে যাও তুমি নগর বাহিরে ।
 প্রাণ তব যায় কিংবা থাকে,
 সম্রাটেরে পাঠাবে সংবাদ ।
 কাল রজনীতে,
 দ্বিপ্রহরে,
 লক্ষ সেনা ল'য়ে করে যেন আক্রমণ ।
 উন্মুক্ত করেছি আমি নগর তোরণ ।

শুধু আছে এক ভয় ।
টাইবেরিয়াস্ বীর বটে,
কিন্তু যোগ্যতা তাহার কতদূর
সে বিষয়ে সন্দেহ রয়েছে মনে ।

তবু—

সম্পূর্ণে পত্রহস্তে জনৈক নাগরিকের প্রবেশ ।

কে ? কে তুমি ?

নাগরিক ।

মেসালার ভৃত্য আমি ।

পত্র দিতে পেয়েছি নির্দেশ ।

পত্র দিয়া দ্রুত প্রস্থান ।

য়ারানস্ ।

(পত্র পড়িয়া)

একি ?

য়াল্‌বিনাস্ ! অবিশ্বাস করিছে নয়ন ।

কিন্তু যদি সত্য হয়,

রোমের পতন অনিবার্য্য এইবার ।

য়াল্‌বিনাস্ ।

কি সংবাদ লিখেছে মেসালা ?

য়ারানস্ ।

মেসালা লিখেছে,

প্রিয় বন্ধু তার সৈনিক প্রধান নগরের ।

তার পক্ষ হ'তে আছে কথা মোর সাথে ।

য়াল্‌বিনাস্ ! কে না জানে

টাইটাস্ প্রিয় বন্ধু মেসালার ?

টাইটাস্ ।

অসম্ভব মনে হয় মোর ।

কিন্তু যদি সত্য হয়,

বিনা যুদ্ধে টাকুইন্ হইবে সম্রাট ।

সার্থক মন্ত্রণা মোর ।

এতদিনে পেয়েছি সন্ধান ।

ভস্ম হবে রোম ।

ক্ৰটাসের দর্প চূর্ণ হবে ।

গ্যালবিনাস্ । কিন্তু বন্ধু, দেবতার মত পবিত্র যে জন,

গুপ্ত মন্ত্রণাতে নিধন তাহার

মনে হয়, অতি হীন অপরাধ ।

গ্যারান্স্ । বন্ধুবর ! দেবতার মত শ্রেষ্ঠ যেই জন,

সম্মুখ সমরে অসম্ভব নিধন তাহার ।

সুতরাং ছলে কিংবা কৌশলে তাহারে

বিনাশ করিতে হবে ।

আমরা অসুর ।

সুরাসুরে বিরোধিতা চিরকাল ।

দেবতার স্থান নহে পৃথিবীতে ।

উচ্চতর স্থান আছে তাহাদের তরে ।

রক্তমাংসে সৃষ্ট মোরা নহি মৃত্যুহীন ।

তাই চতুর্দিকে আমাদের

নিশিদিন দণ্ড হাতে ঘুরিতেছে মৃত্যুচর ।

কৃপা কি করেছে তারা পৃথিবীতে ?

প্রকৃতির রুজুতে স্বংস যবে হয় জনপদ,
 প্লাবনে ডুবিয়া মরে নরনারী,
 অনাহারে তৃণসম শুষ্ক হয়ে যায় দেহ মানবের,
 ভূমিকম্পে ছারখার হয় দিগ্ধিদিক্,
 অগ্নিপাতে ছাই হ'য়ে যায় সমৃদ্ধ নগর,
 দেবতা তখন স্বর্গে বসি অটুহাসি হাসে ।
 মুমূর্ষু মানব উর্দ্ধে তুলি হাত
 দয়া চাহি ভিক্ষা যদি মাগে,
 শিরে করি বজ্রাঘাত করে পরিহাস ।
 বিধানের কঠিন নিয়মে বাঁধা দেবতা সকল
 নিশ্চয়, কঠোর ।
 তাহাদের সাথে করি রণ
 মাহুষেরে বাঁচিয়া থাকিতে হবে ।
 যদি কেহ ভুলাতে মোদের আসে ধরণীতে,
 ছলে কিংবা বলে তারে করিব নিধন ।
 দেহ নাহি যার,
 বিধান তাহার নহে যোগ্য পৃথিবীতে ।
 দেহ নাহি যার, কামনা দহেনা তারে ।
 বিধান তাহার কেমনে মানিবে সেইজন
 অহর্নিশি দংশে যারে কামনার বিষ ?
 হিংসা—ধর্ম জীবিতের ।
 তাই শত্রুরে করিয়া নত ছলে কিংবা বলে

অগ্রে চলা ধর্ম মানবের ।
 দেবতার অবতার বলে সবে ক্রটাসেরে ।
 জন্মমৃত্যু তুল্য তার কাছে ।
 পাষণ হৃদয় দেবতারে
 পাষণে গড়িয়া মোরা রাখিব মন্দিরে ।
 অমর করিব তারে,
 পুষ্পাঞ্জলি দিব তারে যুক্ত করে,
 দূর হ'তে করিব প্রণাম ।
 কিন্তু যদি আসে সন্নিকটে,
 ছলে কিংবা বলে তারে অবশ্য মারিব ।
 হেঁ—হেঁ—হেঁ—হেঁ ।
 চল কক্ষে । গুপ্তভাবে মঙ্গল করিব ।

(উভয়ের প্রস্থান ।)

(ক্রোধান্বিত ভাবে টাইটাস্ এবং সঙ্গে সঙ্গে মেসালার প্রবেশ)

টাইটাস্ । সত্য কহ তুমি ।
 বিশ্বাস করি না আমি,
 পিতা মোর এত দয়াহীন সন্তানে তাহার ।
 বাহুবলে করিয়াছি রক্ষা এ নগর ।
 চাহি পুরস্কার
 লাঞ্চিত হয়েছি আমি সন্তানমণ্ডলে ।
 কেবা আছে আমা হ'তে যোগ্যতর জন ?
 আকাজক্ষা আমার করেছে নির্মূল পিতা নিজে ।

দিগ্বিজয়ে শক্তি আছে যার,
 হেন পুত্রে দিতে করে অস্বীকার তুচ্ছ পুরস্কার !
 অসহ্য এ অপমান নতশিরে করেছি গ্রহণ ।
 কিন্তু আজ শুনি,
 পিতা-মোর টুলিয়ারে পাঠাবেন সম্রাটের কাছে ।
 থাকিতে জীবন,
 এই অবিচার সহ্য নাহি হবে ।
 টুলিয়া আমার ।
 বিহনে তাহার ব্যর্থ হবে আমার জীবন ।
 কামনা আমার ছিল,
 অসি হস্তে দিগ্বিদিক্ করিব বিজয় ;
 যেথা আছে যত সিংহাসন
 অধিকারী তাহাদের হবে নতশির সম্মুখে আমার,
 সৈন্যদল মোর জয়োল্লাসে মেরুপ্রান্তে ছুটিয়া চলিবে ।
 টাইটাস্ নহে সাধারণ ।
 সাধারণ নহে রোম ।
 সম্মুখ সমরে মোরা কৃতান্তকে নাহি ডরি ।
 কিন্তু পিতা মোর
 ক্রকুটিতে তার নিষিদ্ধ করিয়া দিগ্বিজয়
 নির্বাসিত করেছে আমারে কৰ্ম্মক্ষেত্র হতে ।
 একমাত্র আশার আলোক ছিল টুলিয়ার স্নেহ ।
 বাহুপাশে তার,

কৰ্মহীন আমার জীবন.

ডুবিয়া থাকিত সুখে বিস্মৃতির জলে ।

কিন্তু পিতা মোরে বঞ্চিত করিতে চাহে

এই মোর জন্মগত অধিকার হ'তে ।

কিবা যুক্তি তার ? কিবা হেতু ? কিবা অধিকার ?

তুচ্ছ এক রাজদূত অপবাদ করেছে রোমের ।

বিজিত যে,

অপবাদে তার কিবা ক্ষতি, কিবা অপযশ ?

দ্বন্দ্বযুদ্ধে বধিয়া তাহারে দিতে পারি শাস্তি

সমুচিত ।

সামান্য এ অপবাদ নগরের

সহ নাহি হয় ক্রটাসের ।

কিন্তু পিতা মোর ভেবেছে কি একবার

পুত্র তার কেমনে সহিবে এই বিরহ বেদনা ?

মেসালা ! সৈন্যবল রয়েছে আমার ।

টুলিয়ারে মুক্তি দিক্ রোম ।

বাহুবলে পুনর্ব্বার ছিনিয়া আনিব তারে ।

পিতা যদি দেন নিৰ্ব্বাসন,

প্রতিজ্ঞা আমার,

বাহুবলে জয় করি অশ্ব জনপদ,

প্রতিষ্ঠা করিব আমি নতুন নগর ।

মেসালা ! অগ্নিরে প্রস্তুত কর সৈন্যদল ।

মেসাল।

স্থির হ'য়ে কথা শোন মোর।

জানি আমি,

উদ্বেজনা স্বাভাবিক টাইটাসের মনে।

পুনঃ পুনঃ বলেছি তোমারে

পিতা তব নহে সাধারণ।

মনে রেখো, এই নগরের সেনাপতি তুমি

আদেশে তাহার।

যদি হয় প্রয়োজন,

কোন দ্বিধা নাহি করি

পদচ্যুত করিবে তোমারে।

জানি আমি, সৈন্যদল অহুগত আমাদের।

কিন্তু ক্রকুটিতে ক্রটাসের

সাহস তাদের বাৎস্পসম উড়িবে আকাশে।

টাইটাস্।

কহ তবে, কি করিব আমি ?

এই অবিচার কেমনে সহিব ?

মেসাল।

বলিয়াছি বহুবার।

বলি পুনর্ব্বার।

সেনাপতি টাইটাস্ ভৃত্য নগরের।

কিন্তু সম্রাট্ টাইটাস্ নগরের ভৃত্য নহে।

বালবৃদ্ধ নগরের ভৃত্য সম্রাটের।

টাইটাস্।

মেসাল।

যদি কহ পুনর্ব্বার,

নিজ হাতে বধিব তোমারে ।
 পিতা মোর পুত্রে করে অবিচার ।
 কিন্তু তবু গর্বিত টাইটাস্,
 ক্রটাসের পুত্র আমি ।
 বলি পুনর্ব্বার,
 রাজদণ্ড অস্পৃশ্য আমার ।
 মোর মনে হয়,
 নহ তুমি বন্ধু মোর ।
 সন্দেহ আসিছে মনে,
 বিশ্বাসঘাতক তুমি রাজ অনুচর ।

মেসলা ।

টাইটাস্ ।

মেসলা ।

হাঁ, আমি রাজ অনুচর ।
 বিশ্বাস ঘাতক !
 কর বধ ।

কিন্তু মনে রেখো,
 ভৃত্য নাই আমি বিদেশী রাজার ।
 অনুচর আমি চিরকাল,
 যদি বন্ধু মোর টাইটাস্ বসে সিংহাসনে
 আঃ । ছদ্মবেশে তুমি কোন যাত্ৰ কর ।
 পুনঃ পুনঃ দিয়েছি ফিরায়ে,
 পুনঃ পুনঃ তবু সম্মুখে আনিছ পাত্র ?
 অমৃত কি ?
 অথবা গরল, বুদ্ধি নাই হয় ।

টাইটাস্ ।

মুক্তি দাও মোরে ।
 সহ নাহি হয় সংশয় অন্তরের ।
 তুমি পাপ ।
 অপবিত্র নিশ্বাস তোমার ।
 ক্রটাসের পুত্র আমি ।
 দিগ্বিজয়ে নহি অধিকারী,
 সিংহাসনে নহি অধিকারী ।
 জন্মাবধি শিখায়েছে পিতা মোরে,
 নগরেতে আছে যত দীনহীন
 তাহারাও তুল্য মোর ।
 কিন্তু আজ ঘিরিয়া ধরেছে মোরে মায়াজাল ।
 মুক্তি দাও । তুমি মোরে মুক্তি দাও ।
 মুক্তি চাহ অন্তরের কাছে ।
 সিংহাসন ছাড়া ভিন্ন পথ অন্য কিছু নাহি ।
 টুলিয়ার স্নেহ কাম্য যদি
 এখনো সময় আছে ।
 দাও অনুমতি,
 গৃহে গৃহে করিব প্রচার
 নগরের শ্রেষ্ঠ বীর রোমের সম্রাট ।
 এখনো ভুলাতে পারি জনতারে ।
 বিদিত নগরে,
 পরাজিত করিয়াছ তুমি টাঙ্কানীয়ে রণভূমে ।

মেসলা ।

অনুমতি দাও মোরে,
 করিব প্রচার,
 টাস্কানীর রাজকোষ করিয়াছ দান সকলেরে
 বালবৃদ্ধ হেন কেহ নাই,
 করিবেনা জয়ধ্বনি টাইটাসের ।
 অর্থলোভে উন্মত্ত জনতা নগরের
 আপনি করিবে দান সিংহাসন ।
 অনুরোধ রাখ মোর,
 দাও অনুমতি ।

টাইটাস্ ।

না, না । দূর হ'য়ে যাও ।
 রাষ্ট্রদ্রোহী তুমি ।
 তুমি দেশদ্রোহী ।

মেসাল ।

আমি নহি দেশদ্রোহী ।
 বিশ্বাস আমার,
 রাজাহীন এই রোম
 কর্ণধারহীন নৌকাসম ডুবিবে সলিলে ।
 ক্রটাস্ সকলে নহে ।
 হ'লে মৃত্যু তার,
 শত নাগরিক শতছিন্ন করিবে নগর ।
 জন্মভূমি পুনরায় হবে পরাধীন ।
 বিশ্বাস আমার,
 সিংহাসন একমাত্র ভরসা তাহার ।

পরাজিত করেছি আমরা সম্রাটেরে ।
রাজ্য বিস্তারের অপূর্ব সুযোগ করিছে ইঙ্গিত ।
দাও অনুমতি,
এখনো সময় আছে ।

টাইটাস্ । না, না । ছদ্মবেশে তুমি শত্রু মোর ।
সঙ্গ তব করি পরিহার
আত্মরক্ষা করিব আপনি ।

প্রস্থান ।

মেসাল্লা । অস্ত্র কোন পস্থা নাহি ।
যে কোন উপায়ে
গণরাষ্ট্র করিব নিশ্চল ।
নিরক্ষর জনতার কাছে
স্বাধীকার দিতে হবে বিসজ্জন ?
অসহ্য এ অবিচার ।
দীনহীন নাগরিক তুল্য নহে মোর ।
অযোগ্য তাহারা ।
যোগ্যতার পুরস্কার দিতে হবে তাহাদের ।
যদি নাহি মানে আবেদন
শাস্তি দিব তারে, কেড়ে লব নিজ অধিকার ।
লুপ্ত হ'লে সিংহাসন
হুর্বির্ভূত নাগরিক করিবে বিচার,
অধিকার তার তুল্য আমাদের ।

সাম্যবাদ করিয়া প্রচার
 সর্বনাশ করেছে ক্রটাস্ ।
 স্মৃতরাং নিধন তাহার কাম্য নগরের ।
 অন্য পন্থা নাহি থাকে যদি
 লিপ্ত হব যড়যন্ত্রে ।
 যড়যন্ত্র !
 বিধে করি বিষক্ষয়
 রক্ষা আমি করিব নগর ।
 স্বাধিকার প্রতিষ্ঠা করিব ।
 জন্মভূমি রোম !
 রাজেশ্বরী করিব তোমারে ।
 ক্রটাস্ চাহিছে দিতে গৈরিক বসন ।
 সে কি সাজে জননীর দেহে ?
 রোমের সন্তান মোরা পৃথিবীর শ্রেষ্ঠ জাতি
 সাম্রাজ্য করিব জয় ।
 করিয়া লুণ্ঠন ধনরত্ন পৃথিবীর
 আনিব নগরে ।
 সমৃদ্ধ করিব তারে ।
 রোম ! বাহুবলে আমাদের
 পৃথিবীর রাজধানী করিব তোমারে ।
 (ক্রটাস্ ও ভ্যালেরিয়াসের প্রবেশ)
 অসম্ভব, অসম্ভব ।

কালক্ষেপে হবে সর্বনাশ ।

অবিলম্বে চলি যাবে সম্রাট নন্দিনী ।

মেসালা !

মেসালা ।

আজ্ঞা কর অধিপতি ।

ক্ৰটাস্ ।

ক্ষণেক অপেক্ষা কর । কোথা পুত্র মোর ?

মেসালা ।

নাহি অনুমান মহাশয় ।

আমি ও দর্শন চাহি টাইটাসের ।

ক্ৰটাস্ ।

জানি আমি, অন্তরঙ্গ বন্ধু তুমি তার ।

বৃদ্ধ পিতা আমি ।

অভিমান হয়েছে তাহার,

করিয়াছি বাধাদান দিতে পুরস্কার ।

টাইটাস্ মহাবীর ।

গর্বিত সকলে মোরা ।

গর্বিত জননী রোম,

জল মৃত্তিকাতে যার জন্ম তার ।

সৈনিক প্রধান পুত্র মোর ।

রণক্ষেত্রে কস্মক্ষেত্রে তার ।

মেসালা ।

সেই ক্ষেত্রে হ'তে দিলে তারে নির্বাসন

নিষিদ্ধ করিয়া দিগ্বিজয় ।

ক্ৰটাস্ ।

মেসালা ! দুর্বল গীড়ন হেতু

অস্ত্রধরা বীরধর্ম নয় ।

রাজ্যলোভে অস্ত্রাঘাত দম্যবৃত্তি ।

ধর্মযুদ্ধ যদি কাম্য তার,
 দুর্বলের প্রতি যেথা অত্যাচার
 সেথা তার কর্মক্ষেত্র ।
 স্বাধিকার প্রতিষ্ঠা করে না কর্মবীর ।
 বীর যেই জন,
 অকাতরে প্রাণ করে দান
 প্রতিষ্ঠা করিতে অধিকার দুর্বলের ।
 বলিও তাহারে,
 ধর্মপথে অগ্রগতি তার
 হৃদয়ের কাম্য মোর ।
 রণক্ষেত্রে কর্ম ক্লান্ত হ'লে পুত্র মোর
 যোগাপদ অবশ্য লভিবে সম্মানমণ্ডলে ।
 যেসাল। যথা আজ্ঞা মহাশয় । বলিব তাহারে ।

প্রস্থান

ক্রটাস্ । ভ্যালেরিয়াস্ ! সংবাদ এনেছে গুপ্তচর,
 এই রাজদূত প্রলোভন করিছে বিস্তার ।
 ছুই পুত্র মোর ।
 রাজদূত শুনিয়াছে কাণে,
 এক পুত্র মোর হিংসা করে অপরেরে ।
 কেহ নহে হীন ।
 উচ্চাকাঙ্ক্ষা স্বাভাবিক যৌবনের ।
 জানি আমি,

মোর রক্তে জন্ম যার
সে কভু করে না লোভ রাজসিংহাসন
নিজ হাতে যারে আমি করেছি নির্ম্ম ল ।

তবু ভয় হয় ।

ভ্যালেরিয়াস্ ! আশা ছিল মনে
শুধু ছুটে। দিন টুলিয়ারে ধরিতে হৃদয়ে ।
কিন্তু আর নয় ।

দুর্ব্বলতা সাজে না ক্রটাসে ।

কাল দ্বিপ্রহরে যেতে হবে তারে ।

দূরে চলে যাক্ চিরতরে ।

শূণ্য হবে গৃহ মোর ।

তবু তারে যেতে হবে ।

কাল দ্বিপ্রহরে

নগরের স্বার্থে তারে করিব বিদায় ।

ভ্যালেরিয়াস্ । শুধু ছুটে। দিনে কিবা আসে যায় ?

অরক্ষিত নহে এ নগর ।

পুত্র তব দেশভক্ত বীর,

কেন বৃথা ভয় কর রাজদূতে ?

ক্রটাস্ ।

না না, ভ্যালেরিয়াস্ ।

কালক্ষেপে হ'তে পারে সমূহ বিপদ ।

কাল তাকে যেতে হবে ।

সেনাপতিগণে করিও নির্দেশ,

মোর দেহরক্ষী সৈন্যদল নিয়ে যাবে তারে ।
 কিন্তু যেন সর্ব্বশ্রেষ্ঠ সহস্র সৈনিক
 হয় অনুগামী ।
 কোন ক্রটি যেন নাহি হয় ।
 করিও নির্দেশ,
 যেন সম্রাটের নিজহাতে
 টুলিয়ারে করে সমর্পণ ।
 চল সভাগৃহে ।
 না, না, ক্ষণেক অপেক্ষা কর ।

ক্রটাস্ হাততালি দিল । জনৈক ভৃত্যের প্রবেশ ।

ক্রটাস্ । য়ান্টনী ! কত্না মোর আছে তো কুশলে ?
 ভৃত্য । হাঁ প্রভু, রাজকন্যা আছেন কুশলে ।
 ক্রটাস্ । কোথা তিনি ?
 ভৃত্য । এই মাত্র দেখিয়াছি কক্ষে তারে ।
 ক্রটাস্ । মুহূর্ত্ত অপেক্ষা কর বন্ধুবর ।
 এখনি আসিব ফিরে ।

অন্দরের দরজার কাছে ঘাইয়া ফিরিয়া দাঁড়াইল ।

না, না, বৃথা কেন অনুরাগ ?
 ক্রটাস্ ! তোমার হৃদয় নাহি ।
 হৃদয় তোমার ভগবান্ গড়েছিল কঠিন পাষাণে
 কাহারও স্নেহ মমতায় নাহি তব অধিকার ।

একজনে দিয়ে প্রেম কোন্ অকিঞ্চনে বঞ্চিত
করিব ?

ভালেরিয়াস্ ! পৃথিবীর দুঃখ দীনতায়
জমাট বাঁধিয়া গেছে হৃদয় শোণিত ।
নিষ্পন্দ হৃদয় মোর ।
কিন্তু তার অন্তস্তলে অপরূপ বেদনা চেন
ফাটিয়া ছড়াতে চায় সমস্ত গগন ।
ক্ৰটাস্ নিষ্ঠুর ।
কঠিন পাথরে গড়া হৃদয় তাহার ।
স্নেহ মমতায় কোন অধিকার নাহি তার ।
চল সভাগৃহে ।

উভয়ের গ্রন্থান এবং অল্প পরে মেসোলা, য়ারান্‌স্
এবং য়াল্‌বিনাসের প্রবেশ ।

য়ানান্‌স্ । ব্যর্থ তবে সকল মন্ত্রণা ?
মেসোলা । আপাততঃ তাই মনে হয় ।
কিন্তু আছে পস্থা এক ।
ক্ৰটাসের পুত্র নহে হীন, নহে সে দুর্বল ।
কিন্তু কামজ্বরে জর্জরিত যেই জন
মদনের শর তারে করিবে বিকল ।
য়ানান্‌স্ । মদনের শর !
স্পষ্ট করি कह বন্ধু,
সম্যক্ বুঝিতে নারি ।

মেসোলা ।

শুন তবে ।

বন্ধু মোর ভালবাসে টুলিয়ারে ।

আর কেহ নাহি জানে ।

কিন্তু জানি আমি,

বন্ধু মোর দিতে পারে বিসর্জন সিংহাসন ।

কিন্তু টুলিয়ারে ত্যাগ করা সাধ্য নাহি তার ।

রাজকন্যা যদি করে অনুরোধ,

না, না, শুধু অনুরোধ নয়,

আমি জানি রাজকন্যা ভালবাসে তারে ।

বন্ধুরে আমার

বাহুপাশে বাঁধি যদি করেন আদেশ,

উচ্চশির টাইটাসের আপনি লুটাবে বুকে ।

য়াগরান্স ।

কিন্তু এ যে অসম্ভব ।

গব্বিত সম্রাট্

টাইটাসেরে কভু না করিবে কন্যা দান ।

মেসোলা ।

যদি তাই হয়, বলিও তাহারে,

শৃঙ্খলিত করিয়া তাহাবে পশুর সমান

অবিলম্বে আনিব নগরে ।

গব্বিত সম্রাট্

রাজপথে টাইটাসের পাছুকা বহিবে শিরে ।

এই মোর শেষ নিবেদন ।

য়ারান্‌স্‌ । অসম্ভব ঔদ্ধত্য রোমেব ।
 য়াল্‌বিনাস্‌ । এখনো কি আছে মনে
 সন্দেহের অবকাশ ?
 গণতন্ত্রে আস্‌হা নাহি নগরের ।
 সম্রাটেরে নির্বাসিত করি
 প্রতি ক্ষুদ্র নাগরিক হয়েছে সম্রাট ।
 সমূলে বিনাশ যদি নাহি করি,
 সমষ্টির অত্যাচারে কাঁদবে মেদিনী ।
 যেমনেই হোক, অধিকার করিব নগর ।
 হারি কিংবা জিত্তি,
 ভবিষ্যতে দেখিবে সকলে ।
 কিন্তু আমি নিরুপায়,
 কেমনে বুঝাব আমি টুলিয়ারে ?

প্রোকিওলাসের প্রবেশ । তাহার দুই পার্শ্বে দুইজন দেহরক্ষী ।

প্রোকিওলাস্‌ । রাজদূত ! আমি প্রোকিওলাস্‌ ।
 নগরপালক আমি এই নগরের ।
 সংবাদ পেয়েছি আমি,
 নীতির বিধান করিয়া লঙ্ঘন
 ষড়যন্ত্রে লিপ্ত আছ তুমি ।

য়ারান্‌স্‌ । প্রোকিওলাস্‌ ! মিথ্যা এই অপবাদ ।

প্রোকিওলাস্‌ । কভু মিথ্যা নয় ।
 প্রমাণ পেয়েছি আমি ।

সম্মানে রেখেছে তোমারে অধিপতি নিজে,

কিন্তু তুমি বিশ্বাসঘাতক ।

জান তুমি কি শাস্তি ইহার ?

য্যারান্স্ । শাস্তি !

প্রোকিওলাস্ । হাঁ শাস্তি ।

এই অপরাধে এ নগরে শাস্তি মৃত্যুদণ্ড ।

য্যারান্স্ । মৃত্যুদণ্ড !

কিন্তু আমি রাজদূত ।

রাজদূত কভু বধ্য নাহি হয় ।

প্রোকিওলাস্ । বিশ্বাসঘাতক রাজদূত বধ্য সকলের ।

কিন্তু রাজদূত, জানি মোরা,

বর্বর টাঙ্কান্ ভদ্ররীতি নাহি জানে ।

সুতরাং মৃত্যুদণ্ড নাহি দিব ।

শুন তুমি রোমের আদেশ ।

কাল দ্বিপ্রহরে,

সঙ্গে ল'য়ে রাজকণ্ঠা টুলিয়ারে

নগর বাহিরে তুমি করিবে প্রস্থান ।

য্যারান্স্ । কাল যেতে হবে ?

প্রোকিওলাস্ । হাঁ কাল । বেলা দ্বিপ্রহরে ।

একদণ্ড বিলম্ব করিলে মৃত্যুদণ্ড লভিবে নিশ্চয় ।

আমার আদেশ । রোমের আদেশ ।

রক্ষীসহ প্রস্থান ।

য্যারান্‌স্‌ । য্যাল্‌বিনাস্‌ ! ব্যর্থ হ'ল সকল মন্ত্রণা ।

য্যাল্‌বিনাস্‌ । কেন বন্ধু ?
কাল রজনীতে মুক্ত হবে নগর তোরণ ।
ক্রটাসের অশ্রু পুত্রে টুলিয়ারে করেছ অর্পণ
চুক্তিপত্রে নিজ হাতে করিয়া স্বাক্ষর ।
যদি হয় প্রয়োজন,
পুনরায় কর সমর্পণ টাইটাসের হাতে ।
চুক্তিপত্র পত্র শুধু ।
ছি ড়িয়া ফেলিও তারে যুদ্ধশেষে ।

য্যারান্‌স্‌ । কিন্তু এ যে অসম্ভব ।
টাইটাস্‌ শুনবে না মন্ত্রণা আমার ।
রাজকন্যা যদি করে প্রেম নিবেদন
তখনি সম্ভব হবে,
নতুবা বিফল ষড়যন্ত্র মোর ।
টাকুইন্‌ একবার টুলিয়ারে করেছে নিষেধ
অনুমতি যদি নাহি দেয় সম্রাট স্বয়ং
টুলিয়া কেমনে করে প্রেম নিবেদন ?
সময় সংক্ষেপ অতি ।
কাল দ্বিপ্রহরে নগর ছাড়িতে হবে ।
এত অল্প অবসরে
সম্রাটের পত্র আমি কেমনে আনিব ?

গ্যালবিনাস্ । কেন বন্ধু ? রাজনীতি নহে অমুদার ।
শাস্ত্রমতে জালপত্র অবশ্য নিষেধ নহে ।

গ্যারান্স্ । জালপত্র !
ঠিক বলিয়াছ বন্ধু মোর ।
জালপত্র করিব রচনা ।
আনো পত্র । বিলম্ব সহেনা মোর ।

গ্যালবিনাসের প্রস্থান এবং কালিকলম ও পত্র লইয়া
পুনঃ প্রবেশ । গ্যারান্স্ তাড়াতাড়ি
জালপত্র লিখিল ।

গ্যারান্স্ । আজ রাতে নয় ।
সন্দেহ করিবে কেহ ।
কালপ্রাতে এই পত্র দিবে টুলিয়ারে ।
এখনও হইনি নিরাশ ।
কালপ্রাতে টাইটাসের পাব পরিচয় ।
সাবধান !
হইলে প্রকাশ,
এই পত্র মৃত্যুদণ্ড আনিবে নিশ্চয় ।
সাবধান !

প্রস্থান ।

গ্যালবিনাস্ । হায় রাজনীতি ।
নীতিহীন নীতি তুমি ছুঁই সরস্বতী ।

প্রস্থান ।

দ্বিতীয় দৃশ্য

স্থান—টুলিয়ার কক্ষ

সময়—পরদিন প্রাতে

টুলিয়া । গ্যালগিনা !
আজ দ্বিপ্রহরে যেতে হবে নগর বাহিরে ।
বোধ নাহি হয়,
কেন পিতা রুষ্ট এত টুলিয়ার প্রতি ।
চিরতরে হইবে বিচ্ছেদ ।
শুধু ছুটোদিন সহিলনা মোরে ?

গ্যালগিনা । কেন বৃথা কর শোক ?
দূর কভু হয় না আপন ।
ছুদিনের পরিচয় ।
বুধুদের মত মিশিয়া যাইবে জলে ।

টুলিয়া । কিস্ত টাইটাস্ ?

গ্যালগিনা । বিধির বিধান হবে মেনে নিতে ।
সম্রাটের অনুমতি ছাড়া অসম্ভব বিবাহ বন্ধন ।

টুলিয়া । ছেড়ে যাব তারে চিরতরে ?

য্যালগিনা । কেন বৃথা কর শোক ?
 ভুলে কেন যাও,
 তুমি সম্রাজ্ঞী রোমের ?
 সিংহাসন নহে সাধারণ ।
 দেবতা দিয়েছে অধিকার ।
 পৃথিবীতে তুমি দেবতার প্রতিনিধি ।
 পিতা ব'লে সম্ভাষণ কর যারে
 সে যে রাজদ্রোহী ।
 রাজদ্রোহী পুত্র তার ।
 রাজদ্রোহী এ নগর
 দেবদত্ত অধিকার নাহি মানে ।
 স্মৃতরাং তারা ধর্মদ্রোহী, দেবদ্রোহী ।
 তাহাদের শাস্তির বিধান শ্রেষ্ঠধর্ম তব ।
 উপেক্ষা করিলে তারে
 শুধু পিতৃদ্রোহী নহে,
 ধর্মদ্রোহী বলিবে সকলে ।

টুলিয়া । য্যালগিনা ! পিতৃদ্রোহী নহি আমি ।
 মঙ্গল চাহিয়া তাঁর প্রাণ দিতে পারি ।
 কিন্তু হৃদয় আমার চাহে টাইটাসেরে ।
 বিরহে তাহার তুচ্ছ মনে হয় সিংহাসন ।

য্যালগিনা । বেশ ! তবে তাই কর ।
 হ'য়ে নাগরিক এই নগরের

- গৃহকোণে থাকো বধু হ'য়ে ।
 রাজধর্ম যাক রসাতলে ।
 টুলিয়া । পরিহাস ক'রোনা আমারে ।
 সম্রাটের কণ্ঠা আমি,
 ভুলি নাই কর্তব্য আমার ।
 কিন্তু ছিল সাধ অন্তরের
 টাইটাস বসিবে পাশে সিংহাসনে ।
 পত্র হস্তে জনৈক পরিচারিকার প্রবেশ ।
 কে লিখেছে, কার পত্র ?
 পরিচারিকা । রাজদূত দিল পত্র মোরে ।
 বলিল, ইহাতে আছে গোপন সংবাদ ।
 প্রস্থান ।
 টুলিয়া । গোপন সংবাদ ! দেখি, দেখি ।
 (পত্র পড়িল)
 য়াল্‌গিনা ! অসম্ভব মনে হয় মোর ।
 এত দিনে পিতা মোরে করেছে স্মরণ ।
 হাঁ হাঁ । হস্ত লেখা তার ।
 কিন্তু এষে অবিশ্বাস করিছে নয়ন ।
 লিখেছেন মোরে
 টাইটাসেরে পুত্ররূপে করিয়া স্বীকার ।
 য়াল্‌গিনা । অসম্ভব মনে হয় মোর ।
 ষড়যন্ত্র আছে সুনিশ্চয় ।

টুলিয়া ।

না, না, কে করিবে ষড়যন্ত্র ?
 হস্ত লেখা সম্রাটের ।
 লিখেছেন মোরে,
 যেই হস্ত নির্বাসিত করেছে তাহারে,
 সেই হস্ত ফিরায়ে আনিত্তে পারে ।
 লিখেছেন, তার গোপন মনের সাধ
 ছিল বহুদিন,
 পৃথিবীর শ্রেষ্ঠ বীর টাইটাসেরে
 পুত্ররূপে করিয়া গ্রহণ
 পার্শ্বে ল'য়ে সিংহাসনে বসিবে ছুজনে ।
 য়্যালগিনা ! এতদিনে সুপ্রসন্ন দেবতা সকল ।
 নিজহাতে পরাব মুকুট টাইটাসের শিরে ।
 দেখি, দেখি, আরো কি সংবাদ আছে ।
 লিখেছেন মোরে,
 রোমের সম্রাট করে নিবেদন সম্রাটের কাছে,
 টাইটাসেরে করিয়া গ্রহণ
 নিষ্কটক করে যেন সিংহাসন ।
 পিতা ! পিতা ! ক্রমা তুমি করেছ আমারে ।
 আত্মা তব অবশ্য পালিব ।
 য়্যালগিনা ! কোথায় টাইটাস ?
 নিয়ে এস তারে ।
 অবিলম্বে দিব তারে সুসংবাদ ।

অকাতরে দিব তারে হৃদয় আমার ।
 তারপর, প্রেমডোরে বাঁধিয়া তাহারে
 নিয়ে যাব সন্ধ্যাটের কাছে ।
 য়্যালুগিনা । রাজপুত্রি ! ধৈর্য্য ধর ক্ষণকাল ।
 মোর মনে হয় এই পত্র সত্য নহে ।
 টুলিয়া । অসম্ভব ! অসম্ভব ।
 আমি কি চিনিনা হস্তলেখা সন্ধ্যাটের ?
 সন্ধ্যাটের হস্তলেখা সুনিশ্চয় ।
 নিয়ে আছে স্বাক্ষর তাহার ।
 য়্যালুগিনা । তবু তুমি ধৈর্য্য ধর ক্ষণকাল ।

হাততালি দিল । পরিচারিকার প্রবেশ ।
 রাজদূতে কর সম্ভাষণ ।
 করি নমস্কার বল তারে,
 সন্ধ্যাট নন্দিনী আছে প্রতীক্ষায় তার ।

পরিচারিকার গ্রহণ এবং একটু পরেই য়্যারান্সের প্রবেশ ।

য়্যারান্স । সুপ্রভাত সন্ধ্যাটকুমারি !
 টুলিয়া । সুপ্রভাত দূত । কহ সত্য করি,
 এই পত্র পিতা কি লিখেছে নিজে ?
 য়্যারান্স । সন্ধ্যাটকুমারি ! পিতা তব পত্র দিয়ে মোরে
 বলিলেন,
 আশীর্ব্বাদ জানায়ে কণ্ঠ্যারে

পত্র দিও হাতে ।

সম্রাট্‌কুমারি ! সম্রাটের প্রতিনিধিরূপে
এসেছি নগরে ।

পিতা তব নিজে বলেছেন মোরে
মর্ম এই লিপিকার ।

টুলিয়া ।

জান তুমি ?

য্যারান্‌স্ ।

সম্রাট্‌কুমারি ! সম্রাটের প্রতিনিধি আমি ।

টুলিয়া ।

য়্যাল্‌গিনা ! আর কোন নাহি দ্বিধা মোর ।
রাজদূত ! শুন তবে ।

আজ দ্বিপ্রহরে

টুলিয়া যখন যাবে নগর বাহিরে,
মহাবীর টাইটাস্ সঙ্গে যাবে তার ।

য্যারান্‌স্ !

না, না, না, রাজকুমারি ।

সন্দেহ করিলে পৌরজন

ব্যর্থ হবে সব আয়োজন ।

টাইটাস্ রহিবে নগরে ।

আজ রজনীতে,

দ্বিপ্রহরে,

আক্রমণ করিব আমরা নগর তোরণ

টাইটাস্ বন্ধু যদি হয় সম্রাটের

বিনাযুদ্ধে, সজ্ঞাপনে,

মুক্ত যেন করে নিজে নগর ছয়ার ।

সঙ্কোপনে করিয়া প্রবেশ
অতর্কিতে মোরা নগর করিব অধিকার ।

টুলিয়া । বেশ । তাই হবে ।
নিজ কার্য্যে যাও তুমি ।
য়্যাল্গিনা ! নিয়ে এস তারে ।

অভিবাদন করিয়া য়্যারান্সের প্রস্থান । য়্যাল্গিনাও প্রস্থান করিল ।

কিয়ৎকাল পরে বিমর্ষভাবে টাইটাসের প্রবেশ ।

টাইটাস্ । টুলিয়া ! আজ দ্বিপ্রহরে
চিরতরে চাহিব বিদায় ।
কহ কি আদেশ ?
দিয়ে প্রাণ করিব পালন ।

টুলিয়া । টাইটাস্ ! আর নাহি চাহিব বিদায় ।
আজ রজনীতে চিরতরে মিলিব ছুজনে ।
দেখ পত্র ।

যত বিঘ্ন ছিল,
সব আজি হয়েছে নিঃশেষ ।

টাইটাস্ । চিরতরে মিলিব ছুজনে ?
টুলিয়া ! একি স্বপ্ন ?
সত্য কহ পুনর্ব্বার,
কি উপায়ে মিলিব ছুজনে ?
কোথা পত্র ? কার পত্র ?

টুলিয়া । সম্রাটের পত্র ।

টাইটাস্ ।

(সঙ্কুচিত হইয়া) সত্ৰাই !

না, না, টুলিয়া !

এই পত্র নহে কাম্য মোর ।

টুলিয়া ।

কেন বৃথা করিছ সঙ্কোচ ?

পিতা মোর এতদিনে হয়েছে সদয়,

অনুমতি দিয়েছে আমারে

বিবাহ করিতে টাইটাসেরে ।

টাইটাস্ ।

দিয়েছেন অনুমতি ?

কই দেখি । পত্র দাও মোরে । (পত্র পড়িল)

টুলিয়া ! একি অভিশাপ !

অমৃত চেয়েছি আমি ।

গরল দিয়েছ মোরে ।

ক্ৰটাসের পুত্র আমি ।

হস্ত মোর খসিয়া পড়িবে

তবু আমি সিংহাসন স্পর্শ না করিব ।

টুলিয়া ।

টাইটাস্ ! সেই সিংহাসনে বসে যদি টুলিয়া তোমার,

তবুও কি স্পর্শ নাহি করিবে তাহারে ?

যেই সিংহাসন বিষময় করেছিল রোম,

নির্বাসিত করিয়া তাহারে

বীরধর্ম করেছ পালন ।

গর্বিত টুলিয়া বীরত্বে তোমার ।

কিন্তু ভেবে দেখ,

সেই সিংহাসনে যবে বসিব আপনি

স্নেহের অমৃত ধারা বহিবে নগরে।

আমি নহি প্রাণ হীন।

অকাতরে প্রেম দিতে জানি।

টাইটাস্ ! সঙ্গে চল মোর।

হাতধরি ছুজনাতে,

পুত্রসম পালিব সকলে।

টাইটাস্।

টুলিয়া ! ক্ষমা কর মোরে।

সম্রাটেরে ধন্যবাদ জানায়ো আমার।

বলিও তাহারে,

ক্ৰটাসের পুত্র তারে অবশ্য ভেটিবে।

কিন্তু সম্রাট শিবিরে নহে।

টাইটাস্ ভেটিবে তাহারে যুদ্ধক্ষেত্রে।

বলিও তাহারে,

যদি কভু দেখা হয় তার সাথে,

বন্দীরূপে বাঁধিয়া আনিব তারে নিজহাতে।

টুলিয়া।

টাইটাস্ ! অকৃতজ্ঞ তুমি।

পিতা-মোর পুত্ররূপে আহ্বান করিছে যবে,

প্রতিদানে তুমি তারে দিতে চাহ অপমান।

অমৃত ভরিয়া যবে পান পাত্র ধরিয়াছি মুখে,

তুমি মোরে দাও হলাহল।

কেন এত অভিমান ?

স্বেচ্ছাতে তোমারে করিয়াছে আত্মদান
 কত্যা সম্রাটের,
 ইঙ্গিতে যাহার কতশত রাজ্য প্রদান
 এখনও নতশিরে ভিক্ষা চাহি কাঁদে।
 ক্রটাসের পুত্র বলে এত অভিমান টাইটাসের ?
 কে সে ক্রটাস ?
 ভুলিয়া গিয়াছ তুমি,
 রাজদ্রোহী প্রজা তিনি আমার পিতার।
 টুলিয়া।
 না, না, ক্ষমা কর মোরে।
 ক্রটাস মহান।
 পিতা বলে জানি তারে।
 প্রেমধর্ম শিখিয়াছি চরণে তাঁহার।
 কিন্তু তুমি ভুলে কেন যাও ?
 পিতা মোর টাকু ইন্ নহে হীন।
 দেবতা দিয়েছে তারে অধিকার সিংহাসনে।
 রাজা নাহি থাকে যদি সিংহাসনে
 কে করিবে রক্ষা পৌরজনে ?
 রাজা নাহি এ নগরে,
 কিন্তু পরিবর্তে তার উচ্চাসনে অধিপতি আছে।
 কহ সত্য করি,
 একি শুধু নহে নামান্তর সিংহাসনের ?

টাইটাস।

টুলিয়া।

তোমার পিতা কি নহে
 দণ্ডহীন সম্রাট রোমের ?
 টাইটাস্ । কিন্তু পিতা মোর জন্মগত অধিকার নাহি মানে ।
 জনমতে যোগ্যতম যেই জন,
 এ নগরে,
 শুধু তাহারই আছে শ্রেষ্ঠপদে অধিকার ।
 টুলিয়া । টাইটাস্ ! টুলিয়া কি যোগ্য নহে সিংহাসনে ?
 টাইটাস্ । টুলিয়া ! পৃথিবীতে আসে যদি দেবতা সকল,
 রণক্ষেত্রে করিব প্রমাণ,
 তোমা হতে যোগ্যতর কেহ নাহি স্বর্গসিংহাসনে ।
 টুলিয়া । তবে কেন রোম সিংহাসনে
 নাহি হবে স্থান মোর ?
 টাইটাস্ । টুলিয়া ! পিতা মোর নিজ হাতে
 নির্বাসিত করেছেন রোম সিংহাসন ।
 ধরি শ্রীচরণ তাঁর করিয়াছি অঙ্গীকার,
 থাকিতে জীবন,
 সিংহাসন আর নাহি ফিরিবে নগরে ।
 টুলিয়া । ভুল তুমি বুঝিয়াছ ক্রটাসেরে ।
 পিতা মোর যদি
 বিধিমতে করিতেন সাম্রাজ্য পালন,
 অস্ত্র নাহি ধরিত ক্রটাস্ বিরুদ্ধে তাহার ।
 যোগ্যতম জনে সিংহাসন দান কাম্য তাঁর ।

আমি জানি প্রাণপ্রিয় আমি তাঁর কাছে ।

যদি আমি বসি সিংহাসনে

হস্ত হতে অস্ত্র তাঁর আপনি খসিবে ।

স্নেহ অধিকারে ক্রটাস্ আমার ।

তুমি পুত্র তাঁর ।

তোমা হতে যোগ্যতর কে আছে নগরে ?

পার্শ্বে মোর যদি বসে টাইটাস্ সিংহাসনে

পিতা তব করিবে না প্রতিরোধ ।

যদি তিনি ঋষ্ট হন,

স্নেহ আলিঙ্গনে বাঁধিয়া ভুলাব তাঁরে ।

চল মোর সাথে ।

টাইটাস্ ।

ক্ষমা কর মোরে ।

ছাড়িয়া পিতারে যেতে নাহি পারি ।

দেবতার মত পিতা মোর,

স্নেহরসে ভরপুর ।

কিস্ত তবু কর্তব্যে কঠোর, নিশ্চয়, নির্দয় ।

ক্ষমা কভু করিবে না মোরে ।

টুলিয়া ।

যদি তাই হয়,

তবু বলি চল সাথে মোর ।

প্রাণ মন দিয়েছি তোমারে ।

আজ তুমি দাও প্রতিদান ।

টাইটাস্ ।

টুলিয়া !

টুলিয়া ।

টাইটাস্ ! টুলিয়া তোমার
ধর্ম্মাধর্ম্ম নাহি মানে,
নীতি নাহি মানে,
ধর্ম্ম নাহি মানে,
নাহি মানে লোকাচার ।
আমি শুধু জানি,
সর্ব্বপ্রাণ মন দিয়েছি তোমারে ।
প্রতিদানে তুমি করেছিলে অঙ্গীকার
চিরদিন রবে মোর সাথে ।
আজ সেই অঙ্গীকার পালন করিতে হবে ।
টাইটাস্ ! বনচর জন্তুও কখনো
নাহি করে পরিত্যাগ সঙ্গিনী তাহার ।
এত হীন তুমি ?
প্রকৃতির ধর্ম্ম তুমি করিবে লঙ্ঘন ?
গর্ব্ব কর রণক্ষেত্রে তুমি শ্রেষ্ঠ বীর ।
কিন্তু আজ আমি বুঝিলাম
জীবনের রণক্ষেত্রে তুমি কাপুরুষ ।

টাইটাস্ ।

টুলিয়া ! পরিত্যাগ যদি কর রোম সিংহাসন,
স্বর্গ কি নরকে নাহি হেন স্থান
যেখানে টাইটাস্ ডরিবে চলিতে টুলিয়ার সাথে ।
তুচ্ছ সব সিংহাসন ।
পার্শ্বে থাকি মোর

পদাঘাতে চূর্ণ তুমি করিও সকলে ।
 পরিত্যাগ কর সম্রাটেরে ।
 হ'য়ে রোম নাগরিক
 পার্শ্বে চল মোর ।
 টুলিয়া । ছি ছি টাইটাস্ !
 আমি চাহি তুলিতে তোমারে উচ্চাসনে ।
 প্রতিদানে তুমি
 চাহিছ নামাতে মোরে সকলের নীচে ।
 না, না টাইটাস্ !
 রোম সিংহাসনে আছে মোর অধিকার ।
 দেবতা দিয়েছে অধিকার ।
 সেই অধিকার রক্ষা করা ধর্ম্য মোর ।
 পিতৃ অধিকার রক্ষা করা শ্রেষ্ঠ ধর্ম্য ।
 বাগ্দত্তা রমণীরে করি পরিত্যাগ
 পিতৃধর্ম্য করিছে পালন টাইটাস্ ।
 তুচ্ছ এক নাগরিক ধর্ম্য যদি জানে,
 ধর্ম্য জানে প্রভু কণ্ঠা তার ।
 টুলিয়া গিয়াছ তুমি,
 নহে বহুদিন,
 তোমরা সকলে ছিলে ভৃত্য টুলিয়ার ।
 দূর হ'য়ে যাও তুমি অকৃতজ্ঞ নাগরিক ।
 টুলিয়াও পিতৃধর্ম্য করিবে পালন ।

টাইটাস্ ।

টুলিয়া ।

টুলিয়া !

তুর্বিবনীত নাগরিক !

সম্রাট্ কুমারী বলি কর সম্ভাষণ ।

জেনো তুমি,

অচিরে আসিব ফিরে ।

অস্ত্র ধরি নিজে

ধ্বংস আমি করিব নগর ।

যেই সিংহাসন আজি ঠেলিলে চরণে

শিরে ধরি বহন করিবে তারে ভৃত্যবেশে ।

দূর হ'য়ে যাও ।

তুমি দূর হ'য়ে যাও ।

টাইটাস্ ।

টুলিয়া ! ক্ষমা কর মোরে ।

কতশত রাজ্য প্রধান

প্রেম নিবেদন করিবে চরণে তব ।

করি আশীর্বাদ,

পার্শ্বে ল'য়ে যোগ্যজনে,

পৃথিবীর প্রান্ত হ'তে প্রান্ত তুমি কর অধিকার ।

দিগ্বিজয়ী মন মোর রছক্ চেতনাহীন ।

বক্ষে ল'য়ে বিরহ বেদনা

অস্ত্র ধরি রহিব দুয়ারে নগরের ।

ক্রটাসের পুত্র আমি ।

রক্ষা করা নগর দুয়ার-ধর্ম্য মোর ।

করি অঙ্গীকার,
 প্রাণ থাকে দেহে যতদিন
 এ নগরে প্রিয়া মোর কভু না পশিবে ।

টুলিয়া ।

চক্ষুহীন হয়েছ টাইটাস্ ?
 আশীর্বাদ করিলে আমারে
 পার্শ্বে আমি নিব অগুজন ?
 তুমি এত ধর্মহীন, নীতিহীন ?
 স্নৈরাচার শিক্ষা দিলে মোরে ?
 শুন মোর অঙ্গীকার তবে,
 আজ রাতে আক্রমণ করিব নগর ।
 অগণিত সৈন্যদল রবে সাথে মোর ।
 কিস্ত সর্বপ্রাণে তাহার
 আসিব আপনি অস্ত্রহাতে ।

টাইটাস ।

টুলিয়া ! একি অসম্ভব অঙ্গীকার !

টুলিয়া ।

অসম্ভব বল তারে ?
 টুলিয়া কি এত হীন ?
 সর্ব দেহ মন যাহারে করেছি অঙ্গীকার
 বিনাযুদ্ধে তাহারে করিব সমর্পণ ?
 ভুল তুমি বুঝেছ টাইটাস্ ।
 সম্রাজ্ঞীর মনোবৃত্তি বুঝে না বর্বর ।
 শুন তবে,
 অশ্রদ্ধলে টুলিয়া যাহারে পারেনি ধরিতে এতদিন,

- অস্ত্রাঘাত করিয়া তাহারে
জন্তসম শৃঙ্খলে বাঁধিবে ।
- টাইটাস্ । টুলিয়া ! যুদ্ধক্ষেত্রে রোমের সৈনিক ভীষণ নিষ্ঠুর ।
অস্ত্র যদি থাকে হাতে
অস্ত্রাঘাত করি তারে অবশ্য মারিবে ।
- টুলিয়া । মৃত্যুরে ডরি না আমি ।
করিলাম অঙ্গীকার,
যুদ্ধক্ষেত্রে টাইটাসেরে বাঁধিব শৃঙ্খলে,
অথবা সম্মুখ রণে অবশ্য মরিব ।
- টাইটাস্ । না, না ।
মৃত্যু চিন্তা টুলিয়ার সহ্য নাহি হয় ।
টুলিয়া ! অঙ্গীকার কর প্রত্যাহার ।
- টুলিয়া । করিব না প্রত্যাহার ।
আজ রাতে অঙ্গীকার করিব পালন ।
- টাইটাস্ । টুলিয়া ! অসহ্য এ মরম বেদনা ।
অঙ্গীকার কর প্রত্যাহার ।
- টুলিয়া । কভু নয় ।
ব্যর্থ তুমি করেছ জীবন মোর ।
আজ রাতে শৃঙ্খলে বাঁধিব,
অথবা মরিব নিজে অস্ত্রাঘাতে যুদ্ধক্ষেত্রে ।
- টাইটাস্ । অসহ্য এ মৃত্যুচিন্তা ।
রোমের দেবতা ! ক্ষমা কর মোরে ।

জুনিয়াস্ ক্রটাস্ ! ক্ষমা কর মোরে ।
চক্ষু মেলি নরকে পশিতে পারি ।
কিন্তু মৃত্যু চিন্তা টুলিয়ার সহ নাহি হয় ।
ক্ষমা কর রোম !

আমি টুলিয়ার ক্রীতদাস ।
টুলিয়া ! নিয়ে চল মোরে,
যথা তব অভিলাষ ।

টুলিয়া । তুমি যাবে সাথে মোর ?
টাইটাস্ । হাঁ, টুলিয়া ! অত্ন কোন পন্থা নাহি ।
হাতে ধরে নিয়ে চল মোরে ।

করিলাম অঙ্গীকার,
আজ হ'তে আমি তব ক্রীতদাস ।

টুলিয়া । নহ ক্রীতদাস ।
আজ হতে সিংহাসনে তুমি অধিকারী ।
আজ রজনীতে,

নিজ হাতে তব শিরে পরাব মুকুট ।

টাইটাস্ । নাহি কোন অভিলাষ মোর ।
জানি আমি, স্থান মোর টুলিয়ার পাশে ।

টুলিয়া ! শুন তবে ।
আজ দ্বিপ্রহরে
একাকী যাইব আমি নগর বাহিরে ।
সঙ্গে যদি চল তুমি

সন্দেহ করিবে কেহ ।

তুমি রবে নগর ভিতরে ।

দ্বিপ্রহর রজনীতে

মোর সৈন্যদল আক্রমণ করিবে তোরণ ।

যথাকালে,

অপেক্ষা করিবে তুমি নগর ছুয়ারে ।

সঙ্কোপনে যদি তুমি মুক্ত কর দ্বার

বিনা যুদ্ধে, বিনা রক্তপাতে,

রোম হবে আমার অধীন ।

টাইটাস্ ।

করিবে আমারে বিশ্বাসঘাতক ? টুলিয়া ! টুলিয়া !

টুলিয়া ।

টাইটাস্ ! মনে রাখো অঙ্গীকার ।

টাইটাস্ ।

হাঁ, হাঁ । মনে আছে অঙ্গীকার ।

আমি ক্রীতদাস ।

গ্যালগিনার প্রবেশ ।

গ্যালগিনা ।

রাজপুত্রি ! বৃথা কেন কর কালক্ষেপ ?

গুনেছ আদেশ ক্রটাসের ?

একদণ্ড বিলম্ব যদি বা হয়

মৃত্যুদণ্ড দিবে সকলেরে ।

হুঁ : ! এই শত্রুপুরী হ'তে

যত শীঘ্র যেতে পার ততই মঙ্গল ।

চলে এস ।

প্রস্থান ।

টুলিয়া ।

টাইটাস্ ।

টুলিয়া ।

টাইটাস্ ! মনে রেখো অঙ্গীকার

বলিয়াছি আমি তব ক্রীতদাস ।

ক'রোনা আক্ষেপ প্রিয়তম মোর ।

আজ রজনীতে করিব প্রমাণ

ক্রীতদাস নহ তুমি ।

করিব প্রমাণ,

রাজপুত্রী ক্রীতদাসী চরণে তোমার

প্রস্থান ।

টাইটাস্ ।

বিশ্বাসঘাতক আমি ।

দিবালোকে নাহি স্থান মোর ।

টাইটাস্ ! বীরদর্পে যার কাঁপে কত সিংহাসন,

আজ তার নাহি অধিকার দিবালোকে ।

তক্ষরের মত তুমি অন্ধকারে হও লুক্কায়িত ।

টাইটাস্ ! ক্রটাসের পুত্র তুমি ।

কিন্তু আজ রজনীতে,

দ্বিপ্রহরে,

আত্মারে তোমার করিবে বিক্রয় শয়তানের হাটে ।

বিশ্বাসঘাতক ! তুমি ক্রীতদাস শয়তানের ।

তৃতীয় দৃশ্য ।

স্থান—ক্রটাসের গৃহে হৃদয় ।

সময়—অপরাক্ষ ।

অবসন্নভাবে টাইটাস্ এবং প্রক্লুভাবে মেসালার প্রবেশ ।

মেসাল ।

টাইটাস্ ! অবসাদ কর দূর ।

সম্মুখে তোমার কৰ্ম্মক্ষেত্র করিছে আহ্বান ।

আহ্বান করিছে রোম ।

ইষ্টদেব নগরের করিছে ইজিত ।

দ্বিপ্রহর রজনীতে আজ হবে সূত্রপাত ।

অচিরেই সুপ্রভাত আসিবে নগরে,

ভাগ্যসূর্য্য টাইটাসের হইবে উদয় ।

জাগরিত হবে রোম ।

জননীয়ে করিয়া প্রণাম

ছুটিয়া চলিব মোরা দলে দলে,

বিজয় পতাকা নগরের

দূর হ'তে দূরাস্তরে আকাশে উড়িবে ।

টাইটাস্ ।

মেসাল ! মার্জ্জনীয় নহে মোর অপরাধ ।

বিশ্বাস ঘাতক আমি,

জন্মভূমি জননীয়ে করেছি বিক্রয় ।

মেসাল ।

কেন বৃথা কর অনুতাপ ?

নগরের কাছে তুমি নহ অপরাধী ।
 বিক্রমে তোমার নগরের হইবে বিস্তার ।
 বাহুবলে করিবে স্থাপন সাম্রাজ্য বিরাট ।
 রোম হবে তার রাজধানী ।
 ক্রটাস্ রেখেছে জননীরে সন্ন্যাসিনীবেশে ।
 কিন্তু আমি জানি,
 গৈরিক বসন নহে কাম্য নগরের ।
 প্রতি নাগরিক করে অভিলাষ
 অন্ন, বস্ত্র, ধন, মান, সহায়, সম্পদ ।
 সাম্রাজ্য হইলে বিস্তার
 অভিলাষ নগরের হইবে পূরণ ।
 দুহাত তুলিয়া নাগরিক সেইদিন
 টাইটাসেরে দিবে আশীর্ব্বাদ ।
 অবসাদ কর দূর ।
 অনুচরগণ মোর ঘরে ঘরে করিছে প্রচার,
 দিগ্বিজয় কল্পনা তোমার স্বার্থে নগরের ।
 দেখিবে অচিরে,
 রাজ্যলোভে প্রতি নাগরিক
 নিজহাতে চূর্ণ করি সম্মানমণ্ডল,
 টাইবরের জলে তারে করিবে নিক্ষেপ ।
 আর দেরী নাহি ।
 দ্বিপ্রহর রজনীতে থাকিও প্রস্তুত ।

আয়োজন সম্পূর্ণ আমার ।
 শ্রেষ্ঠ শ্রেষ্ঠ সৈন্যদল তব আজ্ঞাধীন ।
 সম্রাটের সেনাগণ অধিকার করিবে নগর ।
 কিন্তু নগরের সর্বশ্রেষ্ঠ কেন্দ্রগুলি
 করি অধিকার,
 মুষ্টিগত করিব আমরা সম্রাটেতে ।

টাইটাসকে ডাকিতে ডাকিতে ব্যস্তভাবে ক্রটাসের
 প্রবেশ । তাহার পশ্চাতে ভ্যালেরিয়াস্ এবং
 প্রোকিওলাসের প্রবেশ ।

ক্রটাস্ ।	টাইটাস্ ! টাইটাস্ !
টাইটাস্ ।	পিতা !
ক্রটাস্ ।	পুত্র ! রণক্ষেত্রে পুনঃ যেতে হবে ।

পেয়েছি সংবাদ,
 বড়যন্ত্র করেছে নগরে রাজদূত ।
 সবিশেষ নাহি জানি এখনও ।
 কিন্তু জানি,
 পুনর্ব্বার আক্রমণ করিবে নগর রাজসৈন্য ।
 পরাজিত রাজসৈন্য হীনবল হয়েছে নিশ্চয় ।
 তবু তারা কেন করে আক্রমণ ?
 অসম্ভব মনে হয় মোর,
 কিন্তু তবু রয়েছে সংশয়,

কোন হীন হুঁজুগ্য সন্তান নগরের
ষড়যন্ত্র করিয়াছে শত্রু সাথে ।

টাইটাস্ । অসম্ভব মনে হয় পিতা ।
হেন পুত্র কে আছে নগরে ?

ক্রটাস্ । যোগ্য কথা কহিয়াছ ।
এত হীন কে আছে নগরে
জন্মভূমি জননীয়ে করিবে বিক্রয় ?
কিন্তু যদি সত্য হয়,
দেশদ্রোহী সেই নাগরিক
মৃত্যুদণ্ড লভিবে নিশ্চয় ।

শুধু তাই নয়,
পুত্র, পরিবার, পিতামাতা তার
চিরতরে অভিশাপ বহন করিবে শিরে নগরের
পুত্র ! কেন তব মলিন বদন ?

টাইটাস্ । না, না, পিতা । কোন অবসাদ নাহি মনে ।

ক্রটাস্ । ওঃ বুঝিয়াছি ।
এখনো ভাবিছ মনে,
অপরাধ করেছে ক্রটাস্
মণ্ডলের অধিপতিপদ না দিয়ে তোমারে ।

মেসাল্লা । মহাশয় ! আমি জানি,
কষ্ট নহে বন্ধু মোর সেই হেতু ।
এতদিন ছিল গৃহে সত্ৰাটুকুমারী ।

আজ তারে দিয়েছে বিদায় ।
 তাই কিছু অবসাদ স্বাভাবিক মহাশয় '
 ক্রটাস্ । স্বাভাবিক !
 ভ্যালেরিয়াস্ ! ভুল কি করেছি আমি ?
 না, না, থাকিতে যে নাহি চায়
 তাহারে ক্রটাস্ কেমনে রাখিবে ?
 বন্দিনী তো ছিলনা সে নগরের ।
 স্নেহ ক্রোড়ে রেখেছিল ক্রটাস্ তাহারে ।
 সম্ভাষণে তার নাচিত হৃদয়,
 কলকণ্ঠে নিশিদিন মুখরিত হ'ত গৃহ মোর ।
 না, না, দুর্বলতা সাজেনা ক্রটাসে ।
 ওরে মন ! ভুলে কেন যাও ?
 দুহাত বাড়ায়ে যারে বক্ষে টেনেছিলে,
 কুরঙ্গিনী নহে সে বনের ।
 ধমনীতে তার বহে রক্ত শার্দুলের ।
 বাহুপাশ ছিন্ন করি তাই গিয়েছে চলিয়া ।
 কিন্তু আমি জানি,
 কত্না মোর অচিরে আসিবে পুনঃ নগর দ্বারে ।
 কিন্তু এইবার অশ্রুজলে নহে,
 এইবার আসিবে সে রণচণ্ডী বেশে,
 এইবার ডাকিবে আমারে ব্যাভ্রসম গর্জি ভয়ঙ্কর ।
 আরে অবোধ সন্তান !

পাষণ ও কোমল তুলনায় ক্রটাসের ।
 অশ্রুজলে যে হৃদয় সিক্ত নাহি হয়,
 দন্তাঘাতে তুমি তারে কেমনে ভিজাবে ?
 যোমের ক্রটাস্ বিধানের দণ্ডধারী যন্ত্র প্রাণহীন ।
 পুত্র ! একজনে দিয়ে প্রেম বঞ্চিত করিবে কারে ?
 প্রতি জনপদে ভাষাহীন জনতা দুর্বল
 কণ্ঠরোধে মরে ।

তারে দিতে হবে ভাষা ।
 পশ্চাতে পড়িয়া রয়েছে যে দীনহীন,
 তাহারে আনিতে হবে সকলের আগে ।
 তার হাতে অস্ত্র দিতে হবে ।
 তাহারে গুনাতে হবে,
 অমৃতের পুত্র সেও তুচ্ছ কারো নয় ।
 সেও প্রিয় মোর ।
 ভুলিয়া তাহারে ধরে আমি কেমনে রহিব ?
 বীরপুত্র তুমি ।
 তাহাদের সকলেরে দিতে হবে অধিকার ।
 মৃত্যু হতে করিয়া উদ্ধার
 বাঁচিবার আশা দিতে হবে ।
 ভাষা দিয়ে কণ্ঠে তার
 মুখর করিতে হবে নগর প্রান্তর ।
 পুত্র ! প্রতি জনপদে জননী আমার হাহাকার করে ।

যেই জননীর বিগলিত স্নেহধারা বক্ষ বাহি বহে,
 অনাহারে সেই জননীর
 স্তন্যধারা অশ্রুধারা হ'য়ে বহে অবিরাম ।
 কল্লনাতে পুনর্ব্বার
 ক্রটাসের শুষ্ক কণ্ঠ ডাকে জননীরে ।
 কোথায় জননী মোর ?
 নগরে নগরে, প্রান্তরে প্রান্তরে,
 তারা! আজি অন্নহীন, বস্ত্রহীন ।
 কোথায় জননী মোর ?
 জাগো, জাগো সবে ।
 পিপাসায় শুষ্ক কণ্ঠে মরিছে ক্রটাস্ ।
 দুহাতে কাড়িয়া ল'য়ে নিজ অধিকার
 স্তন্যধারা দাও ক্রটাসেরে ।
 পুত্র ! স্বার্থ যেথা এত প্রাণহীন,
 সেখানে কঠিন আঘাত করিতে হবে ।
 পাষাণে বাঁধিতে হবে বুক,
 ইন্দ্রিয় সকলে করিয়া নিরোধ
 একাকী চলিতে হবে রণাঙ্গনে,
 নিঃসঙ্গ, নির্দয়, নিৰ্ম্মম, কঠোর ।
 আজি তার এসেছে সময় ।
 স্বাধিকার প্রমত্ত সম্রাট
 পুনরায় আক্রমণ করিবে নগর ।

সন্তান মণ্ডল করেছে তোমারে নগরের শ্রেষ্ঠ
দৌবারিক ।

ধন্য আমি ।

ধন্য তুমি বীর পুত্র মোর ।

যথাযথ কর আয়োজন ।

আজ হ'তে রক্ষা তুমি করিবে তোরণ নিজ
ইচ্ছা মতে ।

টাইটাস্ । না, না, পিতা ।

অনুরোধ রাখ মোর ।

এই গুরুভার দাও অগ্ৰজনে ।

ক্রটাস্ । একি অসম্ভব কথা কহিছ টাইটাস্ ?

নগরের সর্বশ্রেষ্ঠ সামরিক পদ

দিয়েছে তোমারে রোম ।

রক্ষাভার দিয়া তোরণের

জীবন মরণ তব হাতে করেছে অর্পণ ।

তবুও কি অভিমান হয়নি ভঞ্জন ?

টাইটাস্ । পিতা ! ক্ষমা কর মোরে ।

আমা হ'তে যোগ্যতর জনে দাও

রক্ষাভার তোরণের

ক্রটাস্ । টাইটাস্ ! অসম্ভব মনে হয় মোর ।

ভয় কি পেয়েছে মনে পুত্র ক্রটাসের ?

টাইটাস্ । পিতা ! পুত্র তব ভয় নাহি জানে ।

অহুমতি যদি দাও,
 একাকী যাইব রণে রাজসৈন্য সাথে ।
 কিন্তু নগর তোরণ দাও অন্য জনে ।
 মেসালা । একি চঞ্চলতা টাইটাস্ !
 সর্বশ্রেষ্ঠ সামরিক পদ দিয়েছে নগর ।
 গর্বিত সকলে মোরা ।
 তুমি ভাগ্যবান্ ।
 অদৃষ্টের যাহা দান,
 অবহেলা ক'রোনা তাহারে ।
 ক্রটাস্ । মেসালা ! বন্ধুরে তোমার দাও উপদেশ ।
 নিয়ে যাও তারে নগর তোরণে ।
 ভ্যালেরিয়াস্ ! আজ্ঞা পত্র দাও টাইটাসেরে ।
 ভ্যালেরিয়াস্ আজ্ঞাপত্র দিতে হাত বাড়াইল । টাইটাস্ গ্রহণ
 করিল না । কিন্তু মেসালা আগ্রহের সহিত গ্রহণ করিল ।
 মেসালা । মহাশয় ! আজ্ঞা তব করিব পালন ।
 রক্ষাভার তোরণের যোগ্যতম জনে দিয়েছে
 নগর ।
 টাইটাস্ ! চল মোরা করি আয়োজন ।
 জোর করিয়া টাইটাস্কে লইয়া গ্রহান ।
 ক্রটাস্ । ভ্যালেরিয়াস্ ! শিশু পুত্র মোর ।
 এখনও অভিমান রয়েছে অন্তরে ।
 ক্ষমা কর তারে ।

ব্যস্তভাবে জনৈক সৈন্তাধ্যক্ষের প্রবেশ ।

সৈন্তাধ্যক্ষ । অধিপতি ক্রটাস্ !
পেরেছি জানিতে
ষড়যন্ত্র মিথ্যা নহে ।
রাজদূত যদি পারে দিতে সম্রাটেরে
সকল সংবাদ নগরের,
মোর মনে হয়,
বিপদ কঠিন হবে ।

ক্রটাস্ । সত্য কহিয়াছ ।
প্রোকিওলাস্ ! বিশ্বাস ঘাতক রাজদূত
এখনও নহে বহুদূরে ।
অবিলম্বে পাঠাও পশ্চাতে
অশ্বারোহী সহস্র সৈনিক ।
যে উপায়ে হোক,
জীবিত কি মৃত তারে আনিবে নগরে ।

প্রোকিওলাস্ । সম্রাট্ কুমারী ?

ক্রটাস্ । হাঁ, তাহারেও আনিবে নগরে বন্দীরূপে ।
ষড়যন্ত্র যদি সত্য হয়,
আপনার হৃদয়েরে দয়া নাহি করিবে ক্রটাস্ ।

অন্ধরে গ্রহন ।

প্রোকিওলাস্ । সৈন্তগণ টুলিয়ারে আনিবে কি বন্দীরূপে ?

ভ্যালেরিয়াস্ । অবশ্য আনিবে ।

ভুলিওনা,

রোমের ক্রটাস্ অদ্বিতীয় ।

সকলের প্রস্থান । ষ্টেজ আস্তে আস্তে অন্ধকার হইয়া গেল । ভৃত্যগণ

তেলবাতি জ্বালাইয়া এবং ধূপদানীতে ধূনা দিয়া প্রস্থান করিল ।

জর্নৈক দেহরক্ষী ঘুরিয়া ফিরিয়া দেখিয়া গেল । দূরে ঘণ্টায়

বারোটা বাজিবার শব্দ হইল । প্রায় ক্ষিপ্তভাবে পিনারো

নামে জর্নৈক নিগ্রো ক্রীতদাসের প্রবেশ । প্রবেশ

করিয়াই সে চীৎকার করিয়া ক্রটাস্কে

ডাকিতে লাগিল । সঙ্গে সঙ্গে

দেহরক্ষীর প্রবেশ ।

পিনারো ।

প্রভু ক্রটাস্ ! প্রভু ক্রটাস্ !

নিদ্রালস নয়নে ক্রটাসের প্রবেশ ।

ক্রটাস্ ।

কেরে ডাকে নিশি দ্বিপ্রহরে ?

পিনারো ।

প্রভু ! আমি পিনারো, ক্রীতদাস নগরের ।

ক্রটাস্ ।

ক্রীতদাস !

হাঁ, হাঁ, আমি জানি,

এখনো নগরে আছে ক্রীতদাস ।

বল হুঁরা করি কিবা তব অভিযোগ ।

করেছে কি অত্যাচার কোন নাগরিক ?

পিনারো ।

প্রভু ! নগরের সমূহ বিপদ ।

শুনিলাম কাণে, আজ রাতে,
 নগরের রক্ষাকারী সৈন্যদল
 বিনাযুদ্ধে সমর্পণ করিবে তোরণ ।
 ক্রটাস্ । ক্রীতদাস ! মিথ্যা কথ্যা কহিতেছ তুমি ।
 নগর তোরণ রক্ষা করে
 পুত্র মোর টাইটাস্ ।
 পিনারো । প্রভু ! ক্ষমা কর মোরে ।
 আমি জ্ঞানহীন ।
 নিজ কাণে শুনিয়াছি যাহা
 করিয়াছি নিবেদন ।
 চক্ষু দিয়ে দেখি নাই কাহারেও ।
 কাণে শুনি আসিয়াছি তোমার নিকটে ।
 পশ্চাতে আসিয়াছিল সৈন্যগণ,
 কোনরূপে প্রাণে বাঁচিয়াছি ।
 যাহা খুশি শাস্তি দাও মোরে ।
 ক্রটাস্ । শাস্তি !
 অসম্ভব মনে হয়, ক্রীতদাস ।
 কিন্তু যদি সত্য হয়,
 প্রাণ দিয়ে রক্ষা তুমি করেছ নগর ।
 ক্রীতদাস্ ! যদি সত্য হয়,
 শাস্তি নাহি দিয়ে
 প্রণাম করিবে তবে ক্রটাস্ তোমারে ।

কহ সত্য করি,
 শুনেছ কি কখন করিবে আক্রমণ রাজসৈন্য ?
 পিনারো । নিশি দ্বিপ্রহরে ।
 ক্রটাস্ । দ্বিপ্রহরে !
 দ্বিপ্রহর হয়েছে যে গত ।
 দেহরক্ষী ! ভ্যালেরিয়াস্ ও প্রোকিওলাসে
 ডাক করা করি ।
 দেহরক্ষী । যথা আজ্ঞা অধিপতি ।

প্রস্থান ।

ক্রটাস্ । সত্য কহ ।
 পিনারো ! পুত্র মোর আছে কি সেখানে ?
 পিনারো । কাহারেও চোখে আমি দেখি নাই প্রভু ।
 ক্রটাস্ । শুনেছ কি কোলাহল তোরণ বাহিরে ?
 পিনারো । মনে হয় এখনও রাজসৈন্য আছে বহুদূরে ।
 ক্রটাস্ । এখনও দূরে আছে ।
 এখনও আশা আছে জীবনের ।
 জন্মভূমি রোম ! এখনও আশা আছে ।

বাহিরে জনতার মুখে সম্রাট্ টার্কুইনের জয়ধ্বনি ।

একি ? কার জয়ধ্বনি করে নাগরিক ?

পুনরায় জয়ধ্বনি ।

টার্কুইন ? নাগরিক করে জয়ধ্বনি সম্রাটের ?

ভ্যালেরিয়াস্ ও প্রোকিওলাসের দ্রুত প্রবেশ ।

প্রোকিওলাস্ ! বিলম্ব সহেনা আর ।
বিশ্বাসঘাতক এক সৈন্যদল
বিনাযুদ্ধে সমর্পণ কবিলে তোরণ সত্ৰাটেরে ।
এই ক্রীতদাস না করি ক্রক্ষেপ জীবন মরণ
এনেছে সংবাদ ।

পুনরায় জয়ধ্বনি ।

প্রমাণ তাহার শোন অই ।
কল্পনাও মানে পরাজয়,
রোম রাজপথে জয়ধ্বনি সত্ৰাটের !
অবিলম্বে শ্রেষ্ঠ শ্রেষ্ঠ সৈন্য ল'য়ে
যাও তুমি নগর তোরণে ।
যেখানে যাহারা আছে,
না করি বিচার,
বন্দী-কর সকলেরে ।

প্রোকিওলাস্ । যথা আজ্ঞা তব ।

প্রস্থান

ক্রটাস্ । ভ্যালেরিয়াস্ ! একি স্বপ্ন ?
আপনার হৃদয়েরে করি নিশ্চেষণ
অমৃত ধরেছি মুখে নগরের ।
একি তার প্রতিদান ?
রাজপথে জয়ধ্বনি করে নাগরিক সত্ৰাটের !

রোম নাগরিক এত হীন ?

নিজ হাতে পরিছে চরণে দাসত্ব শৃঙ্খল পুনর্ব্বার !

অবিশ্বাস্য মনে হয় মোর ।

ভ্যালেরিয়াস্ । ক্রটাস্ । ভুলিয়া গিয়াছ তুমি,

এ নগরে সকলে ক্রটাস্ নহে ।

ব্যক্তিগত স্বাধীনতা নাহি চাহে রোম ।

ব্যক্তিগত স্বার্থ ধর্ম্ম তার ।

নাগরিক চাহে রাজ্য ।

চাহে সে লুণ্ঠন ।

ধনরত্ন অপরের কাড়িয়া আনিতে চাহে ।

পৃথিবীতে করি ক্রীতদাস

সমৃদ্ধ করিতে চাহে গৃহ আপনার ।

দাসত্ব শৃঙ্খল কাম্য তার,

যদি প্রভু তার স্বাসরোধ করি পৃথিবীর

তাহারে আনিয়া দেয় প্রচুর সম্পদ ।

প্রভু যদি করে পদাঘাত,

করি শতশূল তারে,

নাগরিক পদাঘাত করিবে তাহারে,

যে আছে দুর্ব্বল ।

দাসত্বের ধর্ম্ম এই ।

সুতরাং এ নগর চাহে না তোমারে ।

সিংহাসন করি অধিকার

অনুমতি যদি দাও নগরে
 করিতে লুণ্ঠন টাঙ্কানীর রাজকোষ,
 অনুমতি যদি কর উৎপীড়ন দুর্ব্বলের,
 অথবা ধর্ষণ শত্রু রমনীর,
 দেখিবে অচিরে,
 জয়ধ্বনি করে রোম ক্রটাসের ।
 জনতার ধর্ম্ম এই ।
 এই ক্রীতদাস প্রমাণ তাহার ।
 যে নগরে ক্রটাস্ পালক
 সেখানেও নাগরিক রাখে ক্রীতদাস ।

(পিনারো ক্রটাসের পা জড়াইয়া ধরিল ।)

ক্রটাস্ । পিনারো ! ওঠো প্রিয় বন্ধু মোর ।
 আজ হ'তে নহ তুমি ক্রীতদাস ।
 বলিও সবারে ভ্রাতা তব জুনিয়াস্ ক্রটাস্ ।
 আজ হ'তে সমকক্ষ তুমি সকলের ।
 সমকক্ষ তুমি ক্রটাসেব ।

পিনারো । না, না, প্রভু ।

ক্রটাস্ । আজ হ'তে কেহ প্রভু নয় পিনারোর ।
 বলিও সবারে ক্রটাসের ভ্রাতা তুমি ।
 করি উচ্চ শির রাজপথে চলিও গৌরবে ।
 যদি কেহ করে অপমান

নিজ হাতে ক্রটাস্ করিবে তার শাস্তির বিধান ।
ওঠো ভ্রাতা মোর । তুমি বীর ।

(পিনারো দাঁড়াইল ।)

ক্রটাসের লহ নমস্কার ।

(ক্রটাস্ তাহাকে সম্মানে অভিবাদন করিল । কম্পিত হস্তে
পিনারো তাহাকে স্বাধীন নাগরিক ভাবে অভিবাদন করিল ।)

পিনারো । (বাপ্যরুদ্ধ কণ্ঠে)

শুন রোম ! ক্রটাসের ভ্রাতা আমি ।

নহি ক্রীতদাস ।

ক্রটাস্ দেবতা ।

আমি নহি হীন ।

আমি ভ্রাতা ক্রটাসের ।

প্রস্থান ।

ক্রটাস্ ।

ভ্যালেরিয়াস্ ! একি হীন ?

অশিক্ষিত এই ক্রীতদাস

শুধু অবিচার পেয়েছে নগরে ।

প্রাপণ করি পরিশ্রম

সেবা করিয়াছে নগরের ।

বিনিময়ে তার লভিয়াছে ব্যবহার পশুর সমান ।

শুধু মাত্র দুই মুঠো অন্ন দিতে তারে

কুণ্ঠিত সকলে ।

কিস্ত দেখে ধর্মবুদ্ধি তার ।
 ছিল প্রাণ ভয়,
 তবুও বিশ্বাসঘাতকতা করে নাই এই ক্রীতদাস ।
 বল কোন্ অধিকারে
 পদতলে রাখিবে তাহারে রোম নাগরিক,
 স্বার্থ অন্বেষণ শ্রেষ্ঠ বৃত্তি যার,
 স্বার্থে আপনার
 নগরের স্বাধীনতা করিছে বিক্রয় যেই নরাদম ?

বাহিরে সম্রাটের জয়ধ্বনি ।

অই শুন জয়ধ্বনি দানবের ।
 করি আত্মদান দেবতারে এনেছি নগরে ।
 পদাঘাতে চূর্ণ তারে করিছে সকলে ।

ভ্যালেরিয়াস্ । ক্রটাস্ ! এখনো সময় আছে ।

কর অনুমতি ।

বন্দী করি দলপতিগণে নগরের
 মৃত্যুদণ্ড দেই সকলেরে ।

ক্রটাস্ । না, না, ভ্যালেরিয়াস্ ।

গণতন্ত্রে ধর্ম তাহা নয় ।

রোমের বিধান মতে করিব বিচার ।

চল রাজপথে ।

বুঝাব সকলে পুনর্ব্বার,

দেবতার ধর্ম্মে গড়া রোমের বিধান,

দানবের ধর্মে নহে ।

চল রাজপথে ।

উভয়ের প্রস্থান । একজন ভৃত্য ধূপদানীতে ধূনা দিয়া গেল ।

একজন দেহরক্ষী পুনরায় ঘুরিয়া দেখিয়া গেল । দূরে ষষ্ঠায়

একটা বাজিবার শব্দ হইল । একটু পরেই দাঁত চাপিয়া

কষ্টে আত্মসংবরণ করিয়া প্রোকিওলাসের

প্রবেশ । তাহার হাতে

একটি তালিকা ।

প্রোকিওলাস্ । ক্রটাস্ ! ভ্যালেরিয়াস্ !

ক্রটাস্ এবং ভ্যালেরিয়াসের পুনঃ প্রবেশ ।

ক্রটাস্ । প্রোকিওলাস্ ! কহ ত্বরা করি ।

নিরাপদ করেছ তোরণ ?

প্রোকিওলাস্ । ক্রটাস্ ! নিরাপদ নগর তোরণ ।

ক্রটাস্ । ষড়যন্ত্রকারীগণে বন্দী তুমি করেছ নিশ্চয় ?

প্রোকিওলাস্ । হাঁ ক্রটাস্ ! শৃঙ্খলিত করেছি সকলে ।

ক্রটাস্ । ধন্য তুমি । আনিয়াছ আনন্দ সংবাদ ।

তবে কেন বিষণ্ণ বদন ?

প্রোকিওলাস্ । ক্রটাস্ ! এনেছি সংবাদ অতি ভয়ঙ্কর ।

ক্রটাস্ । বুঝিয়াছি । ষড়যন্ত্রে লিপ্ত আছে

কোন কোন শ্রেষ্ঠ নাগরিক ।

কেন কর ফোভ ?

দেশ ভক্ত তুমি,
 তাই দেশদ্রোহী নাগরিক দেখি
 আঘাত পেয়েছ মনে ।
 দেশদ্রোহী যেই নরাধম,
 অনুকম্পা ক'রো না তাহারে ।
 স্বার্থলোভে যেইজন চেয়েছিল করিতে বিক্রয়
 নগরের স্বাধীনতা,
 পুত্র কলত্রকে যারা করিতে চাহিয়াছিল ক্রীতদাস,
 নরকেও স্থান নাহি তাহাদের,
 নগরেও নাহি,
 না, না, এই পৃথিবীতে স্থান নাহি তাহাদের ।

প্রোকিওলাস্, ক্রটাস্ !

ক্রটাস্ । কহ ত্বরা করি,
 কে বা কাহারো ছিল দলপতি তাহাদের ?

প্রোকিওলাস্ । মেসোলা ছিল দলপতি ।

ক্রটাস্ ! মেসোলা ! টাইটাসের বন্ধু !

পুত্র মম এত বুদ্ধিহীন ?

অন্ধ হ'য়ে ছিল কি টাইটাস্ ?

জানি আমি, পুত্র মোর

প্রাণ দিয়ে করিত বিশ্বাস বন্ধুরে তাহার ।

ভ্যালেরিয়াস্ ! মানুষ হইতে পারে এত হীন,

প্রাণ সম ভালবাসে যেই জন

তাহারে তুলিয়া দেয় শত্রুহাতে ষড়যন্ত্র করি ?
 শিশুপুত্র মোর এখনো বুঝেনা
 ছুষ্ট কিংবা সাধু কোন্ জন ।
 এইবার বুঝিবে সে,
 তোমরাও বুঝিবে নিশ্চয়,
 রণক্ষেত্রে কস্মিক্ষেত্রে তার,
 অধিপতি পদে যোগ্য নহে ছদ্মপোষ্য শিশু ।

প্রোকিওলাস্
 ক্রটাস্ ।

ক্রটাস্ !
 নিয়ে এস মেসালারে ।
 মৃত্যুদণ্ড দিব তারে নিজমুখে ।

প্রোকিওলাস্
 ক্রটাস্ ।

আত্মহত্যা করেছে মেসাল ।
 আত্মহত্যা করেছে সে !
 বাধা তুমি দিলেনা তাহারে ?

প্রোকিওলাস্

দিয়েছিল বাধা সৈন্যগণ ।
 করি বলাৎকার
 চেয়েছিল জানিতে তাহারা কেবা তার সহচর ।
 কিন্তু নিমেষের অবসরে
 আত্মহত্যা করেছে সে ।

ক্রটাস্ ।

পার নি কি জানিতে তাহ'লে
 কেবা ছিল সহচর তার ?

প্রোকিওলাস্ ।

পারিয়াছি ।
 অশ্রু এক ষড়যন্ত্রী দিয়েছে তালিকা মোরে ।

ক্রটাস্ । কোথায় তালিকা ?

প্রোকিওলাস্ । ক্রটাস্ ।

ক্রটাস্ । দাও মোরে তালিকা তোমার ।

প্রোকিওলাস্ ! বিপন্ন নগর ।

দুর্বলতা অপরাধ এসময়ে ।

প্রোকিওলাস্ কম্পিতহস্তে তালিকা দিতে উত্তত ।

ভ্যালেরিয়াস্ । প্রোকিওলাস্ ! ক্ষান্ত হও ।

তালিকা তোমার অগ্রে দাও মোরে ।

কম্পিতকলেবর প্রোকিওলাসের হাত হইতে তালিকা লইল

একি ভয়ঙ্কর সমাচার !

ক্রটাস্ । ভ্যালেরিয়াস্ ! বিপন্ন নগর ।

বিলম্ব সহে না আর ।

তালিকা দেখাও মোরে ।

ভ্যালেরিয়াস্ । ক্রটাস্ ! তালিকাতে সত্য আছে ভয়ঙ্কর ।

ক্রটাস্ । হোক্ যত ভয়ঙ্কর ।

তালিকা দেখাও মোরে ।

ভুলিও না, আমি ক্রটাস্ ।

নাহি জানি ভয় ।

কৃতান্তকে নাহি ভরি ।

তালিকা দেখাও মোরে ।

ভ্যালেরিয়াস্ । ক্রটাস্ ! জানি আমি, জানে রোম,

তুলনা তোমার নাহি এ জগতে !

বন্ধুবর ! মনে রেখো,
 রোমের ক্রটাস্ নহে সামান্য মানব ।
 ক্রটাস্ । একি কহ বাক্য অর্থহীন ।
 কেন মোরে রাখিছ সংশয়ে ?
 ভ্যালেরিয়াস্ । তালিকাতে সত্য আছে ভয়ঙ্কর ।
 নিজ চোখে দেখে তারে ।

ভ্যালেরিয়াস্ ক্রটাস্কে তালিকা দিল । তালিকা পড়িয়াই ক্রটাসের
 চক্ষু বিস্ফারিত হইল । ক্রটাস্ কাঁপিতে লাগিল ।
 ভ্যালেরিয়াস্ ক্ষিপ্তবেগে গ্রন্থান করিল ।

ক্রটাস্ । এ কি ?
 অবিশ্বাস করিছে চক্ষু মোর ।
 সত্য কহ প্রোকিওলাস্,
 নিজিত কি জাগারত রয়েছে ক্রটাস্ ।
 এ কি সত্য হয় ?
 ক্রটাসের পুত্র হবে বিশ্বাসঘাতক ।
 বড়যন্ত্রে লিপ্ত ছিল টাইবেরিয়াস্ ?
 আঃ রে নিষ্ঠুর দেবতা !
 দেশদ্রোহী পুত্র দিলে ক্রটাসের ক্রোড়ে ?
 টাইটাস্ ! টাইটাস্ ! কোথা তুমি ?
 চক্ষু মেলি দেখে যাও,
 বক্ষ রক্ত দিয়ে যারে করিলে উদ্ধার

ভ্রাতা তব সেই জন্মভূমি
করিছে বিক্রয় দানবের কাছে ।

আঃ রে কুসন্তান !

জীবনের প্রথম দিবসে তোর মৃত্যু ছিল ভাল ।

প্রোকিওলাস্ ! কোথা সেই কুলাঙ্গার ?

বাঁধিয়া শৃঙ্খলে নিয়ে এস তারে ।

আপনি ক্রটাস্ করিবে বিচার তার ।

প্রোকিওলাস্ । পুত্র তব করেছিল বাধাদান সৈন্তগণে ।

ক্রটাস্ । সন্দেহের নাহি তবে অবকাশ ।

আনো তারে । মৃত্যুদণ্ড দিই নিজমুখে ।

প্রোকিওলাস্ । ক্রটাস্ ! যুদ্ধ করি মরেছে সে ।

ক্রটাস্ । মরেছে সে !

পুত্র মৃত মোর !

আঃ রে অবোধ হৃদয় !

দ্রুত আলোড়ন তোর নিষেধ করিছে ক্রটাস্ ।

দেশদ্রোহী পুত্র তরে কাঁদে যদি মন,

নিজ হাতে ছিঁড়িয়া ফেলিব তোরে ।

প্রোকিওলাস্ ! নিয়ে যাও তালিকা তোমার ।

দেশদ্রোহী পুত্র যার

বিচারক পদে তার নাহি কোন অধিকার ।

অস্পৃশ্য ক্রটাস্ ।

চিরতরে গর্ব মোর হয়েছে মলিন ।

করিলাম পদত্যাগ ।

যথা ইচ্ছা করিও বিচার তোমরা সকলে ।

প্রিয় বন্ধু মোর, কোথায় টাইটাস্ ?

বলিও তাহারে,

বৃদ্ধ পিতা তার আছে প্রতীক্ষায় ।

প্রোকিওলাস্ ! ক্রটাস্ ! তালিকাতে সত্য আছে আরো ভয়ঙ্কর ।

ক্রটাস্ ! আরো ভয়ঙ্কর !

প্রোকিওলাস্ ! তালিকার নিম্নে দেখ নাম ।

ক্রটাস্ ! আরো নাম !

এ কি ?

টাইটাস্ ! টাইটাস্ !

টাইটাস্ দেশদ্রোহী !

দেবতার মত বীরপুত্র মোর সহচর দানবের !

প্রোকিওলাস ! বল মোরে সত্য নহে অভিযোগ ।

কোন শত্রু মোর মিথ্যা অপবাদ দিয়েছে নিশ্চয় ।

প্রোকিওলাস্ ! বল মোরে মিথ্যা এই তালিকা
তোমার ।

প্রোকিওলাস্ ! ক্রটাস্ ! পুত্রতব অপরাধ করেছে স্বীকার ।

ক্রটাস্ ! আঃ রে বিধাতা !

একি প্রবঞ্চনা !

একি তব নির্ভুর বিধান !

ক্ৰটাস্ পড়িয়া যাইবার উপক্রম করিতেই প্রোকিওলাস্
তাহাকে ধরিল। ক্ৰটাস্ প্রকৃতিস্থ হইল।

ক্ৰটাস্ ।

আঃ রে নিষ্ঠুর ভগবান !

পরিহাস কর তুমি ক্ৰটাসেরে ?

তোমার বিধান করিবারে দান পৃথিবীতে

ক্ৰটাসেরে পাঠালে ধরায় ।

হৃদয়েরে করি নিষ্পেষণ

বিধান তোমার প্রতিষ্ঠা করিল যেই জন

কালিমা মাখিয়া দিলে কপালে তাহার ।

কলঙ্কের রেখা আছে চন্দ্রসূর্য্যে জানি,

কিন্তু দেহরঞ্জে ক্ৰটাসের কলঙ্ক যে সহ্য নাহি হয় ।

আঃ রে নির্মম দেবতা !

আশ্রিতকে করিয়া আঘাত

ধর্ম্মভ্রষ্ট হয়েছ আপনি ।

কিন্তু তুমি দেখে যাও,

ক্ৰটাস্ এখনো দাঁড়ায়ে আছে করি উচ্চশির !

বিধানের দণ্ডধারী রোমের ক্ৰটাস্

এখনও নহে ধর্ম্মহীন ।

আমি নহি দেহহীন,

আছে শোক, আছে ছঃখ, আছে জ্বালা বিষময় ।

তবু তুমি দেখে যাও,

প্রিয়পুত্রে মৃত্যুদণ্ড করিয়া আদেশ,

নিজহাতে হৃদয় কাটিয়া তারে
বিধানের বেদীমূলে করি নিবেদন ।
প্রাণপ্রিয় পুত্র মোর ।
তাহারে করিব বলিদান,
ক্রটাসের উচ্চশির তবু না হইবে নত ।
প্রোকিওলাস্ ! আনো পুত্রে মোর ।

প্রোকিওলাস্ । ক্রটাস্ ! সত্য বটে অপরাধ করেছে স্বীকার ।
কিন্তু বিধিমতে এখনও হয়নি প্রমাণ
অপরাধ টাইটাসের ।

ক্রটাস্ । কে বলে হয়নি প্রমাণ ?
হৃদয় বলিছে মোরে, নাহি পুত্র, নাহি কন্যা মোর ।
রোমের ক্রটাস্ একাকী চলেছে পথে সঙ্গহীন,
বন্ধুহীন ।

নিযে এস তারে ।

জৈনৈক সেনাধ্যক্ষের প্রবেশ ।

সেনাধ্যক্ষ । অধিপতি ক্রটাস্ ! বন্দী করি এনেছি নগরে
রাজদূত ।

ক্রটাস্ । এনেছ তাহারে ? টুলিয়া কোথায় ?

সেনাধ্যক্ষ । ক্রটাস্ ! সংবাদ এনেছি আমি অতি ভয়ঙ্কর ।

ক্রটাস্ । আরো ভয়ঙ্কর ?

ক্রটাসের পুত্র হয় বিশ্বাসঘাতক ।

ইহা হ'তে ভয়ঙ্কর সমাচার আছে কি ধরায় ?

কহ মোরে,
 দেবতা কি হয়েছে দানব ?
 চন্দ্রসূর্য্য হয়েছে কি লুপ্ত পৃথিবীতে ?
 ক্রটাস্ কি ভুলেছে বিধান নগরের ?
 কিংবা সত্যভ্রষ্ট হয়েছে দেবতা ?
 কহ বন্ধু মোর,
 আরো ভয়ঙ্কর কি আছে সংবাদ ?
 কহ বন্ধু ।

পাষণে বেঁধেছি বুক ।
 অনুকম্পা ক'রোনা আমারে ।
 সেনাধ্যক্ষ । আসিয়া নগরে টুলিয়া শুনিল কাণে
 ষড়যন্ত্র হয়েছে প্রকাশ ।
 শুনিল যখন শৃঙ্খালত হয়েছে টাইটাস্,
 নাম ধরি তার করিয়া চাঁৎকার
 তখনি মরিল সত্রাট্‌কুমারী ।

ক্রটাস্ । ওঃ হো ! হো ! হো !
 কুঁড়িতে শুকায়ে গেল সোণার কমল ।
 প্রোঁকিওলাস্ ! সন্দেহের আর নাহি অবকাশ ।
 টুলিয়ার সাথে ষড়যন্ত্র করেছিল পুত্র মোর ।
 টাইটাস্ অপরাধী, বিশ্বাসঘাতক ।
 তবু তার অপরাধ নাহি চাহে মানিতে হৃদয় ।
 প্রোঁকিওলাস্ ! অযোগ্য ক্রটাস্ বিচারক পদে

নিয়ে যাও তারে সন্তান মণ্ডলে ।
 বিধিমতে শাস্তি দান করি তারে
 ধর্ম রক্ষা কর নগরের ।
 দেশদ্রোহী ছুই পুত্র যার
 রক্ত তার অপবিত্র ।
 মৃত্যুদণ্ড দিয়ে পুত্রে মোর
 রোম হতে নিশ্চিহ্ন করিয়া দাও ক্রটাসের নাম ।
 ত্রস্তপদে ভ্যালেরিয়াসের প্রবেশ ।

ভ্যালেরিয়াস্ । ক্রটাস্ ! সন্তানমণ্ডল করেছে নির্দেশ,
 পিতা তুমি নগরের,
 বিচারক পদে
 তোমা হ'তে যোগ্যতর জন নাহি ধরণীতে ।
 অহুরোধ তাহাদের,
 যথা ইচ্ছা করিও বিচার টাইটাসের ।
 শিক্ষাগুরু তুমি সকলের ।
 করিয়া প্রণাম, নিবেদন করিয়াছে সন্তানমণ্ডল,
 পুত্র তব মহাবীর,
 ক্ষমা তুমি করিলে তাহারে
 হৃষ্টচিত্তে সকলেই মানিবে বিচার ।
 ক্রটাস্ ! অহুরোধ রাখ মোর,
 ক্ষমা কর টাইটাসেরে ।

ক্রটাস্ ।

ভ্যালেরিয়াস্ ! ধন্যবাদ দিও তুমি সন্তানমণ্ডলে ।

কিন্তু তুমি বলিও সবারে,
 দয়া ভিক্ষা করে না ক্রটাস্,
 সেবা করি জননীর নাহি চাহে পুরস্কার ।
 শুধু আছে এক নিবেদন ।
 বিধিমতে করুক বিচার সন্তানমণ্ডল ।
 যেই অপরাধে শাস্তি মৃত্যুদণ্ড
 পিতা হ'য়ে, বিচার তাহার কেমনে করিব ?
 প্রাণপ্রিয় পুত্র মোর ।
 হেন সন্তানের মৃত্যু আশঙ্কায়
 কাঁপছে হৃদয় ।
 বল বন্ধু মোর, আমি তারে কেমনে বুঝাব ?
 ভ্যালেরিয়াস্ । ক্রটাস্ ! তুলনা তোমার নাহি ধরনীতে ।
 নগরের পিতা তুমি ।
 বিচারকপদে যোগ্যতর কেহ নাই ।
 ক্রটাস্ । পিতা তুমি নগরের ।
 বেশ ! তবে তাই হবে ।
 বলিও মণ্ডলে,
 আদেশ তাহার করিব পালন ।
 অপরাধী প্রিয় পুত্র মোর ।
 তবু তার করিব বিচার নগরের বিধিমতে ।
 প্রোকিওলাস্ ! নিয়ে এস তারে ।

(সেনাধ্যক্ষ ও প্রোকিওলাসের প্রস্থান ।)

ভ্যালেরিয়াস্। ক্রটাস্! একমাত্র পুত্র তব।

চরণে তোমার কৃতজ্ঞ নগর।

মৃত্যুদণ্ড দিওনা তাহারে,

কর নির্বাসিত।

ক্রটাস্। অপরাধী আরো আছে রোমের সম্মান।

ক্ষমা কি করেছে তাহাদের সম্মানমণ্ডল?

ভ্যালেরিয়াস্। অযোগ্য তাহারা। দণ্ডদেশ হয়েছে তাদের।

ক্রটাস্! তবে কেন কর ক্ষমা পুত্রে মোর?

ভ্যালেরিয়াস্। ক্রটাস্!

ক্রটাস্। কহ সত্য করি।

মৃত্যুদণ্ড দিয়েছে কি সকলের?

(ভ্যালেরিয়াস্ নিরুত্তর।)

ভ্যালেরিয়াস্! দাও সহুত্তর।

তাহারাও পুত্র নগরের।

হয়েছে কি মৃত্যুদণ্ড সকলের?

ভ্যালেরিয়াস্। হাঁ, ক্রটাস্। মৃত্যুদণ্ড হয়েছে তাদের।

ক্রটাস্। তবে কোন্ বিধিমতে

দণ্ড নাহি দিবে পুত্রে মোর?

(রক্ষীবেষ্টিত এবং শৃঙ্খলিত টাইটাস্কে লইয়া প্রোকিওলাসের প্রবেশ।)

টাইটাস্। উঃ! হেথা নহে।

রক্ষীগণ অগ্ন্য কোথা নিয়ে যাও মোরে।

ক্ৰটাসের কাছে নয় ।

কুসন্তান আমি তার ।

চক্ষু মেলি চোখে তার চাহিতে নারিব !

ক্ৰটাস্ ।

টাইটাস্ !

টাইটাস্ ।

পিতা ! পিতা !

(ক্ৰটাসের কাছে নতজানু হইল ।)

ক্ৰটাস্ ।

টাইটাস্ ! কহ সত্য করি ।

এক পুত্র ক্ৰটাসের নাহি ইহ লোকে ।

যেই পুত্র এখনও লভিছে নিশ্বাস

সে কি যোগ্য নগরের ?

(টাইটাস্ নিরন্তর ।)

কহ সত্য করি ।

নিঃসন্তান হয়েছে কি পিতা তব ?

টাইটাস্ ।

পিতা ! নিঃসন্তান হয়েছে ক্ৰটাস্ ।

ক্ৰটাস্ ।

শুন তবে, পিতা নহি আমি আর ।

আমি বিচারক, তুমি অপরাধী ।

নগরের বিধিমতে করিব বিচার ।

উঠিয়া দাঁড়াও । লহ দণ্ডাদেশ ।

(টাইটাস্ দাঁড়াইল ।)

প্রোকিওলাস্ । ক্ৰটাস্ ! তোরণে ছিল না পুত্র তব ।

এখনও হয় নি প্রমাণ অপরাধ তার ।

টাইটাস্ । পিতা ! সত্য বটে নগর তোরণে ছিল না টাইটাস্ ।
কিন্তু জানিত সে,
অমুচরগণ তার নগর তোরণ
সমর্পণ করিবে শত্রুরে ।
তবু সে পামব বাধা নাহি দিয়েছে কাহারে ।
মৃত্যুদণ্ড যোগ্য শাস্তি তার ।

ক্রটাস্ । ভ্যালেরিয়াস্ ! এখনো কি সন্দেহের
কণামাত্র অবকাশ কিছু আছে ?

ভ্যালেরিয়াস্ । ক্রটাস্ ! ভিক্ষা চাহে রোম ।
ক্ষমা কর টাইটাসেরে ।
পুত্র তব দেশভক্ত বীর ।
যুদ্ধক্ষেত্রে করেছে প্রমাণ দেশভক্তি তার ।
সাময়িক উত্তেজনা মার্জনীয় তার ।

টাইটাস্ । পিতা ! ক্ষমা যদি কর মোরে আত্মহত্যা করিব
নিশ্চয়

অভিলাষ যাহা ছিল মোর হয়েছে নিঃশেষ ।

মৃত্যু মোরে করিছে ইঙ্গিত ।

বার্থ মোর সকল কল্পনা ।

তবু গর্ব মোর রয়েছে এখনো

ক্রটাসের পুত্র আমি ।

দেবতার মত পিতা মোর বিধানের শ্রেষ্ঠ দণ্ডধারী ।

অপরাধী আমি,

মুক্তি দিলে মোরে
 গর্ব মোর মিশিবে ধূলায় ।
 ক্রটাস্ । নিদারুণ ভগবান্ ! অপূর্ব এ রচনা তোমার ।
 এত উচ্চ আদর্শ যাহার, সেও এত হীন !
 দেবতার মত চিন্তা যার, সেও ভৃত্য দানবের !
 শুন প্রোকিওলাস্ !
 রোমের বিধান উচ্চনীচ নাহি মানে ।
 নিজ হাতে প্রতিষ্ঠিত করেছি নগর ।
 তবু আমি ভৃত্য নগরের ।
 রোম হ'তে রোমের তনয়
 শ্রেষ্ঠ কভু নয়, কভু নয় ।
 পুত্র মোর অপবাদী ।
 মৃত্যুদণ্ড দিয়েছি তাহারে ।
 ভ্যালেরিয়াস্ }
 ও প্রোকিওলাস } ক্রটাস্ !
 ক্রটাস্ । হৃদয় সহেনা বৃষ্টি আর ।
 নিয়ে যাও চক্ষু অন্তরালে ।
 টাইটাস্ । পিতা ! বিচার হয়েছে শেষ ।
 শুধু একবার পুত্র ব'লে বক্ষে ধর মোরে ।
 ক্রটাস্ । পুত্র ! এস বক্ষে মোর ।

আলিঙ্গন করিয়া রোদন

পুত্র ! তুমি ছিলে পৃথিবীর সর্বশ্রেষ্ঠ বীর ।

অকাতরে স্নেহ আমি দিয়েছি তোমারে ।
 , অপরাধ করেছিলে অতি হীন,
 তাই বিধিমতে দণ্ডদেশ করেছে ক্রটাস্ ।
 লহ তার আশীর্বাদ,
 মৃত্যু সাথে,
 সর্বগ্লানি অন্তরের লুপ্ত হ'য়ে যাক্ !
 মুক্ত তব অন্তরাত্মা চলে যাক্ বিধাতার ক্রোড়ে ।
 বল পুত্র ! মোর কাছে
 আছে কি কোনও অভিযোগ,
 কোন শেষ আবেদন ?

টাইটাস্ ।

পিতা ! শুধু আছে এক নিবেদন ।
 যেই হাতে রক্ষা আমি করেছি নগর
 সেই হাতে মৃত্যু ভিক্ষা করি ।
 দাও অনুমতি,
 নিজ হাতে বিদ্ধ করি মলিন হৃদয়
 শিক্ষাদান করি সকলেরে ।
 প্রমাণ করিতে দাও পুত্রেরে তোমার,
 বিধান তোমার শ্রেষ্ঠ পৃথিবীতে ।
 আমি কুসন্তান ।
 তবু ভিক্ষা করি,
 পাপে মোর পিতা যেন না হয় মলিন ।

ক্রটাস্ ।

পুত্র ! শেষ আবেদন তব করিলু স্বীকার ।

প্রোকিওলাস ! বন্দীরে তোমার মৃত্যুদণ্ড দিয়েছে

ক্রটাস্ ।

নিজ হাতে টাইটাস্ দণ্ডদেশ করিবে পালন ।

নিয়ে যাও তারে ।

হৃদয় সহিতে নারে আর ।

থাকিতে জীবন মোর দণ্ডদেশ করিও পালন ।

প্রোকিওলাস্ ! হৃদয় ফাটিয়া যায় ।

অবিলম্বে নিয়ে যাও চক্ষু অন্তরালে ।

টাইটাস্ প্রভৃতি যাইতে উত্তত !

পুত্র !

টাইটাস্ ফিরিয়া দাঁড়াইল ।

না, না ।

আরে অবোধ হৃদয় !

ক্রটাসের পুত্র নাহি ।

নহি পিতা, নহি পুত্র, ভ্রাতা নহি, মিত্র নহি ।

রোমের ক্রটাস্ বিধানের দণ্ডধারী যন্ত্র প্রাণহীন ।

টাইটাস্, প্রোকিওলাস্ প্রভৃতির প্রস্থান ।

ভালেরিয়াস্ । ক্রটাস্ ! প্রিয় বন্ধু মোর ।

শুধু একবার রাখ অনুরোধ ।

ক্ষমা কব টাইটাসেরে ।

ক্রটাস্ । ভ্যালেরিয়াস্ ! কেন বৃথা কর অনুরোধ ?
 ক্রটাস্ পাষণ ।
 বুকে তার বজ্রপাশী মুহমূহ্ করিছে আঘাত ।
 ভবুও ফাটেনা হয় ।
 এমনি কঠিন ।

প্রোকিওলাসের প্রবেশ ।

প্রোকিওলাস্ । (কাঁদিতে কাঁদিতে) ক্রটাস্ !
 ক্রটাস্ । ওঃ !
 প্রোকিওলাস্ । ক্রটাস্ ! দণ্ডদেশ করেছি পালন ।
 ক্রটাস্ । ওঃ ! মোর পুত্র হ'তে মুক্ত তুমি রোম ।
 কোথা দেহরক্ষী মোর ? অস্ত্র দাও ।

(তরবারি হাতে জনৈক দেহরক্ষীর প্রবেশ ।)

অরক্ষিত নগর তোঁরণ ।
 ক্রটাস্ স্থবির ।
 তবু নিজ হাতে রক্ষা আমি করিব্ ছয়ার ।
 কোথা অস্ত্র ? অস্ত্র দাও মোরে ।

(দেহরক্ষী তাহাকে তরবারি দিল ।)

আঃ রে নির্ভুর দেবতা !
 আরও কঠিন আঘাত করিয়া যাও ।

চক্ষু মেলি দেখে যাও,
বন্ধোপরে আপনার
বজ্র তব করি প্রতিহত ।

(তরবারি উচ্ছে উঠাইয়া দেবতার বেদীমূলে ক্রটাস্ অচেতন হইয়া
পড়িয়া গেল । ভ্যালেরিয়াস ও প্রোকিওলাস্
উচ্চৈঃস্বরে কাদিয়া উঠিল ।)

স্ববনিকা ।

